



東方雜誌

第二十二期 第二卷



售例

丙午年東方雜誌售例

- 一本雜誌零售每册大洋三角預定全年十三册大洋叁圓丙午過閱增報一册本埠外埠外國一律詳後
- 二外埠郵費全年六角日本同外國郵費全年壹元五角如零售者郵政已通之處每册郵費伍分外國每册郵費壹角至未通郵政之處民局寄費閱者自給
- 三凡至總發行所定購者務請將資費送交總發行所收銀後當付收據惟未能照章寄足者祇可照零售例每册以大洋銀三角計算寄足應得册數為止
- 四在總發行所定購者本埠按期派送不取酒資
- 五凡一人定購五份寄送一處者照價九折拾份者八折
- 六在總發行所定購者如遷徙他處務託妥人代收一面知照總發行所改寄惟已寄原處之報不能複寄其在代售處定購者請自向代售處商辦總發行所不能接寄
- 七總發行所按期寄送以郵局民局回單為憑中途遺失閱者自理
- 八凡在代售處購報者報價郵費與總發行所一律由代售處逐月函寄總發行所清釐帳項照通例以八折核算除二折作爲酬勞惟至少以五份起碼代售至二百五十份者七五折五百份者七折七百五十份者六五折一千份者六折惟郵費分文不扣
- 一代售處收到資費即寄總發行所如定購者不將資費照章寄足照第三條辦理至代售處遣人送報不得另索酒資
- 一本雜誌總發行所在上海棋盤街中市商務印書館內 本埠代售處 各書坊 外埠代售處 北京商務印書分館 公慎書局 有正書局 天津商務印書分館 保定官書局 長沙集益書社 常德啟智書局 武昌中東書社 新政書局 漢口 商務印書分館 江左漢記 廣東省城商務印書分館 開新書報公司 聖教書樓 嘉應州啟新書局 英文書莊 南昌廣智書莊 商學社 南京中西書局 啟新書局 杭州崇實齋 蘇州公益會社 金港堂書店 山東安邱縣啓後堂張宅 河南開封總派報處 歸德府井偉生 陝西陳漢卿 日本東京金港堂書店

東方雜誌第十二期目錄

圖畫

軍機大臣政務處大臣會辦練兵事宜巡警部尙書徐公世昌小像

政務處大臣學務大臣戶部尙書張公百熙小像

肅皇大成殿
孔陵前陳水橋

白鹿洞
白鹿洞書院

社說

選論附

論立憲與教育之關係 本社撰 覺民

陸軍大操之後言 本社撰 龍照

續論中俄於世界之關係 錄乙巳第十九號外交報

論國民宜速養成辦事能力 錄乙巳十月十七日南方報

論近世無公是非 錄乙巳第二十五號外交報

諭旨 九月十一日至十月二十九日

目錄

內務

論國家於未立憲以前有可以行必宜行之事 錄乙巳八月二十二日中外日報

論立憲當以地方自治為基礎 錄乙巳八月二十三日南方報

政務處奏議覆刑部左侍郎沈條陳時事摺

吏部奏擬將教職逐漸停選摺

工部奏整頓部務化私為公並變通一切章程摺

工部奏變通舊章以省繁文而歸實際摺

奉天將軍趙奏請歸併五部事務摺

奉天將軍趙奏裁奉天府尹摺

奉天將軍趙奏裁奉天府丞摺

各省內務彙誌

各省內務彙誌

軍事

原敗 錄乙巳第二十號外交報

署兩江總督周奏遵章設立督練公所及辦理情形摺

乙巳

四川總督錫奏查明駐藏大臣鳳等死事情形摺
署山東巡撫楊奏籌議青德兩營裁併旗兵餉並撥
給荒地墾租俸資添練摺

練兵處編定北洋軍制通咨各省督撫文

直隸閱兵處秋操辦事條規

江西改編一協兩標簡明營制簡章

日俄和約正文

錄乙巳甲外日報
譯九月十九日大阪每日新聞

各省軍事紀要

日俄戰事紀要

津支要聞
反挑和約

各國軍事紀要

外交

論日俄議和後之中國外交 錄乙巳十月初八日時報

論我國與日俄兩國之交涉 錄乙巳十月十五日時報

英日續訂盟約大綱

中外交涉彙誌

各國交涉彙誌

教育

論停科舉後宜專辦小學 錄乙巳九月初三日時報

論設學部辦法 錄乙巳九月初四日南方報

學務大臣奏議覆出使法國大臣孫奏請勸勵紳商廣
設小學堂摺

練兵處兵部會奏試辦貴冑學堂擬訂章程摺

署兩廣總督岑奏請將廣東武備學堂改為兩廣陸軍
中學堂並附設廣東陸軍小學堂摺

江蘇學會暫定簡章

北京豫教女學堂章程

各省教育彙誌

各省遊學彙誌

各省報界彙誌

僑商遊學

韓語設堂

宗教

小說
雜俎
叢談

奉天教案新約
各省稅務彙誌

論法國限制教會學堂事因及宗教過去未來之狀況
錄乙巳十月初五日禮拜日日官報

目錄



三

二四




目錄



四

十二月


軍機大臣政務處大臣會辦練兵事宜巡警部尚書徐公世昌小像




政務處大臣學務大臣戶部尚書張公百熙小像



曲 阜 大 成 殿




孔 陵 前 洙 水 橋



洞 鹿 白



院 書 洞 鹿 白



商務印書館出版
地理類教科書

中學學堂用
中國地理教科書

武進屠敬山太史學識淹貫壯歲好游嘗南洋瘴海北汎難河西入巴山東望長白登板岳灑彭蠡歷蒙古東四盟及察哈爾之地故於輿地學所得尤深昔年為京師大學堂教員即主輿地歷史講席既歸又與里人開地理講習會乃成此書凡分三卷首總論及地方志凡山川形要風俗三地方志得之目觀故言之尤詳屠君自言嘗據奏定中學堂章程編纂約二百小時可以畢業一切調查以光緒三十一年四月為止然則是書之結構之價值蓋無待費言已指圖數十幅洋裝布面每部一大冊定價一元五角

讀書宜觀本所
是者參之清國
全圖

商務印書館出版
地理類教科書

學務大臣審定
天瀛寰全志

總理學務大臣審定

中學用

評語曰蒐輯精詳
略得當可為是書具
評○輿地之學前矣
而足備學堂教科之
需者尙未之見本館
特聘名宿搜集東西
輿地學大家所著地
理佳本精心翻繪
一年之力始成此書
以備中等教科之用
文筆條暢校對精詳
未附中西合璧表洵
屬完全無憾並向日
本定製銅版圖畫數
百幅插印卷內精緻
美麗光彩照人

洋裝一冊
附圖全
圖一冊價
洋二元

初等小學地理教科書

陳列府縣名山川形勢物產風俗人等
曰味同編地山川形勢物產風俗人等
化板活於國子之記是亦足相輔成行
分爲七路以分爲四路各附圖一冊
內行所經國子之記是亦足相輔成行
書中並附板圖以分爲四路各附圖一冊
開卷尤與板圖每部四冊與中國三冊
另附中國外圖每部四冊與中國三冊
教習講習時指示之用每部四冊與中國三冊

小學用

萬國地理新編

領南○凡分六編
首全○凡分六編
亞洲次歐洲次
非洲次澳洲次
美洲次凡屬極
氣候物產風俗
情物產風俗
斷網舉目易
詞雅銜地無
解選用絕無
沿舊稱絕無
日譯本新奇
怪之弊以供小學教授
最為合宜

每部一冊價洋一元

社說 運輸附

論立憲與教育之關係 本社撰稿

覺民

自日本以區區島國。崛起東海。驅世界無敵之俄軍。使之復還其故都而後。世之論者。咸以專制與立憲。分兩國之勝負。於是政府有鑒於此。如夢初覺。知二十世紀之中。無復專制。餘地。乃簡親貴。出洋游歷。考察政治。將取列邦富強之精髓。以藥我國垂危之痼疾。盛哉斯舉。其我國自立之權輿。吾人莫大之幸。雖然。憲政之行也。必全國人民。皆具有政治知識及自治能力。而後能措置裕如。秩序不紊。非可鹵莽滅裂而強以行之也。彼英吉利者。非所謂憲政之母國乎。然其人民之推翻專制。要求立憲也。不知經幾許時日。擁護許頭顱。而後有以寒暴君之膽。穢汚吏之魄。亦足見數十條之憲章。非可倖得矣。蓋專制者。君主之護符。而憲政則人民之甲冑也。專制之君。襲萬乘之尊。挾雷霆之威。以侵人民之自由。而奪人民之權利。於是彼人民者。乃不得不出而抵抗。用圖自立。此固自有歷史以來。凡國之由專制而進於立憲者。所必經之現象也。雖然。此現象之所以發生。其在民智大開。民力膨脹之時乎。若全國人民。智識未開。能力薄弱。則其不視君主為神明。而自甘於奴

社說

五百四十三

七

隸者蓋寡。安望其出生入死。攘袂奮臂。冀還固有之權。以歸之於己也哉。是故憲政也者。必由人民之要求。而後得。非君主之所肯施捨者也。而人民之要求立憲。亦必在民智大啟。民力大進以後。而非淺化之民所能夢見者也。

今者我國之人民。果處何等之位置乎。泯泯昏昏。蠢如鹿豕。知書識字者。千不得一。明理達時者。萬不得一。家庭之中無禮教。鄉里之中無團體。郡縣之間。視同秦越。省界一分。爾詐我虞。以如是之國民。而與之以莫大之權。使之與聞國事。是何異使蚊負山。蛇距海也。雖有二三大臣。提倡於上。頒布憲法。與民更始。其如民智之幼稚。民力之綿薄何。吾恐憲政既立。而國民茫然無措。必有一舉手一動足。而無往非荆棘天棘地之概者。盲人瞎馬。夜半深池。其不貽笑於環球者。幾希矣。

夫此非予之酷論也。我國民之實情。確有然者。夫憲政必由於民之要求而後得。非君主之所肯施捨。人民之要求立憲。亦必在民智大啟。民力大進以後。而非淺化之民所能夢見。此其理吾前不已言乎。嚮使我國民知識已開。能力已強。則立憲之舉。成立久矣。即未成立。而要求之事。亦當時有所聞。如俄民之聯絡全國。上書國主。紛紛罷市。要求立憲者。則憲政之行。指顧間耳。又何必待在上者之恩施。而覩顏以受之哉。不此之計。我國民之程度。殆可知。

矣。今者俄皇尼古拉士第二已准其人民之要求。設立國會。選舉議員。從茲向受專制之俄民。皆獲享立憲之權利矣。而我國民乃籍口結舌。默坐以俟政府之立憲。亦知憲政之立。自上者可暫。而不可久。必其要求於下者。方可長久乎。甚矣其愚也。

雖然。吾觀政府之意。似已決於立憲矣。使節雖阻。啟程特需時耳。而海內人士。嗚嗚望治。惟恐憲政之不立。而引領以歡迎之。是則憲政之於今日之中國。直如墜石危崖。走丸峻坂。雖有責育之勇。亦莫能阻其前進。況環顧各邦。鷹隼鸚視。神州大局。岌岌可危。若必待吾國民具有立憲之資格。而後始舉行憲政。恐彼其時中國之名詞。已不復存於世間。而為歷史上之古蹟矣。故憲政之行。誠為今日要圖。不能須臾緩也。若政府果能捨其特權。分之於民。屏絕虛橋。誠心立憲。則和平之改革。日本已啟其先路。我何妨步其後塵乎。至於國民知識之幼稚。能力之薄弱。則宜有術以培養。而助長之。數年以後。度不難及。立憲國民之程度。其術維何。則教育是已。教育既備。國民胥智。政治上之知識。皆磅礴於人人之腦中。而後自治之能力。隨在可以發揮。以之充議員之選。聞國家之事。其恢恢乎游刃有餘矣。然當教育未濶之時。決不能遽行立憲。若逆其道而行之。適足以增異日之障。甚無取也。謂宜仿日本成法。先頒令於國中。以六年為期。實行立憲。庶全國人民。皆得有所預備。而不致手足無措。此萬

至之境也。願論者多主急進主義而不取漸進。且謂教育普及。宜期諸立憲以後。此其說雖持之有故。言之成理。而切實接之。則不免有倒果爲因之弊。吾故期期以爲不可。

昔日本維新之初。福澤諭吉譯盧梭民約論。播諸民間。於是自由平等之說。喧騰衆口。俯仰大隈重信輩。競請立憲。處士橫天。亦附和其說。獨加藤宏之以民智未開。程度太淺。通行立憲。不見其利。特爲漸進之說。而庶衆說之非。厥後卒於十七年間頒布憲法。二十三年始設議院。迄今日本憲法森然。蔚爲強國。皆此六七年間大興教育。廣開民智。有以立之基也。記者不敏。竊願探彼成法而爲我國籌興學之方。其諸大雅君子所樂聞者乎。

夫專制流毒之浸淫於中國者。三千有餘載矣。其人民素受壓制。喪失自由。馴至放棄義務。喪失權利。不識國家爲何物。不知自治爲何事。此亦根於天演而無可如何者也。今若一旦改革舊制。取我國民所未曾夢見之憲法而移植之。有羣相咋舌。扼手繫足而已。雖然。通商之埠。都會之區。人文薈萃。英傑輩起。其中非無熟諳憲法。研究政治之人。竊謂宜於各省會及各商埠。分設憲法研究會。由學望兼優者。招集同志。組織團體。凡各國立憲之歷史。及現行之法規。靡不精研而別擇之。何者行之於中國爲有利。何者行之於中國爲有弊。秩然釐然。無使紊亂。又於本邦律例。逐條討論。斟酌夫地理之宜否。民俗之強弱。決其孰者宜

仍。孰。者。應。替。集。其。大。成。編。為。議。案。然。後。公。舉。代。表。提。出。而。要。求。於。政。府。請。其。承。認。著。諸。憲。章。然。後。憲。政。之。根。柢。固。而。萬。世。之。長。基。立。矣。蓋。政。府。諸。公。大。半。豐。其。席。履。自。幼。作。吏。其。於。民。情。固。未。能。洞。悉。即。問。有。來。自。田。間。者。亦。以。離。民。間。日。久。民。之。情。偽。難。由。臆。知。若。毋。以。議。立。憲。法。之。責。難。免。不。處。處。隔。膜。而。有。倒。行。逆。施。之。弊。故。不。如。其。立。自。於。民。之。較。為。親。切。也。此。憲。法。研。究。會。之。所。以。亟。宜。設。立。者。也。

雖然。憲。法。立。矣。而。無。行。政。司。法。之。材。以。維。持。而。調。護。之。則。又。徒。成。具。文。不。如。無。之。之。為。憲。也。故。附。通。官。智。培。養。吏。才。實。為。今。日。急。務。前。者。修。律。大。臣。請。設。仕。學。速。成。科。一。摺。已。由。學。務。處。議。准。通。行。各。省。遵。照。辦。理。其。所。訂。辦。法。頗。中。肯。綮。誠。能。循。是。行。之。數。年。以。後。當。不。難。事。著。成。效。茲。不。贅。述。

按。各。國。小。學。皆。有。國。民。教。育。一。門。所。以。講。明。國。民。之。關。繫。及。人。民。生。存。之。要。素。以。鼓。舞。兒。童。之。愛。情。提。倡。社。會。之。公。德。故。及。其。長。成。莫。不。具。有。國。家。思。想。又。設。政。法。一。科。采。節。法。制。編。為。教。科。故。與。國。人。民。法。律。思。想。最。強。自。治。能。力。亦。最。長。今。我。國。民。之。冥。頑。不。靈。者。實。居。最。大。數。數。論。法。律。之。學。非。所。諳。習。即。與。民。之。關。繫。亦。多。茫。然。不。知。今。欲。矯。其。弊。似。宜。仿。各。國。學。制。於。小。學。課。程。中。增。入。國。民。教。育。及。政。法。二。者。方。為。正。辦。惟。自。小。學。以。迄。成。材。必。在。十。五。年。

以後而立憲之期。至遲不過六年。若必待今日小學之學生悉行成材以後。始舉行憲政。未免有河清難俟之感。竊謂宜於普及小學以外。另設無數絕大補習學校。凡年長失學及農工商買中之識字明理者皆入之。授以普通科學。以養成其普通之知識。並特設政法一門。以啟導其法律之思想。三四年畢業。於立憲之事固已粗知。崖畧雖不及各國民之資格。而債事之弊。吾知免矣。至於肩挑買易之徒。與夫作苦自給之輩。則非教育之力所能及。宜以演說與改良戲劇二者並行之。吾聞日本人民之開化。實得力於演說者多。其時國內盛開演說會。聽者或數百人至數千人。遇有勸貴及知名士登壇。則聽者或數千人至萬餘人不等。今東西各國大政令大興舉。無不倚重演說。為行政之關鍵。誠以演說者無智愚賢否皆能感動且普及較易也。今宜仿而行之。多派士人分赴各地。到處演說。使衆知今日中國危弱已極。非立憲無以自存。立憲之事非自治無以成立。之故。而後有人人思危亡之痛。人人知振作之方者。吾弗信也。至於戲劇。則其感化之力尤大。庚子拳匪之亂。識者至歸其咎於戲本之不善。非無故也。今宜擇各國立憲史中之事實。編為戲曲。演諸劇場。庶幾兒童婦女耳濡目染。亦知立憲之爲何事。而恍然大悟矣。

以上所陳。僅就立憲與教育之關係。約略言之。然苟能循是而行。數年之後。當不致無效可

觀。慎弗以為老生常談而河漢視之也。歲月不居。如駒過隙。今世何世。今時何時。我國民其速猛省乎。至其他於未立憲以前所應行興革之要政。如改官制定國法易服色同律度量衡諸問題。則海內達者論之已詳。固無俟鄙人喋喋者矣。

陸軍大操之後言 本社撰稿

繼照

讀吾國近代史家所作之兵志。兵之強弱。羌無定形。總而論之。大率弱時長而強時暫。此其故。非僅繫於將帥賢否。而法制之不善。有以使之也。自管仲變周之制。兵民分途。所謂城郭之制。亦其始也。於是所謂兵者。遂孤懸於四民之外。古者兵家。有陸路。有水路。有舟車。有步騎。其制不一。而皆以兵為名。其制不一。而皆以兵為名。久之。乃為無業游民淵萃之地。至為流俗詬詈。好漢不常兵。是也。夫此時代所稱為兵。極其震肢耀魄之能。僅能戰勝於無律內訌之草寇而已。若與強敵相遇。則無不敗。歷史具在。千年陳跡。可屈指數之。以實吾言也。國朝肇興滿洲。號稱以武立國。且於制治之術。屢用兵法。其大者。言之如中央政權操於軍機處。又如以將軍。統其大者。言之如中央政權操於軍機處。又如以將軍。統其大者。言之如中央政權操於軍機處。宜其有軍國之模楷矣。顧一稽諸近時戰事。禍敗之跡。前後接踵。無殊陋宋。所定之名。王制也。是豈兵之強弱。隨世運氣數以推移歟。蓋嘗參伍錯綜。而得其所。以然之故矣。大凡政治之良楛。人事之利鈍。均非無端而至。皆有本末。可推因果。可證淺智之士。苦窺不破。儼若因果圓融。不能分析。然試察其真際。未嘗

經說

二百四十九

乙巳

不。因。果。分。明。如。桂。樹。之。團。團。日。石。之。齒。齒。善。敗。之。數。固。可。得。言。然。則。本。其。道。而。措。諸。又。未。嘗。不。能。執。因。以。求。果。也。夫。自。管子。柄。齊。兵。民。顯。分。後。世。因。仍。以。為。損。益。極。其。未。流。乃。至。近。日。之。招。募。招。募。自。川。定。後。行。之。難。矣。之。此。其。成。敗。得。失。千。緒。萬。端。驟。觀。形。似。頗。為。迷。註。欲。窮。其。說。窮。年。莫。殫。然。可。蔽。以。一。言。曰。招。募。之。兵。無。來。路。無。去。路。其。不。可。恃。在。是。不。能。長。勝。者。亦。在。是。所。謂。無。本。之。水。而。非。混。泥。之。源。泉。也。今。以。近。事。之。留。人。心。目。者。證。之。亦。可。見。矣。甲。申。之。役。雖。敗。於。法。當。時。克。平。內。亂。自。總。為。勳。兵。宿。將。者。猶。有。貽。存。故。不。見。其。兵。之。不。足。自。甲。午。之。役。敗。於。日。本。羣。相。離。叛。乃。知。舊。有。之。兵。不。可。復。恃。而。有。練。新。兵。之。廟。算。於。是。練。於。南。者。有。粵。南。皮。經。營。於。江。南。之。自。強。軍。及。朝。北。之。護。軍。練。於。北。者。有。袁。項。城。經。營。之。新。建。陸。軍。及。聶。提。督。士。成。之。軍。宋。提。督。慶。之。軍。與。至。今。尚。存。之。馬。提。督。玉。崑。諸。軍。此。皆。甲。午。戰。敗。以。後。新。起。之。兵。彰。顯。於。耳。目。者。也。當。江。南。自。強。軍。成。立。之。始。外。容。整。秩。甚。負。名。譽。德。國。親。王。亨。利。游。歷。江。南。憑。軾。觀。操。嘗。用。贊。美。以。為。可。幾。及。德。意。志。之。軍。隊。願。無。幾。時。而。此。軍。教。習。之。德。將。萊。春。石。泰。期。滿。返。國。易。以。舊。將。統。率。自。強。軍。遂。日。即。墮。廢。一。落。千。丈。其。情。狀。儼。如。夙。昔。琅。威。理。去。後。之。北。洋。海。軍。蓋。以。舊。將。統。新。軍。舊。染。惡。習。懷。嫌。而。至。其。統。領。尅。扣。心。計。至。工。不。特。施。於。月。輪。也。即。醫。官。之。月。俸。兵。士。疾。疫。之。藥。料。皆。納。以。為。己。利。未。及。一。年。原。募。軍。人。逃。散。略。盡。辛。丑。秋。徵。

關北上。其時裁尺籍者。盡取辦於臨時募僱。皆行屍走丐。非復初立之自強軍矣。湖北護軍。在東南各省。亦稱特出。膠州變起。南皮曾欲率以拒敵。當是之時。中樞惕息。撼手色戒。不從其言。故此軍之實力無由表見。僅僅鄭京卿等率其一部。以遠戍龍州。據在事者言。曾實遜於五年以前成立之始。觀於調至江甯。團巷騷然。頗不飭整。則內容亦可知矣。而練於北方者。又可概見。蓋軍當庚子之亂。困於集元。拾聯軍方張之勢於天津者。凡三旬餘。閱在事善量我敵者言。使無張繼良誑惑。或不至將隨軍潰。當時西報亦頗驚詫。以爲勁敵。微聞焉提督玉崑所將之軍。樓勇爲北地軍冠。特規制未完。當其守中立地時。亦頗稱道。於日人之日。而項城所統之軍。庚子亂時。屹立山東。保全東南。其功非細。項城且以是得大業。願。定今日練兵之國。是凡此皆就甲午以後。新練諸軍。昭著之迹。象言也。自其一二事論之。甲午以後。所練諸軍。方於前者。不可謂爲無進步。今者秋操之典。爲振古所罕聞。且爲後此新軍。一夫紀元。秩序井然。大遠乎昔。愛觀之實。贊不去口。亦可謂無憾矣。然兵者所以備戰。非僅以觀。觀戰禍之生。難期必十年百年。皆不可知。使今練成之兵。能如善藏物者。儲之無空。氣之地。歷久不敝。以待時用。乃可謂爲無憾。今既不能則所成之兵。僅備於今時。而不能久儲。以待後日。蓋可知矣。且究其實際。仍不能外乎招募。雖今招募之術。較昔時有精實之可。

指然聞直隸之民以用法嚴而逃亡接踵雖有籍貫而應募為兵者皆無生計產業之民逃遁之後窮於織捕是則充類至盡仍不能大遠乎昔日招募之弊也此無論成毀倚伏盛衰迭更今日練成之兵既曰成之其毀已兆蓄之數年其氣質必衰敗不能如朔卽照所定章程退伍之後無生計產業亦無以為善處之數年其氣質必衰敗不能如朔卽照所定章程以今日現勢論之殆如瀦蓄之水久則生腐有固然者故竊慮以為不可長恃為其為斷港絕潢而非朝宗之川流也蓋中國自昔言治之家往往不達大原故施治之術亦往往但措意於一端而不悟國家之有生理如人身之有元肱任督六府百骸必全完具始為強健之人非特養其一體即可以不死今列強之兵其強而不敵者在此以有正當之來路去路分合聚散密如攢筍故其國家能用之以強者以用其可用而不用其不可用故彼之料民為兵非特欲其多實欲使其不腐往過來續無停頓朽敗之憂而得其方新之氣也苟舍此不言則兵制之善誠莫有明若矣其兵專業世及而非招募一也無養兵之費二也明初兵制井賣鹽茶行引而令受者輸粟以給三邊正德以後始帶取稅為餉其數甚然洪武之世征伐未嘗久熄及燕師起李景隆以七十萬之眾敗於燕軍數萬者則世及之兵停蓄未久即流於腐敗也且明祖立制待兵頗為尊貴當時諸省統兵之都司與藩臬抗衡而稱三大憲

則雖尊榮無救於久頓之腐敗者勢也。當其季年就其冊籍制定之術所稽之隸尺籍者殆二百餘萬。而外不能禦敵。內不能靖寇。瓦解土崩。曾無藩籬之固。此皆積久之兵不能長恃之徵驗也。然則苟欲強兵。非用今日東西列國通行之國民義務服兵法不可。而欲得國民爲兵。應令徵赴。又非布定憲法不可。不然以俄羅斯震稱於世之可薩克。且爲區區日本立憲國所敗矣。夫中國人民其數至衆。誠使立憲以後。人人宣昭其愛國之心。而教育復能普及。則雖不行國民義務服兵之制而行。如今日英美召集之法。亦無不可。蓋強兵之本。根固在立憲與教育也。典兵者其亦加之意焉否乎。

續論中俄於世界之關係 錄乙巳第十九號外交報

本報於第一百十四期嘗作一論。題曰論中俄於世界之關係。篇中所論。於日俄未戰以前。則括已往之歷史言之。於日俄已戰之後。亦括近時之西報言之。於俄人之關係稍具矣。而於中國之關係。則未詳也。今試以中國前途之吉凶。反覆推測。以求其終極。而成此篇。人心所具之理。與世界所有之事。其繁簡長短。不可算數。比喻也。何況中國人種之盛衰。爲世界未曾有之大問題。而作者之聞見。又極其固陋。今此所推。夫豈有當。其所以作此者。不過因生此過渡時代之間。而適享言論自由之福。於此吾人切己之一事。稍稍討論。想亦同

志者之所樂聞也。

中國於世界之關係。可分二面論之。一、本有之中國。二、因外交而有之中國。

中國立國於東方。其民族本合多種為之。漢族之外。在東北者為鮮卑族。在北者為匈奴族。在西者為吐羌族。在西南者為苗族。在南者為黎族。顧種族雖多。而文化則皆漢族創之。

自古以來。各事其事。素不相通。真可怪也。中國三代以前。神話時代之事。不可得詳。自久貴族

時代。而史事備焉。及入專制時代。大燬五百年。而後大衰。道德學問工藝

之亂。則殺人如殲。然後少安。方其殺人之時。漢者以為劫運使然。深者以為暴政所

致。無一人能知政教之本原。有以致此者。故亂熄而政教之組織如故。其善者。振皇補苴。更

革。二。如大虞然。仍其棟宇。但稍稍為樹密聖壁之役。已稱再造矣。而後王之智。往往不及

前王。每有因更革而愈弊者。如是屢朝。愈積愈甚。故自作者。觀之以今之道。無變今之俗。即

使閉關終古。不遇西人數千年後。終至種滅。故今日之遇西人。幸也。非不幸也。其不幸者。不

於宋以前。遇西人耳。

如上所言。所謂固有之中國也。今一與西人遇。則古來所演成之定局。皆一變而無遺。此可據一事以證之。中國往例。列朝季世。必有庫藏空虛盜賊蠶起之一境。如是而後即亡。本朝專匪拾匪回匪大亂時。徵之往事。於法當亡。否則偏安。而所以能仍舊者。有外人助我。以兵與械也。專匪之後。其艱危之事。不一而足。皆可亡國。而所以亦能仍舊者。有外人助我。以鉅款也。是有外人而可使我國於當亡之時而不亡。其力亦云大矣。而古來所未有之變。亦即起於此。中盡彼力。能使我於當亡之時而不亡。即能使我於不亡之時而無異於亡。質而言之。則古所謂亡者。朝也。非國也。今之所謂亡者。國也。非朝也。夫至於國亡而朝無恙。其慘乃有不勝言者矣。今日之事。雖未遽至此。而大有趨於此之勢。明時事者咸知之。本報亦不願隱其真跡也。

故今之論者。咸曰。今外人之侵略中國。與古之窮兵黷武者有異。一則由於均勢。一則由於瘡民。二者皆有不得已之苦衷。故其力以久而愈堅。不能因一挫而退縮。中國若與彼利害不同之國。計必合力相抗。以摧我萌蘖。黃禍之說。其見端矣。此中國之局。所以難於日本百倍也。其或者遂忍而終古乎。雖然。自本報之意觀之。中國之受困於外國。固矣。且本報敢斷言之曰。其受困者。今日尙未至其極也。其極必有不可言者。就今日中國之事而觀。孰非有

漸困之道。即以圖法一端論。用金耶。目前之困難。必不可免。不用金耶。雖無目前之困難。而終久趨於不起。此二端必不能免一者。其他之事。莫不類此。然本報又敢斷言之曰。中國前途固有莫大之困難。然亦終有否極泰來之日。蓋必困者就目前之成局言之。不終困者就吾民之元氣言之也。惟所謂元氣者。何在則兩漢以前吾人之道德學問工藝武勇所伏於吾民之種智者是矣。

此皆就中國人種之大概言之。其事至大。其日至長。若於日俄一戰。渺不相涉。然而日俄一戰。正吾人所觀感而興之端也。日俄之戰。非世界之大事哉。至於論中國大強之後。白種之民。立於何等之地位。則事太杳茫。非作者之所敢言矣。

論國民宜速養成辦事能力 錄乙巳十月十七日南方報

今問人曰。中國決無可爲矣乎。雖至愚者。不以爲然。試問中國應如何始可有爲。如何爲之。方可有效。雖在賢碩。有未能猝對者矣。設更欲試以事以驗其言之中否。恐千百人中。未有一二應者。是知今日民智業已稍開。而根基猶在幼稚。故其料事也。則得其概略。而不能綜其條貫。其辦事也。則偏於理論。而未能達於實行。凡此皆進化階級之所宜然。然國民游於天演之中。偷任其自然。而不加以人治。則以國勢之危迫。暨境土之廣遠。恐待民智大進之

時。而國已岌岌莫保矣。是不能不望國民之有以自振者。夫天下事大半始於空言。倘能卽物窮理。極深研幾。安見不爲實行之助。我國前此常求空言而不可得矣。近年以來。議論日著。國人始知天壤間有如是之事理。然其初第震而驚之而已。未嘗比勘對證。以爲我當有爲之一日也。厥後事理愈明。人始知某當仿效。某可師法。然見仁見智。各有不同。其效亦限於使人知某事當爲而止。至辦事之方法。措注之權宜。從未有分門而研究之者。夫今日應辦之事。吾人半已知之。如教育。如實業。如改政體。輿論業已協同一致。則此後所要者。不在知此事之當辦。而在知此事之當如何辦。前此之失著。固曰吾人鼾睡。未之知也。今則夢已醒矣。欠伸而起矣。若一舉一動。仍如鼾睡者之爲。而不克實觀其成效。將人之量之者。皆曰彼卽有爲。亦不過若是其輕藐欺陵之心。必將愈甚。而我亦永無可以雪恥之一日。且非特此也。外人觀我之血脈僨張。方以爲實有圖強之志。其始之狎而玩之。以爲姑與委蛇。不足深慮者。必懼而思變計。我誠能專心一志。急起直追。則雖事處萬難。然抱此振作之精神。終不畏橫逆相干。可曲折以求達其目的。乃今日上下呼號標榜。皆關係至重之事。其虛聲所播。頗足奪人。外人固以此爲中國民氣之蘇。方悚息而觀其後。乃遲之又久。而事終不舉。徒招敵忌。而損國威。不深令識者惜其多此一舉乎。推原其故。實由朝野上下尙缺辦事之

能力。無能力。故能知能言而不能行。故雖知之言之而無益於事。凡此皆中國今日
 解書之象。不可掩者也。夫能力生於才識。才識生於智慧。養於學問。成於歷練。此固非可求
 之齊集者。然今日民智已漸開矣。本其所知。而進求其精深廣博。成功亦非甚難。惟世變方
 新。凡事事程功。無不有賴於專門之學。如欲養成能力。勢必以學為根基。今日辦事之人。與
 求學之人。似猶截然分為兩途。此雖社會之信賴未堅。亦從學者未必真能致用之故也。故
 養成辦事能力。第一在學教育。第二在學教育。一事尤與辦事有切要之關係。今中國之所以不能
 成大事者。非以無公德。無信義。無所以合羣之本所致乎。誠欲合羣。必先求德育。此語雖近
 理。然今日所辦之事。其要者皆公衆之事。非箇人之事。倘根基不立。而逞區區之私智。雖
 濟以學術。吾恐究其結果。終將有贖項而無建立。此不得不預為籌慮者。今日應辦之事務
 矣。我同胞宜速興起。各就一方。而以研求。夫辦事之才。自有階級。可以循序漸進。非必出於
 天縱。我同胞既知人人對於國家皆有應盡之責。則養成辦事之能力。即所以盡義務於國
 家。否則自負國民。雖日日奔走呼號。侈言辦事。而其益尙微。揆之愛國之義。當不盡是也。近
 日大事。若立憲。若教育。若爭國路權。皆我同胞演試之場。即有待於國民之興起者久矣。此
 誠。亦。鑒。于。鈞。之。聚。未。審。我。同。胞。何。以。處。此。願。親。愛。之。衆。有。以。告。我。焉。


論近世無公是非 錄乙巳第二十五期外報

種族之義。原於天性。親疏之辨。無俟告教。況至合數種族。而組織以成一國。則有種種養生送死。與利除患之政。上下相保。而後得安。是天性之是非外。又有人事之利害存。宜乎國家與箇人。聯爲一體。凡遇國家與國家之爭。甲國之人。斷無反戈以爲乙國之理。乙國之於甲國亦然。則千秋萬古。人類中永無賣國者可也。然而橫覽九州。販國之術。古今常有。微特我國政散民流。失其教養。人民竟不知此事之爲恥。貿然行之者。時時有之。即西國立憲之國。亦未必無此事。即日本人愛國之心。號爲卓絕。仇俄之念。下至婦人孺子而皆然。而此次日俄之戰。尙有日人親爲俄人之間諜者。豈真天下有性惡者哉。全國之利害。有時不敵其切己之利害。利之所在。不顧一切。而爲之。雖大害在後。尙不足避。區區之是非。更無論也。吾思各國之謀國者。必各欲設法以減少此等人之數。使之必盡而後已。而苦於無其術。吾固不暇問各國之後事如何。但就吾國而觀之。則覺與各國不可同日而語。蓋各國此等人。居其少數。而吾國此等人。居其多數。各國此等人。皆自知其得罪於社會。而又必爲社會所不容。吾國此等人。則不自知得罪於社會。而或爲社會所默許。故在他國。若國家不幸而生此等人。固足爲國家之玷。而國家不必因此而受其大害。而在我國。則國家未有不受其大害者。

因操此術者既多。而通國之人。又不以爲大慙。而爲之愈以無忌也。吾國與外國交涉。互六
七十年。何事不大敗壞。雖曰師不武。臣不力。屢爲城下之盟。積威之極。遂至如此。然而外人
之於我國。言語不通。嗜欲不同。甚至與我。從古未嘗相見。政教風俗。無不相反。何從而能知
我之隱微。制我之要害。如鬼如蠱。無事不知。故則必有人焉。慙慙其間。可知矣。而此等之人。
以實賤論。則上至將相。下至輿臺。以智慧論。則上至通人。下至不肖。莫不有之。六十年來。歷
歷有人。本報亦不欲誦言其事。所最怪者。此等之事。以理度之。在爲之者。必僅計其利。而不
敢視此爲至是之歸。而吾國則竟有怙終不變。岷岷然與人作切齒爭。若此一事。人幾貽誤
而賴已存之者。論世者以爲其像非小故矣。蓋學問之道。不明是非利害之所在。無一定之
界說。有一新事於此。則各憑其愛憎。而議之。旋各隨其性習。而聽之。羣言之淆亂。從不能集
衆而一決。其是非。而彼外人之持金相誘者。彼非獨以黃白相炫也。彼亦有其獎勵之說焉。
躋秀於苗夷。朱於紫。若或有道焉。味者聽之。既利其多金。復聽其言之大。可恃於是乎。不惟
躬爲之。而且口道之。不惟微言之。而且廷爭之。觀聽者於此。亦幾幾乎辨其理之不暇。而於
此受賂之案。有不及問者矣。吾國數十年來。外交之大事。無不如此。所以吾國之輿論。二十
年前。尙時聞父老之說。斥某人曰漢奸。斥某事曰媚夷。而二十年來。則絕不聞此說。非此二

十年來之無此等人。與此等事也。黑白淆而名義亂。遇有外交之事。則皆付之無可如何。而不復討論其因應之得失。此日蹙百里人情放恣之由來也。洎乎今日。則時勢已極。圖窮而匕首不能不見。吾國人之遇外交。多樂研究其因果之所在。其有得罪於社會者。其罪往往發見。既發見。則未有不詰責之。此實社會今日之進步。然吾恐今日以往。則此等人之面目。又將一變。前此之日。犧牲其國家。以徇一己之利祿。而尙欲靦然自立於無過之地。與一世爭口舌之長。後此之日。犧牲其名譽。而惟徇一己之利祿。至爲舉世所不容。則鋌而走險。以圖反噬。是其害尤有甚於當日矣。他日者。社會愈進。則此輩愈無以容。而其毒亦愈甚。天下未有此輩不除。而國能興者也。爲國家任事者。其亦警備之哉。

莊鏡



三國大書局

十二號

商務印書館出版
歷史類教科書

中學堂用

中國歷史教科書

錢塘夏穗卿先生撰

中國二十四史卷帙浩繁非史學家不能盡讀即通鑑續通鑑紀事本末九通之類其浩繁亦不下於正史欲撮其綱要成一簡本者代有其人然化極繁為極簡其事大不易易是以成書甚多而善本甚少本館特聘錢塘夏穗卿先生編為此書敘述古今以十三經二十四史為主而緯以羣籍其體裁則兼用編年紀事二體其宗旨則在發明今日社會之本原故於宗教政治學術風俗古今嬗變之所以然誌之獨詳此為從前編中國歷史教科書所未有而本篇之特色也至於篇中博採異說悉註原書於下學者可以按書翻檢隨時觸發其益無方尤便於學堂講習之用焉

全書凡五冊陸續出版

- | | | | | |
|-----|----|---|----|---------|
| 第一冊 | 至起 | 上 | 古 | 每冊定價洋七角 |
| 第二冊 | 至起 | 三 | 國始 | 每冊定價洋五角 |
| 第三冊 | 至起 | 代 | 晉 | 每冊定價洋 |
| 第四冊 | 至起 | 明 | 宋 | 每冊定價洋 |
| 第五冊 | 至起 | 國 | 朝 | 每冊定價洋 |

商務印書館出版
歷史類教科書

科堂
書教

西 洋 歷 史

中 最
學 新

必古系六度插首西後譯遺之造是譯特無為國歷
先之圖十名印為合務本詞日美編華搜完為而史
觀助十八勝征次璧求陋筆機國起文輯美可今而為
為想一幅人戰俾表畫習雅舉調埃各英可各外學
快有志尤國之盟便悉一卷末人無孕俄化之纂及本
也史足帝圖之章查華末人無孕俄化之纂及本
者積世百制中前時無事時為已館

每部二册

價洋二元五角

最 新 初 等 小 學

中 國 歷 史 教 科 書

是為初等小學
第四第五兩年
之用共兩册每
兩卷每卷四十
課每星期授兩
課以一年畢一
册起自上古訖
於今日專取歷
代大事及名人
事蹟之足資觀
感者以充材料
簡要不繁文筆
亦雅潔可備另
附歷代沿革圖
一册

每部二册

價洋三角

諭旨

九月十一日至十月二十九日

上諭軍機大臣徐世昌、繆昌均著加恩在西苑門內騎馬，繆昌並加恩著在紫禁城內騎馬。欽此。上諭貴州巡撫著岑春煊署理，增韜著署理湖北按察使。欽此。上諭兵部左侍郎著壽勳署理。欽此。上諭廣西巡撫著林紹年補授。欽此。

上諭李經羲奏假期屆滿病仍未痊懇恩開缺一摺，廣西巡撫李經羲著准其開缺。欽此。九月十一日。

上諭崇善奏查明浙省大員被參各款據實覆陳一摺，前據御史姚舒密奏參浙江巡撫孫毓汶等可為會桂貪贓不職各節，當經諭令崇善確查。茲據查明覆稱孫毓汶等會桂雖無貪贓實據，然以封疆大吏不避嫌疑偏信屬吏，且於吏治新政均不講求，以致紳民曠有煩言，當會桂遇事固執於屬員賢否漠不加察等語。浙江巡撫孫毓汶等會桂均著開缺候補，道朱瑞、專事逢迎居心險詐，候補知府文錦嗜利擅權，行止乖謬，伍元芝性情浮妄，不恤人言，候補知縣陳廷樹營生事性復貪鄙，候補遊擊吳家正捕務廢弛縱匪橫行均著一併革職，永不敘用。候補同知陳祖蔭惟利是圖不知自愛，著即行革職降補同知許貞幹不知飲述，頗招物議，著以府經歷孫丞降補，撫幕徐在廉權幕費並專事應酬聲名惡劣，著驅逐毋許逗留，以示懲儆。其餘各員或任事未久或查無劣跡均著免其置議。該部知道。欽此。十二月二十二日。

上諭湖南巡撫著廣鴻書署理。欽此。上諭浙江巡撫著張會敷調補，並著迅速赴任。未到任以前著瑞興暫行兼署。欽此。

上諭山西巡撫著張人駿補授。欽此。上諭浙江布政使著寶霖補授，增韜著補授直隸按察使。欽此。旨分發江蘇補用道汪詠沂、江西補用道朱燦奎、直隸試用道楊禮陳、為聖李廷恩、江蘇試用道桂運熙、湖南試用道李頤山、東補用知府鮑國琛、山西補用知府托龍武、新疆試用知府張統、浙江補用同知蔣嘉塗、雲南補用同知黃秉鈞、江蘇試用同

諭旨

五十七

乙巳

錄

五十八

十二月

知正折峻林祖培山東試用副知王新謙山西試用同知權福浙江試用同知汪蘇豫河南補用直隸州知州鄧人鳳湖南補用知州羅餘江蘇試用知州楊寶紳江西試用知州蘇蔭楠徐寶芝江蘇試用通判顧廷斯山東試用通判吳鶴麟建試用通判趙誠年湖北試用通判湯寶梁雲南試用通判傅秀松兩淮試用鹽運司運判鄭寶璜湖北試用直隸州知同張鳳山西補用知縣何濟元屠仁彬甘肅補用知縣黃瑞淵江西補用知縣查嘉瑜湖廣試用知縣丁之琰江蘇試用知縣姚榮澤孫嗣鼎安徽試用知縣屈遠鈞張興留山西試用知縣張志源河南試用知縣李炳壽新設開李廷祿甘肅試用知縣任杰蕭慶魯俱著照例委往截取福建御史杜本燦著照例用 昌西陵補用員外郎著照例補授

補吏部郎中孫簡著准其補授解州江蘇試用道蔡國器著選缺儘先補用欽此 十三日

上諭奉天驛巡道員缺著陶大均補授欽此 十四日

上諭山東登萊青膠道員缺著蔡國器補授欽此 十五日

上諭朕欽奉 慈禧端佑康頤昭豫莊誠壽恭欽獻崇熙皇太后懿旨十月初十日真書禮部在籍書院行禮欽此所著應行禮節著禮部欽遵辦理欽此 上諭丁振鐸奏總兵因病懇請開缺一摺雲南鎮元鎮總兵劉樹元著准其開缺所遺員缺著劉銳恒補授欽此 十八日

旨錫鈞崇芳韓壽松廷文鈞文喜育凱世珣慶福壽平安慶斌廣德海觀名鎮聯芳瑞麟柏年忠浩俱著記名以備選用廕生曹經著內用何衡材著外用楊超著內用劉長齡著外用劉汝堯著內用陶天棟著內用何文彬著外用張慶雲外用分發河南試用知縣金鼎來江西試用知縣汪時謀韓兆鴻宋紹祁浙江試用知縣唐永錫湖北試用知縣張鴻儀方寶麒徐士奇劉南成試用知縣宋煥章薛廷珍榮汝翼山東補用鹽大使湯觀基浙江試用鹽大使韓兆漢伍步昌翁思

廉俱著照例發往截取內閣中書吳和聲保舉湖北候補知縣史謙俱著照例用擬補山西河東鹽道庫大使尙其光著准其補授解餉四川試用知縣恒廣著俟補缺後以同知直隸州補用開復前吉林雙城廳通判柳大年著准其開復原官仍留原省補用捐復前江蘇試用同知張辰著准其捐復原官照例用欽此十九日

上諭桂春等奏北新倉不戒於火請分別議處一摺據稱本月十八日夜間北新倉突報起火燒燬存儲白糧之麗字等三口趕即撲滅等語該倉監督等疎虞防範各無可辭札欽布撲奎均著交部議處其直班夫役人等有無別情著刑部嚴行訊辦侍郎桂春劉恩溥並著交部議處該部知道欽此二十日

上諭此次京察一等覆帶引見各員所有圈出之恩佑李傳元方培口恩通傅蘭泰劉嶽雲沈潛齡昌玉構英勛羅維垣廉興崇林吳煦均著記名以知府用欽此 上諭紹昌著補授內閣學士兼禮部侍郎銜欽此 上諭岑春煊奏廣西全省股匪一律肅清請獎文武員紳各摺片廣西匪勢蔓延地方糜爛前經特簡岑春煊署理兩廣總督督辦該省軍務兩年以來將各路游土各匪次第蕩平全省一律肅清辦理尙爲順手岑春煊實心任事調度有方允宜特膺懋賞著加恩賞加太子少保銜開缺巡撫李經羲著交部從優議叙廣西右江鎮總兵丁槐著補授廣西提督廣西按察使余誠格著賞給頭品頂戴並交部從優議叙廣東布政使胡湘林著交部從優議叙太平思順道張鳴岐著賞給隨帶加三級兩廣委用存記道朱榮口廣東補用道王秉恩均著賞給頭品頂戴廣東候補知府陳望曾著交軍機處存記其餘單開各員著該部議奏現在善後事宜尤關緊要全在地方文武興養立敷除暴安良著責成該省巡撫督率各員認真整頓切實籌辦隨時考查能盡心民事力行實政者即予從優保獎其奉行不力之員亦即據實奏參務須吏治營務日有起色以安民生而綏疆圉欽此 二十一日

上諭練兵處兵部奏貴胄學堂章程一摺自來習戎振武實爲強國之基方今軍制日新尤應講求兵學茲據奏稱建立貴胄學堂令王公大臣各獲子弟投考入學學習口武洵屬振興武備之資所定章程亦尙周密著卽實成該王大臣等切實舉辦督飭認真講肄力底精強隨時考查毋稍寬弛各該王公大臣務當父詔兄勉激勵奮發樹之風聲俾壯干城而安磐石庶共副國家培植世臣簡練俊傑之至意餘著照所議辦理欽此 上諭曹鴻勳奏舉勳屬員一摺陝西候補道唐承烈吳樹荃署西安府事鳳翔府知府尹昌齡著交軍機處存記候補知府劉濟坤綏德直隸州知州孔繁樸候補直隸州知州吳廷錫臨潼縣知縣李嘉績興平縣知縣楊宜翰富平縣知縣仇繼恒醴泉縣知縣周丕紳卽用知縣張瑞瀛均著傳旨嘉獎試用道常輔清年老無能難期振作著原品休致候補知府陶憲章小有才能聲名陋劣該廷瑞望淺才庸不堪表率均著以通判降補游縣知縣李少溶庸懦無能難膺民社著以教職歸部銓選三水縣知縣劉宗孟老而務得道加鹽價候補知縣王振鐸罔利營私不知廉恥奏望梅市井小人實無知識試用知縣曾光祥性情狂躁滋生事端延安府照磨王文炳販土漏釐自認不諱高化縣典史宋壬江勾結查獲公被控候補布政司經歷孟殿薰身有隱憂殘忍異常試用縣丞孫統以才濟奸大言無恥松齡放僻邪侈無所不爲試用從九品變廷罔上殘民不知自愛均著卽行革職餘著照所議辦理該部知道欽此 上諭特圖慎現在丁憂理藩院尙書著溥良兼署欽此 上諭廣西右江鎮總兵員缺著黃忠浩調補所有江南狼山鎮總兵著鄭國俊補授欽此 上諭汪大燮現在出使外務部右丞著鄒嘉來署理道員朱寶奎著署理外務部右參議欽此 上諭外務部左丞著陳名侃轉補汪大燮著補授外務部右丞外務部左參議著雷補同轉補鄒嘉來著補授外務部右參議欽此 二十二日 上諭前據御史黃昌年奏參周馥各款當經諭令張之洞確查茲據查明覆奏署兩江總督周馥辦理內政外交尙無不

合即著毋庸置議江蘇候補直隸州知州王世綬膽大妄爲有虧職守著卽行革職永不叙用補用直隸州直隸候補知縣洪壽彭勾串招搖讓命生事著交部嚴加議處江蘇候補道羅長椅委辦陸軍學堂徒事敷衍激生事端著交部議處江蘇候補道李光葉派充學堂總辦物望難孚著撤去差使調補江甯縣知縣葉保慶署山陽縣知縣單琳頗滋物議均著周馥隨時查看該署督務當振刷精神破除成見於一切用人行政悉心整頓秉公辦理毋負委任伊子江蘇候補道周學琛迴避改省仍留署中致滋詭譎著迅速赴部改發省分領照到省毋任逗留除著照所議辦理該部知道欽此二十四日

上諭安徽安慶府知府員缺緊要著該撫於通省知府內揀員調補所遺員缺著穆特恩補授欽此 上諭湖北鄖陽府知府員缺著黃以霖補授欽此 二十五日

上諭順天府奏請撥王恕園等處粥廠賑米一摺所有通州王恕園等處粥廠並暖廠棲流所清真寺回民粥廠加恩著賞給米一千七百石以惠窮黎仍著俟救養局開辦後另行變通辦理欽此 旨呼倫貝爾副都統著蘇那穆策麟補授欽此 二十六日

上諭著派向其亨李盛鐸會同嚴澤載鴻慈端方前往各國考查政治欽此 二十八日

上諭陳夔龍奏黃河霜降安瀾一摺本年大汛期內河水迭次陡漲掃壩屢見整場仰賴河神默佑搶護平穩普慶安瀾實深寅感著發去大慶香十枝交陳夔龍祇領虔詣河神廟敬謹祀謝用答神庥所有辦理河工出力之河南布政使瑞良開歸道曹福元河北道馮光元均著交部從優議敘候補道開封府知府石庚著俟歸道員班後賞給二品頂戴餘著照所議辦理該部知道欽此 上諭憲部奏援案請賞賑廠米石一摺現在節屆寒令附近掛甲屯各村貧民衆多生

書 報

六 十 二

十 二 月

計難舉所有掛甲屯鄉鄉者加恩賞給粟米三百石發交該處紳耆散放以惠窮黎仍著俟農局開辦後另行變通辦理欽此 十月初二日

諭旨十月初九初十一日均著推班欽此 初三日

上諭趙爾巽奏特奏庸劣不職各員一摺奉天候補知州金福三侵蝕稅項為數甚鉅准補贛州知州馮樹銘經手款項弊根甚多內務府驍騎校錫綬因利病民肆無忌憚均著革職永不敘用署鳳凰直隸廳候補知縣劉本源不諳吏治被控有案署鎮安縣知縣馬神愷素性顛預不勤民事試用同知祥德丁書被控任令脫逃補用知府宋乃秋假公濟私不知檢束候補同知鳳鳴苛虐滋擾長怨甚深馮鍾瑞營私舞弊不孚衆論祥順行為不謹候補同知李佩沅辦事荒廢署廣甯縣知縣候補知縣鄭承源庸懦不振候補知縣李科元因私害公王鼎彝荒廢教習王春壽類例是非干預訟事候補縣丞李慶長辭景俊聲名惡劣署八面城照磨李樹庚馬集巡檢姜文蔚行為卑劣候補巡檢徐廷茂續管刁猾驕橫連中馳斷偏私榮德見利忘義佐領祥裕留味涉惡驍騎校書齡天性涼薄均著即行革職署該中縣知縣楊樹才具平庸漫無措置惟文理尚優著以教職歸部銓選蓋州城守尉尉宗室載粹縱丁擾民始終瞻徇著交宗人府議處開升知府主事矧明氣質粗浮難膺表率著以吏目降補以示懲儆餘著照所議辦理該部知道欽此 初四日

上諭禮部尚書溥良正藍旗滿軍都統奎順外務部左侍郎聯芳刑部右侍郎胡燏棻工部右侍郎李昭緯正紅旗漢軍副都統禮深加恩均著在紫禁城內騎馬欽此 上諭袁世凱繼良奏遵旨校閱陸軍各摺片據陳此次合操始末情形各節並披覽軍圖南北兩軍部署之方攻克之術頗為完密袁世凱繼良督率將士操練有方深堪嘉許所有該鎮協官佐目兵步法整齊一切指揮籌辦尚能合法大改厥觀仍當督飭認真訓練協力同心精益求精毋忘申儆並

督各省將軍督撫按照定章其屬縣作請求兵學力底情強務期有勇知方規模日臻美備俾聖志而壯干城用副勤
廷嚴軍經武實事求是之至意欽此 初五日

上諭奉旨委委用廣貧劣不職文員一摺廣東赤溪同知李達璋私用門丁過案苛罰候補同知嵩慶辦理稅務舞弊
彰顯著山縣知縣柴廷沂辦事疲緩玩視學務河源縣知縣姚鍾瑛藉端巧取操守難信署翁源縣知縣候補知縣朱
寶文縱容幕閣罔恤民隱著俱宜縣候補知縣樊宗約東多疏敗壞政紀署增城縣候補知縣王會中不稍交涉政務廢
弛著海康縣候補知縣金鴻憲玩視人命藉案營私吳川縣知縣鄭毅廉辦事因循玩視捕務恩平縣知縣陳清源濶關
才庸辦事糊塗著靈山縣候補知縣潘志求辦鄉徭擾民怨沸騰東安縣知縣許福慶貪賄糊塗濫斃人命澄海縣知縣
杜慶元遇事敷衍疲軟巧滑著新甯縣候補知縣陳益過案受賄言多詐偽署廣西平南縣試用知縣王道滋巧詐欺廉
庸多弊混署廣東靈山縣訓導陳經行止輕挑難資訓迪候補縣丞翁廣帶勇騷擾恣肆妄為試用縣丞陳德明性近輕
浮言多躁妄南海縣江浦司巡檢趙錫齡扭於疲玩劣弊甚著候補巡檢車口揮聲名甚劣不植人言嗣署順德縣典史
高要縣典史孔培疏脫要犯有乖職守連平州忠信里司巡檢王為深辦事粗率頗滋物議連平州長吉里司巡檢羅祖
蔭慶名平常罔知自愛新安縣福永司巡檢徐承厚朋比劣紳不知檢束歸善縣平政司巡檢李宗烈辦事顛覆輕釋匪
犯試用從九品章光耀遇事招搖行為荒謬龍川縣典史顧煥康交結惡棍縱子橫行試用巡檢林兆機吞匿捐款捏報
影射候補鹽知事李廷鈞縱子招搖聲名狼藉候補鹽巡檢李逢春膽大妄為貪鄙無恥廣西恩縣訓導劉家驊不理
人口有玷厥職著著梧縣長行鄉司巡檢盧棟雲肆意橫索殘虐事端崇善縣缺廬司巡檢陳謙樂性情粗鄙難於造就
麓山土州同知述勤辦事敷衍操守庸劣宜山縣白土司巡檢柏繼善瀆責無能罔知振作試用典史俞敏好弄刀筆

包攬同惡者即行革職嵩慶金鴻壽許福慶陳益壽張道著永不敘用姚鍾璜許福慶羅康盧棟雲均有控案未結著歸案訊究俞徵章先耀並著嚴拿歸案審辦廣西候補知府劉錫珍聲名平常難資表率廣東開缺候補直隸州知州程光業庸昧任性辦事乖方准補樂會縣知縣查桓羅才具平常難膺民社均著以府經歷降補署潮陽縣候補直隸州知州俞煥精力就衰瀕於嗜好著勒令休致餘著照所請辦理該部知道欽此 上諭奉春煊奏查明庸劣不職武員請分別懲處一摺廣東補用副將姚秀芳貪鄙營私不知自愛管帶廣東練軍兩營推補副將朱義勝庸庸拘泥貽誤地方候補副將廖廷贊捕務廢弛沾染習氣毛翔與貪婪成性任意妄為增城營參將杜汀任性妄為不諳營務平海營參將吳瑞斌任用非人辦事草率潮州鎮游擊方綬德虛偽巧滑備性無能水師提標補用游擊張德貴才具平庸頗有嗜好香山協都司王業清藉端扣餉行為巧滑永安營都司宋展玲聲名平常營務疏懈候補都司李龍佑出身不惟庸闇無能魏光耀年貌不符技藝亦劣署石城營都司儘先守備楊鴻彪縱兵騷擾令敗壞營規潮州鎮守備廣安年老無私虧短公款馬定邦庇勇營私陰險狡滑署南澳鎮游擊嚴慶協守備咸熙心地糊塗不堪造就羅定協守備蔡錫文近科營私聲名甚劣陽江營守備鍾榮升才識庸闇一無足取督標守備恩錫侯營務廢弛才具庸備水師提標守備許朝泰身兼疲弱不守營規大膽協守備麥國棟庇縱族匪串同擄索順德協守備鄧勝川緝捕不力且有嗜好清遠營守備蕭秀升取媚上司扶同弊混候補守備程榮昌辦事疲緩難期振作吳友勝保案含糊舉動昏惰徐國揚庇匪分肥被控有案德益堅言語凶莽心氣粗浮沈芳桂精力孱弱言語支離莊家荃屬鉅款膽大妄為溫桂祥身家不清續營保駕鍾榮縱盜通匪橫肆貪婪潘芳勝庸懦無能任意粉飾大膽協千總梁鴻謀假公濟私漠視捕務秀山協千總李名現貪鄙好利人復刁狡嚴慶協千總黃崇業嗜好太深水師提標千總歐陽英捕務廢弛靈山營千總申福保奸詐狡滑營私

玩公撫標候補千總劉仕元言語不濟精神萎靡督標候補千總徐占林獎案支吾不諳操法鐘興瀾於嗜好揚再生舉
 勳張皇前署新會營守備補用千總鄭國柱虧欠公款潛回原籍均著即行革職姚秀芳杜沂方綏德張德貴王業清李
 簡佑魏光耀楊鴻彪成熙蔡錫文郭勝川吳友勝莊家基溫桂祥梁鴻謀李名環黃崇業申福保劉仕元徐占林鍾興均
 著永不敘用並不准投効軍營廣安馬定邦麥國棟徐國揚均著歸控案嚴訊究辦馮錦榮鄭國柱並著嚴緝務獲究懲
 香山協副將李思經告假回籍久不到粵均著開缺潮州城守營都司劉鳳儀庸庸無能瓊州鎮左營守備邱錦玲年力
 就衰均著開缺勒令休致海門營中軍守備李大倫營務生疎巖州協水師守備謝瑞麟操法未精督標左營左哨千總
 陸汝謙技藝平常廣州營左營左哨千總冷奇邦才欠開展均著開缺學習督標候補游擊劉維貞年力衰弱才具平常
 督標候補守備李朝漢短於才識廣州協左營候補千總羅卓堂庸碌無能督標候補千總馮沂才無足取均著勒令休
 致餘著照所議辦理該部知道欽此 初六日

上 謹將奏委庸劣不職各員等語浙江候補道徐士霖貌似有才心實險惡試用道劉更新庸愚粗鄙不知修身舉
 李心致行說聲名平常試用知府前署嘉興縣知縣羅偉盜案迭出任意諱縱候補知縣吳本徐言行不符操守難信彪
 斌天性極薄罔知禮義陳汝霖虧捐太鉅人極巧滑周錫康饋營卑鄙無所不至蘭谿縣丞毛鴻臚操守不謹運庫大
 僕劉景衡聲名其劣候補鹽大使黃元燮操守難信試用府照磨陳時夏性情狠戾試用縣丞徐善麟行同無賴錢塘縣
 典史葛士鑑得賄縱犯平陽縣典史徐向源多事招尤署山陰縣典史蔣朝琦行為苟且前署慈谿縣典史劉際堯行止
 貪鄙候補從九品蔣慶華既貪且狠候補副將姚振榜恒怯無能同知愧奮准補衢州營游擊徐富春外似樸實心實巧
 滑溫州城守營守備施恒敬嗜好太深玩忽公事東州營把總張夢祥饋營貪鄙把總陸鴻基膽大妄為金華營把總蔣

卓熊督庸志玩均著即行革職提前營游擊趙昌榮外職未竟手顛不武平陽縣知縣儲家藻年力就衰湯溪縣知縣袁家鼎精力已衰均著勒令休致烏程縣知縣何懋祺性情浮躁尙能辦事著開缺留省察看山陰縣知縣王壽頤性質懶惰辦事竭蹶東陽縣知縣楊泰階辦事因循著撤省查看餘著照所議辦理該部知道欽此 旨應生文麟著以文職用漢承慶著外用兵部職方司郎中著李焜瀛補授直隸趙州直隸州知州著恩惠補授山東萊蕪縣知縣著陳恩榮補授浙江順縣知縣著張懷信補授陝西乾州直隸州州判著柯緯威補授截取舉人林時中著以知縣用李查輔著以教職用吳舒道著以教職用王作舟著以知縣用何際亨著以教職用關勝銘著以知縣用岑挺生著以教職用黎啟瑞著以教職用律滿直隸無極縣教諭韓士文著以教職用江西分宜縣訓導張履福著以教職用光祿寺筆帖式著煜麟補授理藩院筆帖式著清瑞補授截取吏科給事中陳應禧掌廣東道監察御史夏敦復俱著照例用內閣中書著者慶補授奏留吏部學習主事慶愈著准其留部卓異俸滿河南糧道王維翰著回任准其卓異加一級仍註冊候升升補山西朔州知州盛鍾襄著准其升補保舉山東補用知縣裴景煦黃夢湖北補用知縣朱壽松俱著照例用欽此 旨本日引見之前廣東雷州府知府陳武純著以簡缺知府用欽此 初七日

上諭林紹年奏特委庸劣不職各員一摺貴州松桃同知陳濟諒匪重案民怨深綏陽縣知縣崔鳳昌忘反異常罔知振作大挑知縣耿鍾廉聲名惡劣縱子妄爲丙妹縣丞常壽鶴辦事無預利心甚重前署威甯州訓導楊德榮巧於弊竇不堪司鐸羊腸巡檢吳之珍濫刑斃命操守平常均著即行革職部位同知慶恩因循廢事積案甚多入奏同知喬蔭福更治生疎嗜好亦重黃平州知州石鍾性情柔懦人地不宜均著開缺歸部選用補用知府王繼先精力衰頹縱差生事官接回知再換軍年已就衰案有疎縱試用同知王殿先才具平庸舉動粗率爾候另補通判郝慶桂精力不振庸闕無

備試用通判黃廷魁性過渾厚約束不周論著飭令回籍歸化通判劉復校公私牽混煩要不勝著與缺另補餘著照所請辦理該部知道欽此 初八日

上諭楊士驤奏黃河霜降安瀾一摺山東黃河入秋後山泉暴漲水勢驟悍兩岸工程迭生巨險仰懇神靈默佑搶險平穩節交霜降普慶安瀾實深寅感著發去大纛香十枝並著南查房恭書匾額一方交楊士驤轉領度爾大王廟敬謹懸掛祀謝用答神庥所有在工出力之候補道何國樞徐世光均著賞加二品銜並隨帶加二級直隸候補道張世康著遇有管河道員缺出儘先補用候補道許之琪呂耀良均著賞加二品銜試用道杜秉寅著歸候補班補用並加二品銜候補知府何泮恩臣均著免補本班以道員仍留原省補用直隸州用直隸候補知縣徐沅著俟補缺後免補直隸州以候補知府在任候補試用通判金炳謙試用知縣張榮均著免補本班以直隸州知州仍留原省補用餘著照所請辦理該部知道欽此 初九日

上諭大學士裕祿著管理禮部事務欽此 上諭肅親王善著管理藩院事務裕德毋庸管理欽此 十三日
上諭徐所奏已故參贊大臣戰功事跡一摺原任塔爾巴哈台參贊大臣伊犁副都統春澤前已有旨加恩賞卹宜俟吏部立傳並附祀金廟專祠該故大臣宜力邊疆不無勞動其靈柩回旗時著沿途地方官妥為照料賞銀二千兩由新羅藩庫給發伊子孫幾人有無官職著該旗查明具奏候旨施恩用示篤念勞臣有加無已之至欽此 十六日

旨分發直隸補用道許引之王銘謙浙江補用道周鴻遇河南補用道徐士培湖北補用道存濟廣東試用道陳壽梅浙江試用道張辰江蘇試用道石淦浙江補用知府饒謙榮浙江試用知府吳學莊山東補用同知籍忠宣山西補用同知與椿發東河試用同知陳模直隸試用知州夏繼泉山東試用通判祝雲翔廣東試用通判劉長齡直隸補用知縣姚致

遠江蘇補用知縣汪澤山東補用知縣胡煒馬惟遠山東試用知縣郝崇峻山西補用知縣張文楷河南補用知縣章炳
 麟恒豫浙江補用知縣翁長森直隸試用知縣孫續緒江蘇試用知縣張蔭梅王維登安徽試用知縣陳廷昌郭子蕃山
 東試用知縣梁廷授張翔珂張炯田德基山西試用知縣姜士榮吳錦榮范恂河南試用知縣程用傑張家驥陝西試用
 知縣孫鑑藻甘肅試用知縣李祚長浙江試用知縣羅濟美劉祖錫金國棟鄂國霖福建試用知縣高爵江西試用知縣
 魏蕙何壽曾湖北試用知縣吳立峯余雲慶譚文定湖南試用知縣侯繼宗廣西試用知縣王兆豐四川試用知縣王聲
 溢山西試用鹽大使程世龍浙江試用鹽大使時寶琦兩淮試用鹽大使鄧廷撰于世楨廣西試用布庫大使洪鐘俱著
 照例發往擬補福建道監察御史楊聖清著准其補授截取內閣中書趙世駿任肇新兵部司務童燕謀俱著照例用擬
 補內閣中書張錫恩潘毓椿西安將軍衙門筆帖式成助俱著准其補授保舉山東補用知州徐仲哲在任候補知縣涿
 州州判熊濟熙江蘇補用知縣曹杰山東補用知縣張城章宗渭浙江補用知縣陶緒與俱著照例用欽此 十七日
 上諭現在天氣漸寒京師兵丁當差勤苦殊深軫念所有八旗及綠步各營官兵均著加恩賞給半月錢糧以示體恤欽
 此 上諭現在天氣漸寒所有食糧之開散宗室覺羅人等生計維艱殊深軫念著加恩賞給一月錢糧其宗室覺羅其
 奉除有恩賞錢糧外著再加賞半月錢糧以示體恤欽此 上諭直隸總督袁世凱加恩著賞穿帶素貂褂欽此 十八日
 上諭溥頤等奏大臣回京隨從人等索擾台站據實糾參一摺據稱前科布多參贊大臣瑞洵行李過境需用駝馬至一
 二百隻毡房至數十架之多所帶巡捕家丁並有折價索銀情事等語現在蒙古困苦朝廷方時深軫念出差人員自應
 深明大體格外體恤乃該大臣竟敢肆意擾累縱令從役人等沿途需索實屬荒謬瑞洵著即行革職發往軍台効力贖
 罪並著將巡捕谷金保家丁德化一併交出嚴行懲辦所有索取銀兩著溥頤按數追出發還各台站以示懲儆欽此 二

十日

上諭外務部右侍郎著唐紹儀署理伍廷芳著調署刑部右侍郎欽此 上諭工部左侍郎著胡燏棻調署李紱葆母庸兼署欽此 二十一日

上諭甘肅新疆鎮迪道兼按察使銜著榮霽調補所遺甘肅蘭州道著彭英甲補授欽此 二十二日

上諭財政處奏酌擬鑄造銀幣分兩成色並行用章程開單呈覽一摺據稱從前各省所鑄銀元係屬一時權宜未可垂爲定制現在明定國幣擬鑄造重庫平一兩銀幣定爲本位更鑄五錢二錢一錢三種銀幣與現鑄之銅元舊有之銅錢相輔而行等語整齊圖法爲當今財政要圖著戶部造幣總廠按照所擬章程行知直隸江蘇湖北廣東各分廠趕鑄鑄造嗣後公私收發款項均應行用銀幣以垂定制而昭大信一切未盡事宜著該王大臣等體察情形隨時奏明辦理餘依議欽此 二十三日

上諭十一月二十六日冬至大祀天於 闕上朕親詣行禮四從壇遣黃永安饒麟錫明恩輝各分獻欽此 二十四日

旨派那查圖溥良松淮增崇看視獎賞欽此 旨兵丁等借支庫銀應扣本年十二月次年正月利息銀兩著加恩展限兩箇月欽此 二十六日

上諭太常寺卿著王國楨兼署欽此 上諭李盛鐸現在出差順天府府丞著左孝同兼署欽此 上諭河南汝甯府知府員缺著羅維垣補授欽此 上諭四川松潘鎮總兵員缺著張彪補授欽此 上諭福建福甯鎮總兵員缺著孫道仁補授欽此 二十八日

上諭我朝自開國以來政尚寬大朝野上下相與又安近復舉行新政力圖富強乃竟有不逞之徒造爲革命排滿之說

雜旨

六十九

乙巳

職官

卡

十二月

煽惑遠近淆亂是非查其跡實爲假借黨派陰行其叛逆之謀若不剴切宣示嚴行查禁恐譁張日久愚民無知被其惑必至人心不靖異說紛歧不特於地方有害治安且於新政大有阻礙著各將軍督撫督飭地方該管文武官吏明白曉諭認真嚴禁自此次宣諭之後倘有怙惡不俊造言惑衆者即重懸賞格隨時嚴密訪拿詳細訊究除無知被誘不預通謀准其量予末減及改過投首並能指拿魁黨者不惟免罪並予酌賞外其首從各犯應按照謀逆定例盡法懲治如有拿獲首要出力之員弁准其擇尤優獎惟不得株連無辜致滋擾累倘該文武瞻徇顧忌緝訪不力由該將軍督撫據實奏參以期杜絕亂萌而維大局欽此 上諭前經特簡觀澤等出洋考察各國政治著即派政務處王大臣設立考察政治館延攬通才悉心研究擇各國政治之與中國治體相宜者斟酌損益纂訂成書隨時進呈候旨裁定所有開館一切事宜著該王大臣妥議具奏欽此 三十九日

商務印書館新編
初等小學教科書

習畫帖

全部八册
每册大洋七分

是帖爲初等小學堂第二年至第五年學生所用由
簡而繁所繪皆尋常易見之物用毛筆臨寫計共八
册每册十圖每兩星期臨摹一圖約半年畢一册

教員用習畫帖

一册全

此帖專備初
等小學堂所
用易學易精

共八十圖均標明用
筆先後最便教授
每册大洋二角

新編 商務印書館 出版 教科書

初等國文教科書教授法

陸續 發行

此書與教科書相輔而行教科書為學生所用此書為教師所用專教授學之階段按課分列豫備教授運用之法附以參考及習問以便教師有所依據內地塾師苟應用此書兼參考教育學管理法則於小學師範思過半矣

- 第一冊 價洋四角
- 第二冊 價洋三角
- 第三冊 價洋三角
- 第四冊 價洋三角

初等小學習字帖

陸續 發行

此帖與本館所編國文教科書相輔而行書中所有者無一不備書中所無者亦不備入以便隨讀隨寫可助記憶凡十冊亦備初等小學堂五年之用

- 第一冊 價洋一角
- 第二冊 價洋八分
- 第三冊 價洋八分
- 第四冊 價洋八分

內務

論國家於未立憲以前有可以行必宜行之要政 錄乙巳八月二十二日中外日報

往者甲午中東之役。英人威公使妥瑪猶在。此公於中國載籍頗有研究之功。知黃人教化本源之盛大。歸國後於泔橋國學主華文講席。聞其事。蹶然曰。此近世莫大之戰爭也。此非中日之戰。乃泰西東新舊二教化之戰也。已而東果勝而中果敗。自茲以降。維新之說。徧吾國中焉。近者甲辰日俄之戰。知微之士聞之。亦曰。此非俄日之戰也。乃立憲專制二治術之戰也。自海陸交綏以來。日無不勝。俄無不敗。至於今。不獨俄民羣起而爲立憲之爭也。卽吾國士夫亦知其事之不容已。是以立憲之議。主者愈多。遠猷辰告。始於出使諸公。繼者乃有疆吏。而今樞臣親懿之中。亦稍稍持其說矣。夫中國自三古洎茲。所以治其國者。雖道揆法守。運有污隆。固無一朝。非爲專制。而專制之治。又非泰西之所未行也。國小民儂。行之不勝其弊。以千餘年之蛻化。乃悉出於立憲之規。而國以大治。稱富強焉。夫政治之界。旣專制先有。立憲後成。則可知立憲乃天演大進之世局。列邦異種。林立地球。優者以順天而獨昌。劣者爲自然所淘汰。此非甚可懼者耶。由此言之。將無論中國民智幼稚如何。國家舊制。嚴立

何若。一言求存。則變法立憲。不可以已。非不知情形之異。程度之差也。第立憲矣。塞者可期。於漸通。缺者猶可以徐完。日討教訓。庶幾二三十稔之間。於彼泰西。有孟晉追羣之一日。若仍因故轍。將彼之社會。日益休明。而我抱殘守缺。處不可終日之危局。雖延緣二三十年。至彼而後言立憲。將其情形之異。一如今日也。程度之差。一如今日也。坐費數十載之光陰。國勢依然。雖後。只有愈難。何由易耶。是故今日之事。方其為變也。所當計者。法之宜變否耳。抑使一時勿變。能長此終古否耳。假令不能而終出於必變矣。則與為因循以揭時無甯斷決。而作始。夫曰。程度未至。情形不同。此皆畏難苟安者。延宕之淫辭。夫非火屋漏舟。急起自救之義明矣。以此故立憲之議。為鄙陋所極表同情者。非敢謂以吾國今日之人才。處從古未有之變局。但曰立憲。遂能為之而皆合也。亦非謂國家有意振興。但遭大臣四五輩。周游列邦。如漢唐人遠求梵典者然。遂足以得其要領也。所冀以名始者。將以實終。方針既定之餘。將吾國上下之人。億兆一心。以求達其目的耳。且立憲之所以教亡者。非其名也。實也。必以其名。恐雖議院。沁涅特。地方自治。法權獨立。與夫西人一切之法度。悉取而立之於吾國之中。將名同實殊。無補存亡。而徒為彼族之所騰笑。本年正月奉晤士報有論中國將立上議院。議員以內之尙侍九編外之實權為之。極極

論矣。非屬云。

苟為其實。則立憲固善。而憲法未立之頃。其所謂當務之急。何限有不待再

計而宜。急行者。此則鄙陋。所欲借前箸。以代當國諸公籌其一二者矣。無曰。老生常談。天下爲衆意之所同。而行之無後患者。皆老生常談也。

一曰同律度量衡也。國家之所以道齊社會者。其術無他。法度而已。卽他日立憲。所以富強其國者。豈有他謬巧哉。亦法度而已矣。法度所託始者。律度量衡也。故法者其義爲水平。而度者其義爲尺寸。夫此語。實行諸中國。唐虞之世。載諸六經。有道如姬周。專制如嬴政。苟欲天下之平治。法令之整齊。莫不首重此事。此亦豈西來新法也哉。乃方今五洲。幾無一國。不於此語。實見施行。而律度量衡。所最不同者。莫中國若。宋人蘇洵有言。持東家之尺。以較之西家。則若十指然。則此事之無法。自千載而已然矣。夫天下之言變法者衆矣。獨律度量衡。鮮有重及之者。無亦其事無直接富強之效。又以其爲吾國之舊談。故時務之士。不屑道之歟。願律度量衡。所關於國計民生者。至深且遠。西哲論者至衆。今實不暇具詳。所可云者。舍此不圖。將一切云爲。皆屬無本。枉然而已。且此實爲外人所齒冷。而以規吾治忽之形者。不可緩也。更有進者。律度量衡。四者必得科學。乃益精。製造格致。至於醫科。所爭尤密。故斯賓塞謂執此可以定國民之文野。其言信矣。如威都淮廠所製。牝牡柄鑿。其員徑相差至一兆分寸之一者。卽不相合。此其精微。豈野蠻人所能夢見者耶。亦可知四者不修。製造工料。斷

無能精之理矣。今者五洲所用律度量衡。以法國所定。文明爲最。蓋其起數。以子午線之兆分一爲一枚。出於自然之數。度法既定。而量衡律三者。因之以生。卽今歐洲大陸諸邦。莫不行用。未嘗以行他族制度爲可恥也。英國最爲守舊矣。然亦二制並行。至於格物諸科。則純用法量以爲便。故今使中國有高學遠矚之變法家。將自以取法於法者爲最宜。此雖初行旬月之間。小民蹈故習常。稍形扞格。年歲以後。怡然理順矣。此其爲吾國之利。殆非淺人所能計測也。夫大同之事。必始於律度量衡。而所同者。將必在法。知其如是。則勿憚難。而及早行之。他日。可以省無窮之扞格。此策之上者也。假有保全國粹。制必由我之說。則近者閩蘇葉在揚。有度量衡新議之作。其起數亦以子午線爲之基。又所算定新尺新斗新觔。妙在與吾舊用者。相差有限。取而用之。亦大利也。又不然。則仍用懸象考成所定之舊制。令精於格物者。製爲白金法尺。嘉量等。算明寒熱漲縮之差。載明於氣表某寸。熱表某度時爲準。而後自京師至於直省。由商工兩部一律頒行。嚴定異尺異量之罰。饒司之以新設之巡警。此事所關甚爲重大。不得以煩擾之故而遂置勿圖也。

一圖法不可以不立也。孟德斯鳩有言。圖法非文明之民不能有。非文明大進之國不能精。往者希臘有海船遇風。漂入絕島。但見海岸沙痕。有圓方三角諸形。卽狂叫大喜。以爲所至。

必文明程度。同於希臘之國。圖法之善不善。其諸一國盛衰貧富不遁之符歟。且圖法之精審。與一國之富強。吾不知其孰爲因果也。非富強之國。其圖法不能精。又非圖法之精。其國無由富。必求因果。則後說近之矣。且其物之良楛。所係於民德者尤深。此何必外國。諸君試察今日各省所造銀銅兩元。其廉賻精好。雕鏤深明。而成色分兩較爲完足者。必其省之督撫較賢。其吏治較爲不污者也。下此則舍其一隅。莫之行用。一國之內。無殊異邦。此其爲商界民生大梗。而損失於無形。不待智者而後見也。是以今日歐美諸邦。大者如美法。小者如瑞士荷蘭。皆視此爲國民榮譽之所關。商業盛衰之所係。其於圖法。皆謹之又謹。不許幾微奸竇。得伏其間。其公例曰。凡爲國家制幣。其名實兩值。必使相符。夫制幣名實相符者。譬如一元之銀。鎔而爲塊。持以入市。其得價亦必一元。不增不減。圖法至此。乃爲至善。且其能持此而無失也。不僅爲之刑罰。禁奸而已。且有術焉。使奸無由生。如造幣之局。無論人持若干金錠。求轉金元者。定期來取。所得之幣。與原金之重相等。不加火費。此其所以爲救弊塞奸之術者也。夫國幣之說繁矣。或取單行本位。如英如德。或取雙行本位。如美如法。或主用金。如俄如日。或主用銀。如墨西哥。如往者之印度。吾國之交於各國也。有形如賠款。無形若通商。出入之間。關係綦鉅。他時定法。將仍以銀爲本位乎。抑以金爲本位乎。將使金銀兩行。而

以法定其相當之率乎。將姑先用銀。而以轉用金準爲目的乎。凡此誠甚大之問題。必有專長之家。極數歲調查討論之功。細權利害。而後有可以決行之政策。惟今不佞所欲言者。則本位之定。姑可徐徐而國之圖法。必不可以不一律。將欲使國幣獨行。而一切中外他幣。舉不得用者。誠莫若於後某年某月爲始。定制以一兩爲銀元。以銀九銅一爲成色。設國家銀行於京師。設支店於各直省。而立造幣之局於南北洋。統計所以流通者。每省應用若干兆元。一律由其鑄造。及期轉布。散入市廛。如此則圖法可以整齊。而鈔幣亦可得而辦矣。且所尤宜加意者。將在於補助之銅元。必宜立法。償限制如數逾一兩以上者。單用銅元。許人不收。設若今日各省所爲。但觀銅元。利厚以五文之銅。而當十文之值。所名倍實。地方仰此以待用主者。緣此爲私。肥併力。鼓鑄若無紀極。此誠漏脯救飢。他日民間必受其敝。而官中所仰。機利亦將漸化。虛無窮其效果。但使吾國益貧而已。此誠不可不預爲防患者也。若夫行用金準。期諸異時。則此時銀號幣局二者。餘利所收。不可指撥他用。應藏儲之。以爲逐漸收金之資。又於塞外蒙古滿洲各處金礦。擇要興辦。產歸官收。庶他日改用金準。不致爲外人所持。顧中國制幣本位。誠爲極大問題。雖在財政專家。且難卽今預定。觀於北美前事。可以知之。彼至今所猶未昌言以金爲本位者。蓋此令朝行。將通國五百兆銀圓。夕存半值。此其

所以遲遲。而猶用雙行之說者也。然則改用金準。於吾國豈易言哉。

一各省地圖。不可不詳行測繪也。夫爲政用兵。講求商務。爲之淺譬。有若弈棋。未有方罫不具。路數不明。而能爲弈者也。噫。今之爲政用兵。講求商務。皆不具方罫。不明路數。而高坐談弈者耳。使知一切之政。皆基於地。必與圖明具。而後有從容措理之可言。則與辦此事。豈待再計。若夫用兵。非圖不行。此當爲無愚智所共知者。不必贅論。願卽言路礦。可無圖乎。地方自治。可無圖乎。清查戶口。丈量地畝。舉非爲之至密。則立憲之制。皆成空談。尤非善圖。無從下手者也。諸君試思。假使今日有精明強幹之督撫。受事之後。思欲端本清源。厲意實行。一切爲可大可久之畫。其於一方之地。非成竹在胸。瞭如指掌。有此效乎。今者五洲之地。凡屬文明國土。莫不有至精之圖。所不精而難用者。獨吾輩所居國耳。且圖之有裨於爲政用兵。諸大事者。以其所詳審者。不僅道里遠近。山川起伏而已。天時之不齊。地勢之扼塞。民物之蕃凋。商旅之孔道。某水何處爲湍。何處可涉。某村所出。多少糧芻。某墟某集。交易何物。會衆何時。凡屬精圖。無不載說。故輿圖爲物。非曰一行測繪。便可永永寶用也。且必以時修改。乃可據依。故各國測繪地圖之費。頗亦不貲。如往者印度官圖。其費以鎊計者。至於數兆。聞其起測底線。乃以特製鋼條。銜接至數十里。高下平均。且定其寒熱漲縮差數。其精嚴不苟如

此夫豈徒供考訂玩賞。而為是勞費也哉。亦以其物之不可一日無也。顧吾國上自政府督撫。下至州縣。乃視之等於不急之務。即往者用兵大帥。如胡曾左李諸公。其所操特省閱者。亦不過至粗之舊繪。此其故有可言也。蓋圖之為物。不獨測繪之者。非學莫能。即讀圖用圖。亦非素不講求者。能得其益。今之官吏將帥。所謂能讀圖者。有幾人乎。得地圖一幅。不過觀細字如牛毛。螺紋為山蛇行。為水如斯而已。大勢而外。匪有所知其能持兩足之規。以求鳥道之遠近者。已不數觀。況其深焉者乎。則其置之而不知重也。固宜。雖然。吾國地圖。所關於變法求治者。至鉅。不得以官吏之不能用而忽之。況讀圖亦非甚難之學。略與講釋。當無不知。然則所苦。乃在測繪者之無人。此事既不可延用外人。則所以造就此才者。舍求之學堂。更無他法。但求諸學堂矣。尙有二法。一曰專設學堂。使之治測繪察地之學術也。次則不專設學。而即取之於陸軍鐵路二校之中。所幸測繪尙非甚深之術。已具數學根柢者。累月之間。理法當皆諳熟。亦無俟於學習西文。其數學所資。則由九章幾何。至於平三角足矣。若天

度經緯則須兼通深源。但經緯於京師測定之後。他處無不可以推算。推知無煩另測。即欲另測。亦惟經度較難。至於北極出地高度。與緯度相等。其測算具有成法。亦極無難。惟若其人熟於史事。或能旁通地質。地文之學。則其圖說自較可觀。而有益於社會更大。此事之在吾國。若由州縣分辦。總以省局。又以各省分局。總以京局。所費亦非浩繁。其費重者。將在儀

器。至於薪費。固屬無多。果能督之。以勤責之。以實持之。以漸。又必有人焉。主其合。搆糾其疎。謬。大抵五六年間。吾中國至精之圖出矣。文治武經。一切云爲。得此而後。有真實下手之處。中國有真心變法者。自必以鄙言爲然也。

一曰改良聽訟之方。以達刑獄改良之目的也。西人之言政治者。皆云國之大事。在刑與兵。蓋民生爲羣。自其原理言之。相養相生。本無所事於政府。而所有事於政府者。以外之有鄰敵之侵陵。內之有強黠之暴橫也。禦鄰敵以兵。治強黠以刑。惟此二者。必得政府爲之統率。爲之平亭。而後及事。至於他政。其在程度甚高之國民。往往爲之於下者。其事較行之自上者爲尤愈。故曰無所事於政府也。惟以兵刑之莫能廢。是用各出賦稅以立國家。而國家亦以是二者爲最重之天職。操柄不慎。則亂亡隨之。此西國政治家之公言也。今中國於兵刑二者。固皆有變法改良之意矣。夫兵非此篇之所論。則請獨言刑。比年以來。朝廷嘗勅有司。爲修改刑律之事。其所改最合於天理人情之至者。莫逾於除刑訊之一端。今夫一獄之起。逮捕多人。自公理言。使案情未得判詞。未加兩造之民。實皆無罪者也。羈留其身。置之訟繫。離其業。次寢食不安。既已甚矣。然猶曰此事勢所不容已者。卽甚不便。無如何也。願奈何以有所疑。乃徑取黑白不分。良莠未定之民。遽加三木。甚且施之以天下至酷之荼毒。必使

承。認。吾。意。之。所。疑。者。以。求。合。於。國。家。之。文。法。夫。使。如。是。而。可。則。當。兩。造。既。具。之。頃。問。官。但。憑。胸。臆。定。誰。罪。誰。否。可。耳。尙。安。所。用。其。慮。囚。折。獄。而。多。此。一。番。敲。扑。爲。哉。是。故。吾。國。聽。訟。之。不。仁。爲。數。百。年。五。大。洲。人。人。所。共。詈。而。當。日。訂。議。各。邦。條。約。所。不。得。享。地。法。相。盡。之。主。權。而。至。今。治。外。法。權。終。爲。交。涉。之。大。梗。者。正。坐。此。耳。嗟。乎。國。於。天。地。卽。與。人。交。綏。而。敗。非。大。辱。也。而。所。謂。大。辱。則。有。二。焉。一。曰。國。境。以。內。有。他。國。之。兵。隊。也。一。曰。人。游。國。中。爲。吾。法。所。不。得。治。也。此。誠。彌。天。大。誦。而。惟。吾。國。則。具。有。之。有。此。而。不。急。圖。所。以。祛。之。猥。曰。吾。與。外。國。之。人。帝。王。同。爲。帝。王。官。吏。同。爲。官。吏。人。民。同。此。人。民。一。切。平。等。者。但。見。其。無。恥。而。不。知。愧。耳。將。以。祛。之。則。刑。律。改。良。誠。無。疑。義。之。第。一。事。而。不。容。更。緩。者。也。雖。然。除。刑。訊。矣。而。試。察。國。中。司。法。之。所。爲。則。猶。之。未。除。也。或。曰。必。欲。除。之。彼。官。吏。將。無。以。爲。訊。鞠。之。術。而。定。讞。無。從。於。是。僉。謂。吾。國。民。情。刁。狡。故。外。國。治。獄。可。無。事。此。而。吾。國。不。能。此。其。說。如。論。監。牢。然。僉。謂。西。國。監。牢。可。以。整。潔。便。安。而。中。國。監。牢。非。酷。毒。黑。暗。無。以。警。衆。威。民。者。實。同。爲。詖。辭。邪。說。野。蠻。之。尤。者。也。然。而。彼。所。稱。無。以。爲。訊。鞠。之。術。者。則。未。嘗。無。說。蓋。西。人。之。治。獄。也。有。辯。護。之。律。師。有。公。聽。之。助。理。凡。此。皆。襄。讞。此。獄。者。也。而。吾。國。則。高。坐。堂。皇。縣。官。而。已。彼。縣。官。什。九。之。中。爲。何。如。人。乎。其。出。身。有。由。於。八。股。者。有。由。於。八。成。者。吏。道。雜。而。多。端。久。矣。求。其。中。有。熟。於。三。尺。法。典。而。周。知。下。民。

情僞者。有幾人乎。夫以如是之法官。而又無辯護助理者爲之襄助。則其聽獄。舍刑訊而無術也。固宜。然則吾國將於司法之權。而爲清源正本之計者。非大變聽訟之制。必不可矣。將必有公聽之平民。爲之助理。而原被兩造。亦宜許各僑辯護之律師。而所尤重者。在裁判之法官。與辯護之律師。皆必熟於國家之律例。與夫本地之風俗舊章。然則一言刑律改良。其事又非學堂不爲力矣。比者頗聞京師伍侍郎。有特設法律學堂之請。而直隸陳廉訪。亦有特開律館之言。愚亦謂此事宜分兩部。一曰司法學院。專教各省候補人員。與日後將有司法之柄任者。此可就各省之仕學院課吏館而爲之。其中當以本朝法律例案。爲最重專科。而略兼外國律學格致。西文西語之類。悉爲無取。以歸嚴潔。此一部也。一曰國律學館。以專謀通國之舉人。使之學正音學律例於其間。學成與以法學博士文憑。以爲受請辯護之資格。一切如西國律師體成法。爲人辦事作證者。例得受稱。使其人廉明公正。而諳曉其業。將其延請者必多。往往足以致富。近者科舉已廢。詔書有爲籌出路之言。若使爲官。豈能徧及。惟使爲律師。與夫中小學教員。乃真出路耳。

一治外法權。不可不圖。所以漸收之術也。案治外法權四字名詞。始於日本。其云治外。猶云化外。其云法權。即權利也。蓋有土有人之國。其中莫不有治理之主權。他國之民。身遊其境。

即應歸其國之治下。一切與人交際。所遵用者。即其國之法律。其有作奸犯科。聽其獄者。此國之吏也。加其身者。此國之刑也。不得遠引所生之國。法與所居之國異。同爲辭。此在公法。或又稱地律相盡。而其義則一而已。且不僅刑罰也。即在典禮。亦從主人。此大地各國。自有交通以來。莫不如此。而吾國三代封建。往來朝聘。此義尤明。是故禮稱入國問禁。入里問俗。而春秋滕薛朝魯。終長滕侯。皆明證也。至於近世國際公法。所稍與上古不同者。則二等以上使臣。例得獨用本國刑禮。使館以內。理同國中。接待來賓。皆從本俗。而使使者即冒犯科條。亦不得逕以所使之國刑律加之。遠問訊鞫。事皆不可。不如此者。即爲破犯公法。此治外法權。義所由起。而享有治外法權者。國使而外。無餘人也。惟我中國之事不然。道咸以前。海禁未開。國威尙盛。當此之時。遠方族人。待以化外。其資格且不得與內地齊民齒。然以來者寡。故亦不聞衝突。至於叩關求通。疆吏樞臣。狃於故見。駕馭失術。白下天津諸約。有同城下之盟。約中載明。某國之民。倘有犯法情事。其裁判刑罰。均歸本國所設各口領事官辦理。嗟。此誠交通條約中。向所未有之創例。而自此約成。中國之各口無安土。居民無甯歲矣。而在當時奉旨議約諸公。方且以其事爲莫須有。其所莫能爭。而亦其所不知爭者也。今夫一國所有之主權。質而言之。亦兵與刑已耳。吾國往日交涉之不幸。實舉兵與刑二者而兩

棄之。如此雖馴至於不國。不可謂非人謀之不臧也。孔子曰。惜乎不如多與之邑。惟名與器。不可以假人。夫名器且不可。況刑罰之實權乎。然使吾國所交通者。止於一國。猶可忍也。乃大地之中。五十餘國。各援最優之例。利益均沾。則是一境之內。數十種之法。令龐然交午。其中此雖管商亮猛。復出於今。且猶不給。況當世之官吏乎。是以中國之民。不幸而與外人涉訟。甚至無辜被戕。輾轉號呼。九無由得直。而無良狡黠之徒。又因爲利。則有懸掛洋旗者矣。又有屬入屬籍者矣。此誠民德之涼。願不可謂非前約爲鸚鵡之戲也。且君若吏之臨民而民服者。非積威不斐爲之乎。乃今逮捕罪人。而某領事某教士某洋行爲之坐索。匍匐而來。鬮長而去。耳目昭著。庸衆羞顏。謂其對此官長。猶懷敬畏。感情者。真欺大語耳。是故居今日。不獨云尊重主權也。卽策國內治安。亦必以收此治外法權爲第一義。然而其事有至難者。難不必在國勢之不强。武力之不競也。而在刑獄二者之未改良。果使吾之司法如故。監獄如故。卽使他日我武維揚。於近者之日本。而云收回治外法權者。吾有以決外人之不從也。故欲收治外法權。必於刑獄急求改良。而後可。於是不得已而求其次。則竊謂國家宜於此時。遣使之便。與各國議。由中國延請各國法律名家。約在十人以上。於京師特開議律之館。勅其釐訂交通專律。律成以後。卽由各國會派法官一員。或一正一副。專辦歐美客

民。在華獄訟。與夫華洋交涉之訟案。所期權歸統一。而罷各國領事各主詞訟之權。並許我國專派知律大臣與之會理。幾年一換。劃著定章。如此則國家固有主權。縱未全部收回。亦資得半之道。事在情理。當爲各國所允從。而他日吾國刑律改良。著有成效。更議全收。宜亦較易爲力。此舉於中國前途。所關極鉅。其中利害。明眼者宜共瞭然。無俟鄙人觀縷者矣。

論立憲當以地方自治爲基礎 錄乙巳八月二十三日南方報

昔者維新二字。爲中國士夫之口頭禪。今者立憲二字。又爲中國士夫之口頭禪。試問今日中國之憲。何以立乎。其高視吾國民者曰。可取法於鄰邦。其低視吾國民者曰。尙有欠於程度。之二說也。竊以爲皆是也。皆非也。奚以明其然也。明治之輿輿。其要素實原於立憲。立憲之措置。其胎息實自於英。吾國民而欲求立憲。其取法鄰邦之言是也。至於吾國孱弱。吾民僂盲。忽改弦而更張。慮積重而難返。其程度之欠。說亦近是。雖然。明治今日憲法之善。夫固彰明較著矣。而當其立憲之初。不知幾費周章。幾經險阻。而始收此一日之效果。取法之說。殊未易言。若夫國俗民情。日本往日之糾紛。亦不下於中國。此日之擾攘。所異者中國地大人衆。洗心革面。同力壹志。責無旁貸。其事較難。故其資格亦較下。然遂謂吾國民之資格。遠不及明治以前之日本。殊未必也。閱嘗遠盱歷史。近衡時局。以爲立憲與專制二者皆隨其

國之大勢所趨迭爲倚伏互相乘除儼有莫或使之若或使之者而適於天然淘汰之例非人力所可強非輿論所能爭故野蠻之時代宜專制文明之時代宜立憲閉關自守之時代宜專制環海交通之時代宜立憲冠帶仰流之時代宜專制列強環伺之時代宜立憲中國今日之立意蓋實有可乘之機可階之勢而日本明治初年羣情洶洶矯私爲公之景象必再見於今日之中國無所謂取法而自然取法無所謂及格而自然及格吾敢斷言也然而吾所謂自然取法者非謂吾國遽能取日本今日之憲法也吾所謂自然及格者非謂吾民遽能及日本今日之民格也憲法一也而有國俗之不同民情之不同若必強不同者而同之則是檢譜對奕拘方治病其不敗且殆也幾希中國今日之立憲當以地方自治爲基礎奚以明其然也夫中國民事舉歸官辦官有權而民無權官取利而民攬利官與民遂顯然劃爲公私兩界民除其家之私事而外一切有公益於一鄉一邑者皆相率退而諉之於官官以一人而兼理庶事勢必不及而又不能公然責之於民而民之悍而黠者知官之無能爲也苟有私利於一家者遂不憚朝廷法律充其私心之所至而倒行逆施如盜賣礦產私售路權魚肉鄉里壟斷生計種種駭人聽聞之事相環而起不勝枚舉當是時也朝廷誠能公布明詔責成各直省大小府廳州縣官行投票法公舉該地方紳士二人賞以職

內務

二百十七

乙巳

衡。凡有公益於該地方之事。集民公議。由該地方官予以辦事之權。責成與辦。其辦事之款。則由民間公出。獲利則公享。如近來商部所定礦業章程。其效也如此。則民間自然舍私利而圖公益。自然視一鄉一邑之事。如一家之事。微特可救當時之種種弊端。而且可為下議院之影響。他日憲法宣布。由邇及遠。由卑達高。其勢亦易行。而其效亦易著矣。吾故曰立憲當以地方自治為基礎。

政務處奏議覆刑部左侍郎沈條陳時事摺

六月十四日軍機處鈔交待郎沈家本奏陳時務摺內定官制通民情兩條奉 旨政務處議奏。欽此。查現在東事將定。一切辦法亟應預為籌畫。以保政權。該侍郎所奏定官制條內擬請統三省設一總督。授以全權。便宜行事等語。查盛京將軍業於光緒元年奏准兼奉天總督。至吉林黑龍江二省。應否兼轄。擬俟東事大定。再行酌辦。其所請專設問刑官。而以府州縣等任行政專責。及通民情條內擬設鄉官輔地方官之不逮。各節。意在使下情上達。以清吏治之源。洵為扼要辦法。查上年口月間。外務部代遞候補四品京堂曾廣銓預籌東三省事宜。摺內理財治兵興商及分設局所等條。用意亦同。均為當務之急。擬請一併 飭交將軍趙爾巽詳酌妥籌。認真辦理。抑臣等更有請者。修明內治。實為自強之基。而內治之當

修莫要於親民之牧令蓋必周知民隱好惡與同然後上下情通無壅隔煩擾之弊今州縣官膺民社之寄幾舉一省大吏所應辦之事皆備於一人之身宜其耳目有不能周精力亦不能給而吏胥丁役之舞文弄法魚肉鄉里皆勢所必至欲救其失誠非有相助爲理之人不可或變通原設之佐貳分任職司或聘用公舉之士紳參預謀議不必拘定鄉官之名但求能辦地方之事仍由該州縣自行擇舉以專責成庶幾佐治有資而事權亦無歧出擬請將該侍郎所陳兩事並由直隸先行試辦以爲各省之倡督臣袁世凱任事實心講求吏治並請 敕下該督酌定章程慎選賢能之吏先擇數處妥爲籌辦以期推行盡利張弛咸宜於大局必有裨益謹 奏

附沈侍郎原摺二節 一曰定官制東三省爲我 朝龍興之始制度本與他省不同天聰五年始置六部設承政順治十四年置 盛京戶禮刑工四部設侍郎以下等官已非天聰之舊康熙三十年增置兵部又舊例奉天府尹以盛京將軍兼攝至乾隆時乃於盛京五部侍郎內派出一員管理 列聖相承代有損益今之時勢又非如前擬請仿前明遼薊等處總督故事合之日本治臺灣之法統三省之地設一總督授以全權便宜行事一切用人行政不拘內地成例仿宋明及 國初設立推官之法專設問刑之官任以終

身於府即以同知爲之於州縣即以通判爲之其州縣等親民之官則以行政爲其專責既酌前規復合西制大綱既立則一切內治不難畢舉矣一日通民情周禮鄉大夫各掌其鄉之政教禁令其屬有州長黨正族師閭胥比長歲終會政致事又有詢於衆庶之文按六官之數約五萬餘人而鄉遂之官多至三萬七千八百有奇宜乎民情上達而政無不舉矣擬請仿山西鄉社章程參以各國地方自治之制於地方設立鄉社凡地方當興當革之事一切任民自爲而官爲之監督仿日本府縣議會之法任民間公舉有資望者爲社中董事以輔地方官之所不及而通閭閻之幽隱使天下之人憬然動君民一體休戚相關之感其爲自強之本孰有愈於此者乎

吏部奏擬將教職逐漸停選擇

查各省府廳州縣每學有經制教職一員又復設教職一員共有二員間有簡僻縣學鄉學祇有一員者每省不過三四處上年迭經直隸總督袁世凱安徽巡撫誠勳河南巡撫陳夔龍等奏請裁撤該三省教職去半留半復經御史夏敦復奏直隸教職請免裁併各摺先後奉旨交政務處吏部議奏當經政務處會同臣部奏稱現在各省府廳州縣均應設立蒙小學堂及各省所取之初級師範生由學務大臣考驗合格保送教職歸部銓選將來各省

學官即可兼充各該處學堂教員尤爲名實相符擬請毋庸裁撤教職等因奉旨依議欽此臣等前奏原欲使所有教職兼充教員俾免曠職又以各省教職通計不下三千餘員驟行裁半則失職過多殊非體卹寒儒之道惟武科已停生員去其半文科議減學事更簡原有教職每學二員實形冗贅若待保送師範一時斷難得如許合格之員臣部再四籌維公同商酌思得一逐漸裁減辦法擬請嗣後遇有復設教職缺出卽行停選若遇經制教職缺出卽以本學復設教職移補仍照原銜升轉如此逐漸停選約計三年卽可裁半至各府教職其原係單缺雙缺者應請仍舊並通飭各學教職講求師範卽以派充教員如有不勝教員之任者由各省督撫隨時甄別開缺卽以各省師範學堂保送之員覆加考核酌量分別銓選既可使各教職講求教育又可使現任各員不至遽行失職庶於整頓學務體卹寒儒二者兼盡並通行各省傳知候選教職均各就本省學務處學習師範一切教法將來銓選得缺派充教員更資得力至保送師範人員與原有候選各員應如何定章分別銓選之處容臣部另行擬議具奏謹奏奉旨依議欽此

工部奏整頓部務化私爲公並變通一切章程摺

竊光緒二十七年四月欽奉諭旨裁汰書吏令各部堂官督飭司員躬親部務等因欽此

內書

二百二十一

乙巳

嗣准政務處咨稱令將書吏婪索侵吞之款和盤托出化私爲公以資辦公經費通行在案當經臣部遵旨將書吏裁撤改募書手以供繕寫並將一切繁冗處所裁撤歸併於上年復將料估所等處奏明裁撤先後奉旨允准在案嗣經臣等督飭司員將二十六年以後案卷逐一編輯以爲將來從事根據該司員等均尙奮勉從公不數月間將次告竣各司辦理一切公事漸就熟悉第恐所覓書手仍有串通舊日書吏在外影射招搖等弊擬即請旨將臣部書手全行裁撤責成司員躬親稿件以期部務日有起色惟既責其勞形案牘而仍使其慮及身家不惟非勸士之道且恐積久弊生查臣部辦公惟恃水利飯銀兩項爲數無多萬難敷用臣等公同商酌擬將從前書吏私索各款酌定適中數目由各該省隨案解部作爲闔署辦公津貼之用於庫款無絲毫之損於公事獲整頓之益且與政務處奏定章程亦相符合謹開單縷陳恭候命下遵旨施行其詳細節目及一切未盡事宜應由臣等隨時奏請辦理以臻妥善謹奏奉旨依議欽此

謹將酌擬整頓辦法開列清單恭呈御覽計開

一添設派辦處臣部改章伊始頭緒紛繁非得諳練之員隨時經理萬難妥善現已派定司員將闔署應行整頓事宜均歸該處經理以專責成一俟清理就緒酌度情形再議裁撤

一變通烏布臣部向章四司庫廳各

設滿掌印一員滿漢主稿各四員或二三員不等今既裁撤書手令司員躬親辦事應即稍加變通擬將營繕虞衡都水屯田四司仍各設滿掌印一員各專設漢主稿一員令其公同商酌認真辦事不得有把持推諉之習此外均分爲三股改設滿漢正管股各三員滿漢副管股各三員製造庫仍設滿掌印一員專設漢主稿一員亦仿照四司一體公同辦事再設滿漢正管股各二員副管股各二員節慎庫司務廳各股滿掌印一員各專設漢主稿一員至收發繕寫應由臣等察核司務繁簡於司員筆帖式內酌量派充 一變通差缺查臣部節慎庫監督一缺向例專由滿洲郎中內揀員調補二年期滿奏請更替既爲定例所拘難免遷就應請嗣後除添設漢主稿公同經理外刪去監督名目改爲掌印無論滿洲蒙古郎中員外郎與各司處掌印一律點派毋庸奏請更替 一嚴申禁令臣部職司營造從前浮冒剋扣諸弊在所不免惟相沿日久勢難追其既往經此次整頓之後如再有不肖司員仍蹈積習無論爲數多寡應請一律參辦 一暫寬處分查吏部裁撤書吏奏定章程自奉旨之日起將司員一切因公處分暫行寬免六箇月以示體恤臣部亦擬仿照辦理 謹將酌定化私爲公各款開列清單恭呈 御覽 計開 一工部原有水利飯銀二款向章除辦公外各司員筆帖式無論當差勤惰一體分給殊不足以昭激勸應將此二款與化

私爲公各款交節慎庫另款存儲由臣等於闕署辦事司員筆帖式內酌定等次量予津貼
一節慎庫從前放款均有折扣作爲該庫辦公津貼既經臣等整頓嗣後一切放款應令
覈實發放不准絲毫剋扣至茶皂工食筆墨紙張辦公等費擬由該庫作正開銷 一各項
銷費查軍需報銷前經戶部奏定按照所銷數目酌取一釐以作部飯其實書吏暗中所得
有至七八釐者擬飭照兵部奏明辦法統按六釐收取營造報銷及修造船隻報銷河工報
銷除應解水利外亦仍按六釐收取均由各該省隨同銷案一併解部以資辦公 一各項
解費臣部向來咨取各項物料如木植金甌礮礮廣鍋棕毛綵紬駕衣誥軸制帛等項運送
到部凡投批驗收等事從前書吏均有私索規費應請 飭下各省督撫將軍織造等將此
項規費隨同解項一併交部以充辦公之用

工部奏變通舊章以省繁文而歸實際摺

竊臣部於光緒三十一年七月初五日具奏整頓部務摺內聲明一切未盡事宜隨時奏明
辦理業經奉 旨允准在案嗣經臣等將書手全行裁撤督飭司員躬親稿件惟是改章伊
始頭緒紛然非將繁冗文件次第刪除恐不免徒形繁擾查臣部宜變通刪除具文者一爲
每月分期造冊註銷一爲按季具奏已完未完事件一爲每年赴河南道刷卷一爲年終派

員查核黃冊臣部向來收到文件每月分期造冊載明已完未完各若干件赴工科陝西道註銷每至三箇月復由臣部具奏一次又每年將各司用過錢糧數目稿件赴河南道刷卷並於年終奏請派員查核黃冊推原立法之始按冊稽核逐層磨勘用意至爲周備乃行之既久造報者奉行故事稽核者亦屬具文僅按原辦稿項稽核亦無從查其弊端文牘徒繁無裨實政現在臣部一切案牘均由司員親手經理臣等復隨時督飭隨到隨辦稿件可無積壓之虞自應刪繁就簡向來各司領過款項每月由節慎庫開列具奏此次重加整頓飭該庫司員每月將收發各款分別列表呈堂標畫隨卽開具清單傳付各司處查照並榜示署門之外俾人人易於周知仍按月具奏自不至有絲毫弊混惟分期註銷按季具奏及每年刷卷年終查核黃冊各具文擬請一律停止至臣部製造庫每月呈遞月摺皆係舊存零星金銀等項近年從無收支每月仍照繕呈遞似涉煩瑣亦擬請改於年終彙奏一次以省文牘之煩務期核實辦公俾部務逐漸整飭以仰副 朝廷實事求是之至意謹 奏奉 旨依議欽此

奉天將軍趙奏請歸併五部事務摺

竊奴才奉 命兼管五部事務當將接管之期先後奏報在案伏查五部體制所以隆重

內 務

二百二十五

乙巳

陪都今昔異宜道窮則變主裁之議衆論若一 朝廷折衷至當因時制宜上年奴才入覲 天顏卽奉裁撤五部之 諭到任以後悉心考察愈服 聖斷之明蓋自光緒初年前將 軍崇實奏定將軍一缺兼管兵刑兩部並管帶金銀庫印鑰稽核戶部其餘各部事務均令 與將軍商辦事權已屬將軍徒以名目尙在界限顯分歷任將軍部臣雖亦力圖維挽無如 積重難返事權不專百弊叢生胥根於此若仍循舊辦理則奴才今日之兼管與往年崇實 之兼管無殊不予革除難言整頓此中利弊久在 聖明洞鑒之中固無俟奴才多瀆惟其 中有關係重要者如禮工兩部所管典禮工程等事自應敬謹妥籌有頭緒紛繁者如戶兵 兩部所管租稅驛站等事自應詳細稽考其餘部務紊亂居多則欲裁撤非先行歸併不可 奴才現飭文案處人員按照部務分股辦事選五部諳悉公事明白大義之司員數人檢齊 則例檔案來轅以備顧問而資接洽奴才躬親督飭逐項清釐當裁者裁當改者改當併者 併擬定辦法分別具奏請 旨施行一俟諸務清理就緒卽將五部衙門員缺分別留撤改 用以副 朝廷整飭官常實事求是之至意謹 奏奉 硃批著照所請該部知道片併發 欽此

奉天將軍趙奏裁奉天府府尹摺

竊奴才迭經欽奉 諭旨令將奉天應辦各事認真整頓破除成例並令兼管五部事務等因仰見 朝廷顧念根本力圖振興至意伏念奉省局勢艱危自非改絃更張無以圖補救於萬一歷來論奉治者皆以軍府事權不一爲叢弊之源致弱之本恭查乾隆年間 諭旨卽謂將軍府尹過分畛域於是有府尹歸將軍節制之 命旋以府尹不便節制又改於五部侍郎內特簡一員兼管府尹事務光緒元年又改令將軍兼管是奉省軍府事權動多窒礙屢煩 朝廷爲之更改久在 聖明洞鑒之中刻下情形尤非昔比與其襲舊而多礙不如因時而制宜且上年因督撫同城事權不一已奉 諭旨將湖北雲南巡撫裁撤奉天府尹以右副都御史行巡撫事與湖北等省巡撫事同一律署府尹驛巡道增韞亦以裁撤府尹爲請已於奏陳東省事宜摺內披瀝言之此奉天府府尹亟宜裁缺之實在情形也至裁缺以後應如何設官分職凡 廟堂之籌度臣工之論列鄉校之擬議綜其大要莫不謂當務久遠之制而不當爲補苴之謀宜參列國富強之成規而不宜拘內地行省之陳迹蓋中國政治治民之官少治官之官多名臣大儒言之詳矣今欲因利乘便掃除更張務宜審慎從容斷不可張皇苟且應請 特旨卽將奉天府府尹裁撤所有原管之田賦鹽法以及旗民戶口冊籍或暫行選員試辦或歸併各局經理仰懇 朝廷寬假時日責成奴才切實籌

度一俟東事大定再行彙采中外政制察酌地方情形詳擬改章請旨辦理以仰副朝廷鄭重根本之圖謹奏奉硃批另有旨欽此

奉天將軍趙奏裁奉天府丞摺

竊奴才欽奉諭旨令將奉天應辦各事因時制宜悉心體察等因遵將擬裁府尹一切情形專摺奏陳在案現在奉省新政百端待舉培厥根本興學爲先查新定學務章程內開日本各處皆有視學官正與學政名義相合各省學政卽令會同督撫考察整頓全省學課是振興學務尤以學政爲綱領奉省在國初時設立州縣無多府丞因沿順天府丞辦理童試之規兼司學務嘉慶六年本擬改設學政旋經奉旨以奉天僅有二府不必設立學政仍以府丞兼管是奉省不設學政原因郡縣太少自光緒初年奉省增設民官州縣迭有增添現有六府二直隸廳二廳三十餘縣合吉林現有十二府廳州縣黑龍江現有十府廳州縣計之三省共有六十餘州縣視嘉慶以前增至五倍此後須添設者甚多自未便令府丞兼攝致事權過輕責成不重此應改設專官者其一奉省中小學堂前此建立未多有亟待興舉者有尙屬虛文者必須提挈有人隨時考督於敷衍者整理之玩忽者懲創之偏毗者補救之乃可日起有功不致名存實廢奴才身膺重寄興學一端尤所殷慮深冀視學有人

與爲籌畫易收振起之效又吉江兩省近年戶口蕃盛人才衆多徒以視學無人雖有美材無由陶植如奉天改設學政專缺責令就近兼管俊又蔚起自在意中此應另設專官者又其一又奉天府丞舊皆不治府事今府尹請裁猶留府丞執掌旣若未核名實亦屬不符擬請特旨將奉天府丞一缺卽行裁撤另設奉天學政一員兼管吉江兩省學務令將學堂一應事宜會同三省將軍切實興辦以符名實而重責成必於學務大有裨益謹奏奉硃批另有旨欽此

各省內務彙誌

京師 工巡局那尙書相奏請裁撤五城正副指揮吏目奉旨依議 太僕寺奏准令本署司員自行辦公裁撤書吏又有駝丁一項皆係蒙古旗人充當亦一律咨送回旗又有丁差若干人係分駐察哈爾殺虎口等處專司馬羣各事者亦一律遣散 宮中典禮每年中元節於北海及白塔施放河燈並召喇嘛誦經法螺錢鈴聲聞數里此屆中元奉皇太后命免去此禮亦可見文明之進步而神權迷信之漸革矣

直隸 直督袁慰帥以巡警與學校相關凡地方及歲兒童強迫入學巡警得以權力行之目前科舉旣停教育宜圖普及若巡警不備則教育難稽不獨設裁判通民情及一切司法行政範圍無從措手也特通飭各屬一律開辦巡警由邑及鄉逐漸推廣不得有名無實期年小成三年大定復飭總辦徐趙兩觀察籌議將天津巡警學堂預備擴充按照全省應設官長弁目名數以養成警察人材云 永定河道近遵新章革除門丁添派收發文案兩差業已稟奉直督批准辦

理

山東 濰縣地居衝要匪徒多瀕迹其間魯撫楊連帥因派該縣汛官黑君寶德會商紳查創辦巡警定額巡兵三百六十名嗣因籌款維艱故先募原額四分之一後再陸續補充云

江蘇 署江督周玉帥近從日本警務畢業生潘君世琛張君玉輝之請特飭警務總辦龔虞實觀察籌定警察局分科治事及招募警兵章程當經議定分為四科一警察科二籌備科三審判科四庶務科至招募警兵則仿照南洋軍隊徵兵辦法專招土著不收客民云 鎮郡西門外自甲辰秋間舉辦警察以來地方頗稱安靜近常鎮道郭觀察又擬於城內推廣辦理飭丹徒縣出示招募巡兵四十名分為東南西北四局云

湖南 湘省留學日本警察學生六名近已畢業歸國特就省城設立警務參議處以便就現在辦法商酌改良先招巡勇百名在內教練一俟精熟再將現有巡勇汰選抽練以歸一律至於各府警察本已一律舉辦派員專理惟上游各府多團練保甲改設規模未善故擬於省垣速成警察學堂學生畢業後即行派往各府以便漸次改良

四川 重慶開辦警察本以丙午年為期近經官紳協議以此事為現今要政不可置為緩圖因擬即行試辦
廣東 粵省巡警頗有成效近經周大令學淵接辦是差特議會同番禺縣舉行河面陸路巡警並添置小輪巡船開辦水面巡警

各國內務彙誌

日本 農商務省大臣清浦氏近已簡為內務省大臣以繼芳川氏之任

韓國 韓國近已組織一新內閣其所簡派之大臣為外務大臣閔泳煥內務大臣尹用求農商工部大臣趙東熙法部大臣李夏榮學部大臣李址鎔云

法國 法國海軍提督馬羅爾斯近舉為駐防安南海軍總司令官

德國 德國陸軍內閣大臣陸軍中將哈斯拉伯爵近已奏請辭職德皇特簡丹昔格第三十六師團司令官麥根生陸軍中將以繼其任 德屬西南非洲殖民地長官已簡林德克斯脫君前往

商務印書館出版
算學類教科書

教科書

每部四册
每册二角

最新高等小學算筆

是編繼初等小學算筆教科書之後而仍自加減乘除入手至平而立體求積而止全書自成首尾惟算數較繁算理較深故程度相應蓋依循環教授之理初等小學與高等小學當各自為級而於獨立之中互相連絡者也故在學堂外年齒較長者亦可運習此書全書體例參照日本小學校程式斟酌為之其特長在使學者不勞腦力自易明瞭自發純熟今仍依初等教科之例分為學生用之教科書及教員用之教授法二種每種四册按照奏定學堂章程以一年習一册足供四年教科之用

教授法

每部四册
每册二角五分

高等小學算筆教本

每部二册
價洋四角

日本澤田吾一著 靜海崔朝慶譯 ○澤田氏日本著名之算學家而著作最富者也崔君亦吾國著名之算學家而著作最富者也此書為澤田氏所著為崔君所譯述則其價值之重不問可知書共九編(首)加減乘除(二)諸名數(三)分數之簡易者(三)分數之繁雜者(四)小數(五)比例之簡易者(六)比例之繁雜者(七)利息(八)開方求積序次得宜繁簡適當解釋清晰譯文明暢洵為高等小學教科書本

最新初等小學珠算入門

每部二册
價洋四角五分

珠算在尋常日用中最為便捷但歸除之法用法稍繁故有學至數年理法不能一貫而不知變通者日本初習珠算專用口授故但有教授法而無教科書本館是書即仿其意書凡二册為初等小學第一年或第二年之用綜觀全書特色有五一運珠形式屢次變遷插入算式易於會悟二各種口訣詳細解釋務求明晰三遇有緊要之語旁加圈點令人易於注意四每課必設問題每題均含精意意趣盎然演算者不致厭倦五教授法揭明篇首及教授要旨之內均極明暢是書非特宜於學堂之用即商業中人取而習之獲益亦匪淺也○倘有與本書連接之初等小學珠算教科書及教授法為初等小學第三四年之用陸續付印不日出版

商務印書館出版
算學類教科書

學務大臣
普通珠算課本

無錫薛芬室主人編輯○珠算在尋常日用中最為便捷但歸除之法亦頗奧妙不善學者往往徒勞無功是編彙集各種口訣詳細解釋無論何人一閱便悉誠珠算之津梁也

每部一册
價洋一角

初等
筆算教科書

本館編輯學堂教科書次第出版以國文及算學尤為小學堂所注重故亟印備用是書由關湖徐君翹秉筆經日本教育家小谷重君長尾橫太郎君校訂其程度按照奏定小學章程并東西各國成法按年分級全書五册備小學五年之用書中前二册兼實物各圖以引起兒童興味

全部五册

定價

一册 洋一角五分
二册 洋一角五分
三册 洋二角
四册 洋二角
五册 洋二角

初等
筆算教科書教授法

是書專為教習者實際教授時所用無此則教授時必枯寂無味亦與前書相輔而行

全部五册

定價

一册 洋二角五分
二册 洋二角五分
三册 洋三角五分
四册 洋三角五分
五册 洋四角

新出
數學教科書

小學校數學教科書向無善本間有一二非失之繁冗即終於凌亂教育家憾焉本館按照小學程度精心編輯所有盡有最便實用

每部兩册
價洋二角

軍事

原敗 錄乙巳第二十號外交報

日俄失和。鬪於吾國遼瀋之間者一年有半。自交綏以來。日本匪役不利。而俄則陸海二軍。僅存餘燼。雖欲更舉。力亦殫矣。夫俄之壤地。跨越三洲。自厥祖大彼得以來。為列強所深憚。擬為北方大熊。而日本用區區島國。崛起東海。方事初起。世謂此無異以侏儒而鬪長狄。俄之君將。亦自謂長駕遠馭。掃清東陸。定太平洋權力之基礎。在指顧間耳。而乃大謬不然。如此。此豈疆場之事。利鈍本不可知。抑未戰而所以勝負者。已存特世之人不之察耳。和局將定。兵事已闌。乃準陸士衡辨亡之例。而作原敗。

則先言此役之所以成。蓋俄之東略。始於康雍之間。而大盛於咸同以後。方其割吾壤烏蘇里以東也。日人大懼。而俄方經營庫頁島。庫頁之庫字从厂讀若除俗誤作庫此正如蝦大之讀蝦大爪哇之呼且哇海參崴。不遺餘力。南規朝鮮。西撫滿洲。寢假而西伯利亞鐵軌之議建矣。夫俄本北方高原之國。頗近荒寒。自依番彼得之後。常以出海港埠為要圖。黑海門戶。道突厥舊窠。而英法為之阻。波羅的之廓倫斯達。多凍罕通。而北海之亞庚哲爾。滋無論矣。亦嘗有意於波斯灣。顧鄰印度。英

軍事

三百六十九

乙巳

之所必爭也。彼既塞於西北南三方。則因勢利便。遂注其全力於東。亦其所耳。甲午我與日本方爭高麗。海陸軍燿而遼南盡矣。當此之時。俄之必出而爭者。亦勢也。且慮獨力不足制日。乃牽德法以爲之。於是中國以臺澎易遼。俄名仗義扶鄰。而實則視滿洲爲禁臠。既樹德於中國。又以遼東封之圖。俄之計得。於斯爲極。李文忠公之充專使而賀加冕也。俄皇於李恩猶父子。於是密約以成。遼事乃愈鞣。而不可問。主俄者則曰。英日必不利於中國。俄之布置。雖曰自爲。亦所以固吾圉也。主英日者則曰。使鐵路成。滿洲非中國有矣。朝野紛囂。自甲午以來。莫不如此。

且歸遼之事。惠此中國者。不止一俄國也。有德法焉。事定。是二國之索酬甚亟。政府百方稱感。皆不足以滿德人之慾。已而德皇遣海靖爲專使。伸鐵拳政策於東方。而吾之膠州軍港。乃以微罪行矣。法於兩廣之間。亦稱滿意。三國政策相若。故亦相倚。德之宰相曰。各國舊議所欲保全者。真中國耳。滿洲非真中國也。而俄皇則曰。使德而不關吾遼瀋者。吾亦不問膠澳也。故膠澳既去。而旅順大連隨之。英以抵制。徐起而收威海。皆若固然者。嗚呼。四者亡而中國北方無軍港。而分割各據之勢。亦隱然以此爲先聲矣。以甲午師徒之撓敗。吾之情現勢屈。故乙未丁酉之際。瓜分中國之說。特甚於歐美間。各國

包藏禍心。俄德尤甚。來使如喀希尼。巴布羅福。海靖。克林德等。其恫喝之情態。運動之祕密。至今輦下。猶能言之。而此時天主耶穌二教勢力。亦熾然增長於內地。民教積不相能。加以外患逼迫。人人自危。於是乎有庚子之拳禍。鑾輿西幸。八國之師至京。李文忠公奉旨議和。實無所議。惟日以外人所要素者。報達行在而已。俄人著意。重在奉天。嘗欲自別於衆。故其兵在畿輔者。拔去先於衆人。而奉天之兵。稱保護鐵軌不即去。癸卯之秋。既違約矣。旋以末節爲名。復入踞之。由是五洲之人。皆曉然於俄國之政策。而東省戰端開矣。然而右之所敘列。皆此役之遠因。而爲天下所共見者耳。乃尙有其近因。眞因而爲天下所不盡知者。則當自俄之宮邸而求之。俄皇尼古拉第二者。其全名曰尼古拉亞烈山多威支。其國姓曰羅馬諾甫。其先皇曰亞力山大第三。尼古拉娶於德。生四女。近者兵事方興。而生太子。后無權。不甚預國事。預國事而權力足以制俄皇者。則太后也。太后名馬利達格瑪。性高亢急暴。好利怙權而守舊。尼古拉嚴憚之。行政用人。多出於其母。樸畢多訥塞甫爲全俄教會長老。於皇室爲師保。國人所甚惡。然以太后故。不可易也。他若前者被戕之宰相布勒幅。銀號巨商畢左布拉胥福。式法金。歌連密金。穆拉維也甫。阿力喀塞克夫。阿保連士機等。十餘大臣。皆太后所位置者。其皇室周親。凡居尼古拉父行大父行者。列爵大公。皆據津要。

軍事

三百七十一

乙巳

重祿高位。而治軍儲。主帑藏。以浮冒侵蝕爲俗。此今日天下所共聞。無庸爲俄諱飾者也。一千八百九十八年間。西伯利亞林納金礦大興。其中母本。有言出自俄太后與諸大公之所集者。以任用不得其人。財大耗散。然而桑榆之收。則一飯未嘗或忘焉。

於是亞烈山達大公薦舉左布拉昨福其人者。爲恢復之計。畢嘗謂滿洲高麗。得一卽可以富國。其礦產森林。雖償十倍所舊亡。易耳。太后及某大公等信之。又出鉅資。集株股。付畢使治其事。俄皇知而心然之也。所不知其事者。獨舊相維忒。與外部拉斯道夫而已。

爾乃建新埠於大連灣。易其名曰達爾尼。濬旅順之船澳。殖民之使者四出。倡勸其民。令東徙。開煙臺之煤。收漠河之金。廣治道塗。徧置銀號。以遼陽爲之中樞。凡此所爲。勞費甚鉅。卽其所自。公帑而外。大抵皆俄太后與數大公之私財也。

浸假而滿洲撤兵之期至矣。中國之政府告之。各國之使臣及之。而俄則借地方未靖。馬賊猶多爲辭。相與支吾而已。顧其部署則愈密。調兵則日多。經營則彌奮。俄之用心。爲五洲所同見。雖維忒等力勸俄皇以踐約。無如宮邸之間。大爲不懌。意謂使俄國於滿洲而讓權。將深宮之鉅本。坐再失也。則期期以爲不可。而尼古拉無如何也。

使俄而有廉潔公忠之大臣。其首推外部拉斯道夫乎。其於東方政策。雖未若維忒之力主。

撤兵。然知日人之必不可與戰。而又深惡畢左布拉胥福之爲人。俄之宮邸諸人。惡其沮事也。則相與謀奪其權。而進畢之黨人阿力喀塞克夫。蓋至此而日俄之戰。不可免矣。

阿督之爲遠東總督海軍提督也。俄皇詔外部曰。繼自今遠東責任悉歸阿。外部不必問也。阿既履新。則一主占據遼韓之謀。告俄皇曰。日本易與耳。雖外示憤張。必無戰事。故自甲辰正月以前。俄京無人策日本出於戰者。至決裂之前數日。尼古拉猶告人曰。一切幸平善。日本怒氣終歸消滅。朕之朝代。固太平之朝代也。諸親藩大公。亦謂必無戰事。所領庫帑名整軍實者。大抵自肥。及日本以魚雷入旅。攻其舟師。阿與諸將方張樂高會。而俄皇於其夕。亦御樂部於某名園。及歸得阿電。知所破壞皆新艦。如夢初覺也。

由其近因觀之。是日俄之戰。起於尼古拉之背約。而尼古拉之背約。乃見制於太后與大公也。而太后大公所必使俄皇背約者。其心以爲不背約。而據滿洲將一切經營皆盡。而京城之財不可復也。且戰不徒於是起也。交綏以後。數數敗。脫爲俄計。必以早和爲佳。願遼陽告敗。不和。旅順告降。不和。奉天破。半兆之衆。舉國譁。而猶不和。直至海軍再燬。而後使出。此蓋宮邸之間。以日本不能持久爲說。而尙冀已破之甑。可以復完。已去之財。可以復得。而上行下效。舉國貪憊。以謂日本雖強。不能度烏拉山。入波羅的海。以攻其都。雖師興以來。國

之所費過二千兆羅卜而有餘。然而乘時致富者自有入也。使聞者疑吾言乎。則其中腐敗之形請更一一。

俄大臣之侵蝕公帑。貪冒不忠。以僕所聞。真有令人難信者。願不幸事實所存。往往發露。雖欲深諱。當無從也。如去歲三月塞爾哲大公。即本年二月間所到殺者所領庫款數十兆羅卜。名籌備軍儲。至四月所辦罐頭熟肉。至於糖酒煙茶。由莫斯科運往東方軍前。值羅卜者以兆計矣。當是時。有塔馬老甫者。實司轉餉。擬取道德國之丹輯。由海運以達遼海。乃其物至德。皆已轉售。其取值不及原購之半也。

至其四月。復由莫斯科有運致軍衣之事。然至薩麻拉。以受載過重。段車中止。藉詞夏令天熱。而一切氈裘呢羽之品。皆散之。六月。國民捐送藥物扶傷器品。費至不貲。起運後二十餘日。至墨梅勒。有二賈人。以什一之價盡收之而去。同月。由聖彼得堡運佛金酒十萬箱。至滿洲。云以犒軍。及至開箱。則無酒也。八月。運軍火。亦於中途以半價出售之於二華商。苦將軍知之。然不願頌言也。夫餉軍實。塞爾哲大公之專責也。而俄軍發運收報。豈無文書章程。顯其姦如此。此誠非外人所可思議者矣。

其亞烈山達大公。則司撫卹傷亡。哺養孤寡之事。其款多出國民所樂輸。願此款之於軍也。

則致十而受一。而其於軍士家室。至於去歲年杪。尙未聞有一錢之散。有市僧名畢左布拉。昨福。四年以往。不名一錢。乃至今日。則全俄一鉅富。即其所由。則亞烈山達之私人也。兵弁之革鞞。政府發價。每雙三羅卜。乃匠人所實得者。每雙一羅卜七角五分。由是其鞞至軍。皆不堪用。事發。匠人得罪被誅者不少。而一羅卜二角五分之所歸宿。則大公也。白糖之至哈爾濱遼陽者。以噸計。然強半雜泥沙。事發。商人得罪入路力加獄者五人。願其得利者。則畢左布拉昨福也。

其尤足異者。俄通都大邑中。如莫斯科。如耶路士辣。如卡魯加。如圖拉等都會。店肆間軍服衣料。公然市賣。牽車小賈。持軍人氈衣。望門喚賣。自表價廉。而官不過問。其西伯利亞鐵軌。以軍興議添車輛。由此而莫斯科聖彼得堡二京大官。事其事者。皆以致富。聞所侵吞者。不下數百萬羅卜也。

海陸軍員缺。欲得之者。非賄不行。學術資格勞績皆不問。大抵一少年。居海軍學塾中年餘。第令其家有財。費羅卜數千。即可得缺。陸軍亦然。惟其價值。較海軍爲稍賤。以是之故。二路之官。多愚劣稚駘。於駕海行軍。幾無所曉。問其何能。但飲佛企酒吸雪茄煙足矣。或曰。使政令軍實腐敗如此。則俄廷中職司糾彈者。安所事乎。不知司糾彈者之腐敗。且更

甚於他曹。大法司穆拉維也甫。近新辭職無幾時。方其在位。勢極煊赫。故俄民有七貴之稱。或曰七鬼。七貴者。太傅宗教長老樸畢多訥塞甫也。故宰相內部布勒幅也。故大公塞爾哲也。大公亞烈山達也。東方銀行總董畢左布拉胥福也。皇太后瑪利達格瑪也。而以大法司穆拉維也甫終焉。

從來內政腐敗。軍聲未有克揚於外者也。雖然。俄尙武而行徵兵之令者也。自大彼得以來。蔚然爲一強大國。意者文治不張。其武烈有足恃乎。而孰知又大謬。東方之役。俄之所調發以應前敵者。大抵皆豫備之兵也。其不遺常備額兵。而獨遺豫備之兵何耶。蓋內亂方殷。尼古拉與其族所恃以彈壓其民者。僅僅恃此素所曠咻參養之常備兵耳。至於豫備。本皆民也。附於疾視其君之亂衆者也。是故遣之外之有禦敵之用。內之有去疾之功。是固一舉而兩得者矣。此其所以必遺豫備也。顧其調遣之情形。雖老杜之兵車行石壕邨諸篇。殆不足以盡其慘劇。故觀者某謂。見此日俄國之徵兵。而不傷心斷腸者。殆非人類。俄之鄉民至愚。然一家五六口。所視以得哺者在一男子。去則五六口飢矣。每徵兵令下。輒逃去其鄉。越界而之他國者。如雲而起。然必稍有積蓄。而後有以賂關吏而具行糧。否則不達。嘗有人過俄國露拉機車站。親見兵行。筆記其事曰。某日至車站。見豫備兵到處皆滿。搖鈴

一聲。則無數婦人皆持其男子痛哭。旁有小兒。號泣助哀。鈴再搖。忽見一老婦暈絕臥地。則某兵之母也。鈴三搖。巡兵執棒驅人退。送者皆失聲。車既動。忽一婦人臥車轍中。頃刻齏粉。吾適坐車中。見一人從窗欲躍出。同行者從其後力持之。得不墜。已而推使坐。車中之兵。齊聲發歌。盤旋跳舞。類衆狂者。惟彼不跳亦不歌。車臨次站。地名波羅塔注。彼忽起長跽車中。拱手仰天作禱狀。衆歌忽止。驗長跽者則已死。視其身。有利刃尺餘。自胸達背。穎脫而出。記者曰。此非奇聞也。但當徵發時。車站中日日有此事。不足奇也。

棄伍逃兵。往往而有。嘗見其表。總十五邑逃亡。自去年三月至九月。常備兵逃者自千四百人至九人不等。豫備兵逃者自萬六千人至六百十二人不等。至於今年。逃亡尤甚。往者美人與斯巴尼亞爭古巴。民爭往者不下數十萬。以不得與尺籍爲大恨。英戰南非。團練響應。是何相去之遠耶。此有國者所宜深長思也。

以上所言。其在國之兵也。至於臨敵。其劇場卽吾之壤土。是宜爲吾人所共見。而無待煩辭者。願報紙所稱。往往傳其大事。至於細情。或不能盡。則吾又不得不略言之。今夫俄之敗者。非日本之能敗也。其十七八皆俄自敗之。苦魯巴金知名而有閱歷之將也。其終歸墮績。至求瓦全而不得者。蓋內困於讒人。而外窮於將士之不用命也。夫俄兵之橫暴。無人理。此次

之發現於滿洲者。殆歷史之所無。日本以此而收其功。吾民以此而當其厄。彼諸將之中。所有者。媚嫉也。交誼也。不兩下也。無事則飲博淫凶。遇戰則督亂而不相救。如是而馭疾視。不欲戰之兵。又安得以不敗乎。聞去年瓦房店之役。方戰。俄兵甚爲得勢。領將以有利之可乘。令勿退。且以必勝勗之。其兵曰。必求勝者。若自取之。而其衆退如故。領將知事之無望也。乃以手銃擊其顛行。而以末丸自轟其首。此將死軍前也。

他若旅順之攻守。相持殆一年。爲五洲所稱歎。故降之日。德皇以二寶星。一以旌守者。一以賀攻者。以爲守者之所爲。必極人力之所能爲。援絕計窮。而後出此矣。乃寢假而英之泰晤士訪事。先發其端。天下始知所言之皆謬。俄某將謂人曰。依士拓蘇之見。方五六月已欲降。其猶守半年者。乃其下之所逼耳。後聞日人云。士拓蘇之不能守。日固知之。而其始之有聲者。日實爲之。所以堅俄皇之委任云爾。

至於海軍。尤不足道。非船器之不精也。而將領之不足任。其大誤在於用阿力喀塞克夫。故其始則太平洋之軍殘。雖然猶可以戰也。乃相率深藏而不肯出。至馬加老甫死。而督戰者愈無人矣。最後而波羅的之軍燬焉。方其未然。早有人知其敗也。乃至今年五六月間。黑海之軍。又相率爲叛。聞波典蒙金之在奧迭沙也。左右圍之者十一舟。而叛艦去無恙。然則計

者與反者之表同情。又可見矣。

是故東方之潰敗於俄國。非因也。果也。果於何。果於專制之末路也。夫俄皇尼古拉。親爲十九世紀之國主。乃欲守二三百年大漢西域之舊制。宗教則務使民爲迷信。風俗則塞外輸之文明。報紙則監之以申梭爾憲法。則言其時之未至。加以羣凶在位。獨厲威嚴。海牙之會。粉飾野心。以欺天下。謂帝王之位。可長保也。卒之民不聊生。內亂大作。方其與日戰也。猶冀引通國之目光。使之外向。天不佑暴師。徒興尸國。財虛糜而民心益怨。至於本年正月二十三日之事。識者以爲尼古拉君民之誼。絕於此矣。革命黨人日益猖橫。俄皇之命懸其手。中所未行大事者。特須時耳。泰晤士報曰。俄皇目前。舍其兵而外。一無可恃。然觀於波典蒙金之事。則此區區者。亦將有不可恃之時。然至如此。而憲法之議。向不過以空言塗通國之耳目。羅馬諾甫之朝代。其不爲法國褒爾滂之續者。蓋亦僅耳。東方之敗之於俄。譬諸人。身其肢末之痿歟。

署兩江總督周奏遵章設立督練公所及辦理情形摺

竊前承准練兵處咨行會奏新定營制餉章一摺。原奏督練制略內。開各省新軍練及一協以上者。應於省會設立督練公所。慎選兵學諳練事理精詳各人員。分任兵備參謀教練暨

考校本省舊日勇營妥籌變革各事等因伏查江南爲湘軍立功之地自同治初年削平大難歷任督臣皆就舊營整理彈壓地方迄今四十年舊日立功將士淪亡殆盡各營勇丁隨地招募籍貫不一以故軍律日久愈弛上年侍郎臣鐵良奉旨抽閱江南營伍按之新練諸法自多未備業將庸懦不職之統兵各員奏奉諭旨嚴懲在案臣抵任後考求其弊約有數端一曰經費絀一曰將才乏而其最要之端在無提綱挈領處爲之督率訓練當於上年十二月遵照練兵處章程特設督練公所委道員朱恩紱辦兵備處事務道員徐紹楨辦參謀處事務其教練處事委該道等暫行兼辦以期事權統一號令易行所有一切軍制戰術操法及教育次第均責成查照新章考究編訂頒行各營遵守隨時獎勵不合酌予懲創總期信賞必罰令出惟行其舊有之營務處卽行裁撤督練公所總核三處職掌兵備處略似日本之陸軍省參謀處略似日本之教育總監部事體重大端緒繁多必須分科治事各專責成庶可有條不紊日起有功復由臣督同該道等查照練兵處分設司科章程參稽東西各國軍制於兵備處分設六科曰蒐討科曰經理科曰考功科曰執法科曰兵器科曰醫務科參謀處分設四科曰運籌科曰嚮導科曰檢閱科曰測繪科教練處分設三科曰訓練科曰教育科曰編譯科其所以設科之原因各科應行之事例均逐條研究備載於冊以爲

辦事之標準至各科所需人員均遴選日本留學陸軍畢業生及各省武備學生充當凡候補求差各員概不錄用開辦以來已歷半載統計歷辦各事其對於各項防營則汰弱留強化散爲整量裁舊伍創辦徵兵現已將編立鎮標留防隊情形另摺奏報此外更於公所內附設兵事研究所聚集陸軍將校研究高等戰術以儲將才並挑選在標武官授以淺近兵學以期畧通兵事化無用爲有用其餘如開辦測繪測量軍用地圖講求路政建造軍用道路以爲操兵演陣之準備復創辦憲兵爲軍隊上之警察以維持軍紀均經陸續舉行略有端倪該三處經費查照章程始議兵備參謀兩處各月給銀一千五百兩教練處月給銀五百兩自五月後復因教練處需員較多如訓練一科卽設有步馬礮工輜重要塞軍樂專司教練者七員將經費一律增爲一千五百兩而兵備處用款尤大另月加銀二百兩俾資敷布謹 奏奉 硃批該衙門知道欽此

四川總督錫奏查明幫辦駐藏大臣鳳全死事情形摺

竊查前據打箭爐廳文武電稱巴塘番匪滋事戕害駐藏幫辦大臣鳳全暨焚毀教堂等情當經電奏奉 旨飭查因何起釁鳳全死事慘烈並同殉各員一併具奏教士等設法出險認真保護等因隨又電陳是時番僧阻斷郵塘探報未確俟查明後續奏茲據打箭爐廳同

知劉廷恕等與巴塘糧員吳錫珍先後稟陳前來查鳳全自蒙 簡擢感懷時局激發忠誠 卽有奮不顧身之概抵鎮接奉 寄諭經營微外以固藩籬出關後備悉巴裏各寺喇嘛腹 削番民庇縱匪類土司以下聽其頓指若不首加裁抑邊務必多捍格因奏請申明舊制限 定喇嘛人數二十年内暫停剃度喇嘛等內懷怨懟騰播流言率指鳳全所帶勇弁軍服操 法近於西式遂謂鳳全辦事悉爲洋人而來卽如巴塘墾田雖屬無多然糧員開辦年餘相 安無事鳳全稍加推拓遠有抗阻派勇彈壓經過丁零寺門外喇嘛卽放槍傷勇此二月二 十一日事也厥後焚燒墾場糾結日衆平時本以教堂爲不利於地方鳳全力爲保護益嘗 其租庇洋人二十八日番匪乘機焚毀教堂勇丁被殺者二十餘人署巴塘都司吳以忠隨 員秦宗藩並死其難糧署亦爲劫掠番衆洶洶解喻不散次日喇嘛與土司往見鳳全謂其 移駐裏塘庶免番匪藉詞擾害乃可以保安全臺一面供備烏拉鳳全先因巴塘糧運艱貴 故留勇在鎮操練親帶只數十人創殘之半更難得力擬到裏後調集鎮勇繼圖懲辦詎三 月初一日行至紅亭子地方卽見番衆埋伏突起前後截殺鳳全督勇搏戰相持良久終以 匪衆勇寡遂與隨員勇役等五十餘人盡遭戕害伏念鳳全歷任川中州縣卓著聲績此次 感被 恩命於巴壘鎮鎮以及籌議瞻對等事莫不殫精區畫惟喇嘛驕玩日久驟欲分其

勢以恤番民無如番俗素崇釋教不明鳳全保愛之意轉予喇嘛以煽動之端鳳全前電卽云番匪係喇嘛主使誠以丁零寺力強人衆若非倡助何能頓致鴟張況堅詞以請行而扼路伏戎顯屬同謀濟惡變成於倉猝徵調不及無從防禦鳳全臨難不避力竭捐軀從者盡殲最爲慘烈應如何賜卹之處出自 聖主恩施隨同殉難之貴州試用巡檢陳式鈺四川候補縣丞王宜麟趙澶儘先千總李勝貴繪圖學長何藻臣並先經被害之署巴塘都司漳臘營參將吳以忠已革四川補用知縣秦宗藩均請 勅部從優議卹其餘勇弁查明補報此案巴塘喇嘛等焚毀教堂戕害大臣情罪重大近日詞多狂悖不惟土司番民附和甚多且勾結察裏兩臺瞻對三巖等處瞻對則已派出馬隊越至釧邊窺伺關外幾爲之騷動猶幸奴才等先已奏派提督馬維騏到釧業派弁勇將戕官傷弁之泰凝寺喇嘛攻克奔散軍威稍振人心始定奴才等昨又剴切示諭解散誘脅然不大伸 天討終無以翦凶逆而昭法紀現在遵 旨派建昌道趙爾豐辦理釧邊軍務迅速馳往會同提臣馬維騏相機妥辦並以巴裏一帶均隸於建昌道而運糧亦在所屬邛雅等處故令趙爾豐先赴本任接篆後卽日起程所以便調度而一事權軍事孔繁委留川當差之已革廣西補用道錢錫寶隨往襲贊釧城向不產米關外更非烏拉不能行走用兵以二者爲最難又委試用道文緯等在

雅鑪設局購運川省財力本形支絀而是役荒遠艱苦非厚集師旅不能制勝又非數兵之餉不能養一兵數石之費不能運一石軍需浩大惟有督同藩司多方措墊應此眉急已令趙爾豐添募營勇到鑪後會商馬維麒佈置周妥即議進攻審度情形分別剿辦總期萬全設策一舉奏功庶使荒裔咸懾威稜以後不敢恣其悖亂至巴塘法司鐸牧守仁先經鳳全護其遷避土署糧員現稟於二月二十四夜自行逃去其餘亞海貢鹽井教堂兩處來稟均未之及而蒲司鐸則逃赴滇邊獲免番匪又復奔往滇境撲犯教堂幸經堵禦究竟法司鐸等被害實有幾人已飭再行確查並將存者多設方畧保護出險不惜厚賞優獎以期有濟再鳳全殘骸已殮其子候選布經歷忠順請俟道路通暢卽往迎運合併陳明謹 奏

署山東巡撫楊奏籌議青德兩營裁併旗兵乾餉並撥給荒地墾租俾資添練摺

竊維駐防滿營生齒日繁額設餉項難資騰飽經前副都統會同前撫臣袁世凱議編佐衛練軍 奏明挑練精壯添籌餉項頻年訓練頗有起色嗣以旗丁仍多困苦復經正任撫臣周馥 奏將官山荒地酌撥認墾尙未辦就臣到任後正議籌辦准新任青州副都統英慈到東敬傳面奉 諭旨命與臣會商再由駐防內挑練士卒以期有用等因欽此亟應會同商酌妥擬辦法以副 朝廷精求武備整頓防營之至意查現署運使吳煜曾由前撫臣派

往查辦前任青州副都統參案辦事認真深悉青德兩營積弊復令前往檢齊舊檔悉心參究查青州駐防八旗額設領催六十四名前鋒三百名馬甲一千一百九十六名每馬一匹四季牽算月支乾銀一兩五錢近以料值昂貴不敷喂養額馬倒斃疲瘦於操防難期得力不如酌裁無用之馬添練有用之兵擬裁額馬八百匹每月省出乾銀一千二百兩歲可得銀一萬四千四百兩用再添練馬隊一百五十名步隊一百名月餉悉照佐衛練軍餉章開支餘項添給馬乾以期精壯似此核實籌併兵馬咸資給足德營亦一律照此辦理至青德兩營制兵齒繁餉薄自須籌給生業俾顧身家前指官山荒地多係零星區畝不便分撥茲查利津樂安兩縣毗連境內有海灘淤地約六百餘頃以此撥給旗丁足資生計惟該處距滿營稍遠安土重遷墾種諸多未便且此項淤地濱臨大海尤慮海潮爲患難冀室家現由滿營派員會同印委勘丈立界就近招佃墾種計畝議租爲數亦巨按春秋兩季催徵發營勻放俾旗丁無遷墾之煩而得養贍之實用恤旗困而廣 皇仁臣與該副都統往復晤商意見相同如蒙 俞允俟抽練成軍招墾竣事再行詳細具奏正在會議間現值陸軍第五鎮鎮統吳長純抵東遵照陸軍第一二鎮章程由青德滿營閒散餘兵內挑選精壯五百名編入新軍訓練得此分練於餉項尤屬有益應俟第五鎮成軍後再報明練兵處查照謹

軍事

三百八十五

乙巳

奏奉 硃批練兵處兵部知道欽此

練兵處爲編定北洋軍制通咨各省督撫文

案照本處奏定陸軍營制內立軍制略載有先就各省已練之新軍由練兵處兵部會同奏請簡派大臣考驗擇其章制操法一律合格者奏請 欽定軍鎮協標號數各等語前據北洋大臣咨稱北洋常備軍第一二三三鎮均於光緒三十年十月初一日遵照新章一律改編謹請奏明考驗等因前來嗣經奏奉 簡派兵部尙書長署兵部左侍郎徐前往考驗本年三月十九日准軍機處抄交兵部尙書長署兵部左侍郎徐奏考驗北洋陸軍情形一摺奉 旨著練兵處議奏欽此據原奏內稱遷安一鎮成軍最早程度亦最優馬廠保定兩鎮同時成軍各有所長而日兵程度保定較勝其章制操法均一律合格鎮協標號數當如何編列應由練兵處復核具奏恭候 欽定等因查北洋三鎮業經考試章制操法一律合格自應照章編列號數以符定章惟陸軍編制之始自京旗以及各省須通國一氣相聯保定所駐之京旗陸軍爲京師禁旅開練最早已具有全鎮規模編列號數宜居各鎮之先除陸軍第一鎮應編步隊第一第二協第一第二第三第四標馬隊礮隊標數工程輜重營數留俟京旗陸軍奏請考驗後再行編列外此次應編北洋各鎮卽自第二鎮起依次遞推所

有現駐遷安之陸軍應編爲第二鎮駐保定之陸軍應編爲第三鎮駐馬廠之陸軍應編爲第四鎮第二鎮所統步隊應編爲第三第四協第五第六第七第八標馬隊礮隊各編爲第一標第三鎮所統步隊應編爲第五第六協第九第十第十一第十二標馬隊礮隊各編爲第三標第四鎮所統步隊應編爲第七第八協第十三第十四第十五第十六標馬隊礮隊各編爲第四標三鎮工程輜重營數各隨本鎮號數編立業由本處於五月十三日具奏奉旨依議欽此欽遵除行知遵照辦理外相應咨行貴督撫請煩查照

直隸閱兵處秋操辦事條規

第一章總綱 計四條 第一條練兵大臣麾下設閱兵處一所 第二條閱兵處分設右列各處專司各項事務統歸總參議調派一審判處二綜理處三遞運處四傳宣處五執法處六接待處七信號隊

第二章審判處 計九條 第三條審判處設審判官及隨員若干員分爲兩屬一屬閱兵處爲閱兵處審判官一屬兩軍爲兩軍審判官 第四條閱兵處審判官及隨員之責任除按照新編野外勤務書所載遵行外餘均照規條辦理 第五條閱兵處審判官凡遇審判事件均須隨時呈明總參議稟報練兵大臣以備查考每日晚九點前應將本日野操有何評議

軍事

三百八十七

乙巳

之處及所審判緣由簡略記載呈交總參議核閱 第六條閱兵處於野操時指授方略總裁戰理與夫使用信號受授命令等事均由總參議先行特定審判官及隨員分別辦理

第七條軍屬審判官及其隨員之責任係將閱兵處之命令訓令通報事件傳告本軍即將本軍之命令報告等事據報於總參議其兩軍主將所決進止及夫他項關係總裁重要事

件均須於該軍命令報告未經頒發以前用最迅速之法將其要略祕密報總參議 其要事如本軍之命令報告等事據報於總參議其兩軍主將所決進止及夫他項關係總裁重要事 第八條閱兵處如調集兩軍主

將其軍屬審判官均隨其主將前往 第九條軍屬審判官之下除隨員外另置傳令將弁二員馬隊頭目三名馬兵九名其馬隊目兵均由本軍遣派如不敷用再由本軍加派 第

十條軍屬審判官及其隨員等住所馬棚均歸本軍預備 第十一條軍屬審判官辦公處所如有遷徙當從速安設電話以便與閱兵處隨時通信藉資聯絡

第二章綜理處 計四 第十二條綜理處設綜理官及參贊隨員若干員 第十三條綜理官責任係經理閱兵處一切庶務 第十四條綜理官之下置參贊隨員分司左列各項一

籌備閱兵處駐紮處所二預備外賓隨觀員宿舍及馬棚等事宜三承管雜務及會計支發等事四照料閱兵處人員伙食及馬匹喂養五經管賠償物產各事六引導外賓及隨觀員

觀操七凡有與地方官交涉者均由綜理員隨時妥爲商酌八布置閱兵處守衛事宜九管轄軍樂隊 第十五條外賓隨觀員人數或臨時別有事故均應隨即由綜理官通知傳宣處

第四章遞運處 條計七 第十六條遞運處設遞運官及委員隨員若干員 第十七條遞運官責任係管理鐵路水道各項運輸事宜及電報電話通信等事 第十八條遞運官之下除隨員外其委員分司左列各項事務一委員專管鐵路運輸事宜二委員專管水道運輸各事三委員專管電報電話通信各事 第十九條鐵路運輸委員凡事均與鐵路總局預爲接洽並籌備閱兵處及外賓隨觀員坐車與陸續運送軍隊等事 第二十條水道運輸委員所有白河運河子牙河將一切運輸事宜均責成該員經理 第二十一條專管遞信委員凡閱兵處所屬電信電話均由該委員承管閱兵處所有電信隊並歸統轄設電信隊規條另行訂編 第二十二條遞信委員所設電信電話除閱兵處軍官准用外其餘概不准擅用

第五章傳宣處 條計五 第二十三條傳宣處設傳宣官及隨員若干員 第二十四條傳宣官責任係管理刊印各項方略命令訓令傳發各事 第二十五條傳宣官將各項傳宣要

件迅速刷印分送於閱兵處各官其軍屬審判官隨員及隨觀員亦均備送一分

員隨其 第二十六條傳宣官應派隨員軍官二名令其接待報館隨觀員並檢察其記

載 第二十七條接待報館隨觀員須將兩軍攻守情形詳為指告應考度作戰情勢假如

兵力之分合軍隊之進退若何分派及一切任務等兩軍尙有互相祕密之處該員仍不得

率行告知倘係經過事項則不在此例總之不可因有新聞探訪致將機密洩洩於人

第六章執法處 條計三 第二十八條執法處設總執法官一員憲兵隊及巡警隊各若干員

第二十九條總執法官稟承總參議統轄憲兵巡警各隊辦理警務一切事宜 第三十

條憲兵隊長督率所部憲兵除由總執法官指示一切外餘照野外勤務書所載各條辦理

第七章接待處 條計兩 第三十一條接待處設接待官及隨員若干員分為兩屬一為內賓

接待員一為外賓接待員 第三十二條接待官除接待內外賓並致送方略命令印件外

其內外賓往來野操界地之內亦歸該員等引導

第八章信號隊 條計三 第三十三條號音照野外勤務書第六十條辦理外另設信號隊一

隊管理大操一切信號以通聲息歸閱兵處指定之信號審判官及隨員節制 第三十四

條信號隊所駐地位應豎五十米達長旗竿一枝上懸赤球一箇以為標示其信號用法另

有條規 第三十五條信號隊用信號時各隊均鳴號應之但未用信號以前各隊已發號音則亦隨其號音施用信號

江西改編一協兩標簡明營制餉章

一標之制 統帶官一員統轄全標三營月支薪水銀一百二十兩公費銀一百六十兩共月支銀二百八十兩 教練官一員平時督理本標教練遇有戰事參畫戎機嗣後官弁均出自學堂即將此員隨時裁去月支薪水銀六十兩 執事官一員經理本標庶務月支薪水銀三十兩 掌旗官一員奉持標旗月支薪水銀十六兩 副軍需官一員督理本標糧餉裝服等事兼管軍械月支薪水銀三十兩 副軍醫官一員督理本標衛生醫藥等事月支薪水銀三十兩原擬緩設現擬照設 司號長一員訓練全標號令月支薪水銀八兩原擬緩設現擬照設以資督率 二等書記官一員月支薪水銀二十四兩 三等書記官一員月支薪水銀二十兩 司書生二名每名月支薪水銀六兩共月支銀十二兩 差弁四名每名月支餉銀七兩二錢共月支銀二十八兩八錢此項差弁係由馬弁改設遇有征調仍用馬弁四名照每名八兩四錢開支 護兵八名每名月支餉銀四兩二錢共月支銀三十三兩六錢由標統於八名中提一名作為護目以資管束 伙夫二名每名月支餉銀三

兩三錢共月支銀六兩六錢 以上前發章程每標計設員弁兵夫二十四員名月支薪公餉銀五百七十一兩現增軍醫官一員月支薪水銀三十兩司號長一員月支薪水銀八兩減副軍械官一員月支薪水銀三十兩計二十五員名月支薪公餉銀五百七十九兩

一營之制 管帶官一員管轄全營月支薪水銀六十兩公費銀一百兩共月支銀一百六十兩 營隊官一員幫同教練管理庶務月支薪水銀三十兩 隊官四員每隊一員每員薪水銀二十四兩公費銀八兩共月支銀一百二十八兩 排長十二員每排一員每員月支薪水銀十五兩共月支銀一百八十兩 司務長四員每隊一員料理本隊庶務每員月支薪水銀十二兩共月支銀四十八兩原擬設二員現擬照設四員以符一隊一員之制

正目三十六名每棚一名每名月支餉銀四兩八錢共月支銀一百七十二兩八錢 副目三十六名每棚一名每名月支銀四兩五錢共月支銀一百六十二兩 正兵一百四十四名每棚四名每名月支餉銀四兩二錢共月支銀六百四兩八錢 副兵二百八十八名每棚八名每名月支餉銀三兩九錢共月支銀一千一百二十三兩二錢 軍需長一員辦理本營餉械裝服各事月支薪水銀二十兩 醫生一名月支薪水銀十六兩照軍醫長療治病傷醫生幫佐醫官現既不設軍醫長此項醫生應兼療治病傷之任 書記長一員月支

薪水銀十六兩 司書生六名每隊一名管帶用二名每名月支薪水銀六兩共月支銀三十六兩 號兵八名每隊二名每名月支餉銀四兩二錢共月支銀三十三兩六錢 護兵十八名每隊各用三名管帶用六名每名月支餉銀四兩二錢共月支銀七十五兩六錢由管帶於六名中提一名作為護目以資管束 槍匠四名修理槍械每隊一名每名月支餉銀六兩六錢共月支銀二十六兩四錢原擬設三名現擬照設四名以符一隊一名之制 醫兵一名照料病傷月支餉銀三兩九錢 備補兵三十六名每棚一名平時隨同操練遇有兵缺提補行軍時照料帳棚及行李各件每名月支餉銀三兩三錢共月支銀一百十八兩八錢 伙夫三十八名每隊九名管帶用二名月支餉銀三兩三錢共月支銀一百二十五兩四錢 車夫八名每名月支餉銀三兩三錢共月支銀二十六兩四錢江省不用驛車改用人力扛車似亦不甚濟用此項車夫餉銀應暫扣存派辦處俟有征調作為貼補輸運之費 隨營車四輛原擬改設人力扛車現擬緩設 以上前發章程每營計設員弁兵夫六百四十五員名月支薪公餉銀三千零七十六兩三錢現增司務長二員共月支薪水銀二十四兩槍匠一名月支餉銀六兩六錢計共六百四十八員名月支薪公餉銀三千一百零六兩九錢

一覽

日俄和約正文

錄乙巳中外日報譯九月十九日大阪每日新聞

三百九十四

十二月

該條約於九月十六日經日俄兩國皇帝陛下批准故兩國政府已於十七日從該條約第十四條之規定互通告其批准 日本國皇帝陛下及全俄羅斯國皇帝陛下因欲回復兩國及其人民之平和之幸福故決定締結議和條約是以日本國皇帝陛下任命外務大臣從三位勳一等男爵小村壽太郎閣下駐劄亞美利加合衆國特命全權公使從三位勳一等高平小五郎閣下爲議和全權大臣全俄羅斯國皇帝陛下任命俄國大臣領袖國務卿式爾齊威第閣下亞美利加合衆國特命全權大臣俄國朝廷事務總長路曼羅善閣下爲議和全權大臣因各互出示其委任狀經認爲良好妥當以協議決定各款 第一條 日本國皇帝陛下與全俄羅斯國皇帝陛下之間及兩國并兩國臣民之間將來可有平和及親睦 第二條 俄羅斯帝國政府承認日本在韓之政治上軍事上經濟上有特別利益當日本帝國政府在韓國執行認爲必要之指導保護及監理之措置時俄國必不沮害或干涉 在韓國之俄羅斯國臣民則日本當與其他外國之臣民及人民全然同樣待遇試換詞而言之即當與最優待國之臣民及人民置於同一之地位 兩締約國因欲避一切誤會之原因故相約不得在俄韓兩國交界地執行有可侵迫俄羅斯國及韓國領土之

安全之各種軍事上之措置 第三條 日本國及俄羅斯國互約左之各事一從附屬於本約之追加約款第一節之規定除遼東半島租借權效力所及之地域以外凡在滿洲兩國軍隊當全部同時撤退二除前記地域之外當舉現在日本國俄羅斯國軍隊所占領所管理之滿洲全部全行歸還於大清國專屬之行政 俄羅斯帝國政府當聲明不得在滿洲侵害大清國之主權及獲得有違機會均等主義之各種領土上之利益及優先的與專屬的之讓割 第四條 俄羅斯國日本國因欲發達大清國之滿洲諸工業故互相約於列國共同執行各種處置時均不得出而阻害 第五條 俄羅斯帝國政府以大清國政府之承諾將旅順口大連並其附近之領土及領水之租借權及關聯於該租借權組成其一部之一切權利特權與割讓移轉割讓於日本帝國政府俄羅斯帝國政府又將在前記租借權效力所及之地域內之一切公共營造物及財產移轉割讓於日本帝國政府 兩締約國互約須得前記所規定之大清國政府之承諾 在日本帝國政府相約當完全尊重在前記地域內之俄羅斯國臣民之財產權 第六條 俄羅斯帝國政府當以長春城及子旅順間之鐵道及其一切支線及在該地方而附屬之之一切權利特權財產及在該地方而屬於該道之產業不受一切補償而以大清國政府之承諾移轉割讓於日本帝國政府

府 兩締約國互約須得前記所規定之大清國政府之承諾 第七條 日本國俄羅斯國互約兩國在滿洲之鐵道須限定全然以商工業之目的經營之決不得以軍略之目的經營之 惟遼東半島租借權效力所及之地域之鐵道則不得照以上所載之制限 第八條 日本帝國政府俄羅斯帝國政府當速另結一約規定在滿洲兩國接續鐵道業務以期增進該處之交通及輸運且便利之之目的 第九條 俄羅斯帝國政府將薩哈連島南部及其附近之各島嶼並在該地方之一切公共營造物及財產永遠讓與日本帝國政府而其割讓地域之北方區界則以北緯線五十度為界線該地域之正確之境界線則照附屬於本條約之追加約款第二節之規定決定之 日本國及俄羅斯國互約各不得在薩哈連島及其附近之島嶼之各自領地內築造砲壘及其他類此之軍事上之工作物又兩國均不得在宗谷海峽及韃靼海峽執行可以妨害自由航海之各種軍事上之措置 第十條 其在被割讓於日本之地域居住之俄羅斯國臣民仍保留其自由得以聽任其自行賣去其不動產退回本國但該俄羅斯國臣民若欲仍居留於被割讓之地域則可服從日本國之法律及管轄權而聽任其安全從事職業且行使其財產權日本帝國當支持保護之日本國對於失去政治上及行政上之權能之人民有權可撤回其在前記地

城之住民權又可逐出該地域但日本國仍當完全尊重前記住民之財產權 第十一條
 俄羅斯國當與日本國訂一協約令日本國臣民享有濱日本海哇谷克海及卑令海之
 俄羅斯國領地沿岸之漁業權 關於前記之事兩國互約當不致影響於俄羅斯國及屬
 於外國臣民之權利 第十二條 日俄通商航海條約係因戰爭而廢止故日本帝國俄
 羅斯帝國政府當以戰爭以前有效力之條約為基礎而新締結通商航海條約即以此為
 兩國通商關係之基礎相約互以對待最優待國之方法相待遇而進口稅及出口稅稅關
 通過稅即口稅與噸稅並在此一面之領土對於彼一面為代理人之臣民及船舶所有許其
 入國及待遇之利益須一律仍照舊約 第十三條 本條約實施之後當速即互行交還
 一切之俘虜日本帝國政府俄羅斯帝國政府當各任命預備領受各俘虜之特別委員一
 名此一面之政府所收容之一切俘虜當交還於彼一面之政府之特別委員或正當受委
 任之代表人該委員或其代表人當領受之而其交還及領受則當由交還俘虜之國預先
 可通知領受國之特別委員最近便之人員及於交還國最近便之出入地舉行之 日本
 國政府及俄羅斯國政府於俘虜交還完畢之後速即將各俘虜從捕獲或投降之日起至
 死亡或交還之日止因保護休養該俘虜之直接費用若干造一詳細帳簿互行提出該細

帳簿交換之後日本國俄羅斯國即互相比較該簿所記之差數其少出者即行找回。第十四條 本條約當由日本皇帝陛下及全俄羅斯國皇帝陛下批准批准本約應當從速無論如何從本條約蓋印之日起五十日以內必當由駐劄東京法蘭西國公使及駐劄聖彼得堡亞美利加合衆國大使各以批准實情通告於日本帝國政府及俄羅斯帝國政府從其通告完畢之日起本條約全部當即生完全之效力至正式之批准交換則當速在華盛頓施行。第十五條 本條約以英文及法文各寫兩份即蓋印於其上其各本文雖全然符合然設或解釋有不同處則以法文爲准兩帝國全權大臣茲特加記名蓋印於本議和條約

明治三十八年九月五日即一千九百零五年八月念三日西曆九月五日

在朴子模司西州中作 小村壽太郎 記名印 高平小五郎 記名印 式爾齊威第

記名印 羅善 記名印

追加約款

下列名之各議和全權大臣從本日本俄羅斯所訂立議和條約第三條第九條之規定補立左之追加約款 第一 關於本條約第三條 日本帝國政府俄羅斯帝國政府互

約於議和條約實施後同時直各開始撤退其軍隊離去滿洲從議和條約實施日起於十八月期限內兩國軍隊均全部撤退惟遼東半島租借地不在內 其占領前面陣地之兩國軍隊則當最先撤退 兩締約國因欲保護各自在滿洲之鐵道線路故均保留其置守備兵之權利該守備兵之數則每一啟羅邁當至多不得過十五名而日本帝國俄羅斯帝國之軍司令官則當在前記之駐劄地以內互以好意減退其必需之守備兵數 在滿洲之日本國俄羅斯國軍司令官從前記之原則當協議撤兵細目因欲不論如何必須於十八月期限內實行撤退故當互相協意執行必要之措置 第二 關於本條約第九條兩締約國所各任命員數相等之境界確定委員於本條約實施後當速以永久之方法就實地確定在薩哈連島之日本國俄羅斯國領地間之正確境界該委員當照其地形務以北緯線五十度為境界線因地勢之故致不得不稍有偏倚而不能准該緯線之度數則於他地點亦須有相當之偏倚以填補之包含於割讓地域內之附近島嶼之表及圖說亦須由該委員繪製且須繪製割讓地域之境界之地圖署名於圖上該委員事業須經兩締約國承認 上記之追加約款當其所附屬之議和條約批准時此約款即當視為已經批准 明治三十八年九月五日即一千九百零五年八月念三日在朴子模司作 小村

壽太郎 高平小五郎 式爾齊威第 羅善

各省軍事紀要

直隸 前由練兵處擬定直隸應練陸軍四鎮按照日本徵兵之法將合省府廳州縣搭配平均劃分兵區後因他故未果近北洋督練處重申前議劃定徵兵州縣籍貫試辦已擬定章程除五鎮由山東募補外二三四六鎮等鎮分作四區指定順天承德永平宣化四府遵化易州兩直隸州為第二鎮區天津河間兩府深冀兩直隸州為第三鎮區保定正定兩府趙定兩直隸州為第四鎮區大名廣平順德三府為第六鎮區云 保屬新城縣東北望駕臺地方匪首韓有才聚集匪黨二百餘人勢甚猖獗適新城縣鄭大令會同雄縣容城兩縣前往緝捕而三縣縣隊竟為賊匪所敗潰逃無蹤鄭大令奔回縣署即已具稟省憲請速派隊剿辦

山東 曹州屬鄆城縣近來盜賊繼起勢甚猖獗竟將防營新統制殺斃居民倉皇失措聞東撫楊運帥已派臬司星夜赴鄆查辦

山西 晉省平藩解絳一帶自二十六年後拳匪餘孽投入江湖等會劫案益多匪風愈熾白晝開堂敲票誘民勾匪奸淫搶殺莫敢告發晉撫張筱帥聞之即飭屬密拿迭獲首要三十餘人搜獲逆書當將情節尤重之楊渣彪等十七名正法派常備軍四旗一哨前往彈壓詎意省兵未到之先絳縣獲匪收禁而該處匪首童志修突於夜間糾黨劫獄搶庫拒傷兵役竄入南山旋經太原鎮派兵會同絳州知州入山搜捕獲犯八名批飭正法童志修潛竄豫境即電致豫撫懸賞購拿

河南 山西平陸兵變竄入豫境其頭目王勝武由盧氏熊耳山直趨南陽勾通伏牛山角子山等處刀匪南汝道朱觀

察現方移各營指名緝拿

安徽 泗洲近有外匪竄擾州境上塘集及交界之關山張山等處州尊余直收聞警飛派兵練堵緝得以先後獲住匪黨四名匪贖一頭號衣二件衣包二箇惟匪徒衆多所用者均係拐子快礮致被拒斃鄉練一名拒傷鄉練數名又被拒傷馬隊二名戰馬二匹該匪等現已竄往淮北徐州道轄境

江西 石城縣革生聞姓犯案暨禁某日其族衆糾集數百人絕城入署將該革生搶出隨逃出要犯二名槍斃家丁一名當由贛南道江觀察飛飭贛軍星夜馳往防守並由該縣李大令會同千總黃千戎州判黃別駕守備徐守戎會率營兵分路圍剿該黨見勢不敵遁往福建甯化縣地方隨將該村焚燬贛撫胡帥已電請閩督派營會剿

浙江 八月初旬巢湖幫匪竄入湖州雙林鎮勢甚猖獗省憲電檄姚副將會合水陸營隊並邀鄉團幫助馳往剿辦比及雙林匪已聞風他徙遂免鄉導躡追旋遇於萍連練市間之某村官軍掩襲攻擊匪亦拚死力圖接戰移時陳游擊忽中匪槍陣亡餘兵死者三人傷者四人陣斬匪首三級生獲一名即解回郡城正法是役匪亦受傷不少餘皆棄船上岸而逃

四川 川提馬軍門督率前敵各營進克大湖關後直搗奔寮木進逼巴塘匪勢窮蹙自焚丁林寺將盡殺漢商民人等各營適至俱獲保全遂將巴塘克復嗣即派各營進剿七村等處迭次戰勝馬汝賢生擒最要首逆格桑洛珠一名逆僧羅或卻本一名張鴻聲生擒丁林寺內管帳首逆喇嘛河江一名李克昌生擒番逆澤昌汪學一名又會同明正土司頭人在亞海貢生擒我害蘇司鐸之首逆番匪亡休硬不一名並搜獲蘇司鐸遺骸馬德在瑪呢熱山後擊斃首逆喇嘛在身畔搜獲鳳大臣珊瑚頂翠玉飾管并搜出敵員衣物多件云

軍事

四百二

十二月

廣東 龍川縣屬老隆地方會匪起事劫民戕官勢甚猖獗即據該處爲老巢河源縣與之毗連商民大懼即電稟省憲派兵往剿粵督岑雲帥檄飭中協帶勇赴援並電飭嘉應增城各營分路進兵陸提孫鎮軍聞報亦即派營前往助剿旋會同各路防軍直前進逼始將匪黨解散分竄四處云

廣西 右江匪會馬二前經龍觀察濟光督師追擊伏匿不見詎數月之後伺隙復逞糾黨數百竄擾羅城馬平思恩等處現經團紳聯名稟請龍總統派兵速剿龍道據報即派濟字後營專剿緝此股云 以上柳州

武緣縣三塘等處匪黨潛匿屢次捕剿均未廓清嗣經省憲檄調黃鎮忠立由賓州抽調營勇助剿旋將三塘首匪蘇貞松譚有才等八名緝獲復經馮令爾昌於三塘擒獲著匪駱特太等二十四名思防營幫辦張迺昌思防營幫辦蔣德萬會同何秀清一營於四塘拿獲首匪林日就等七名貴字右營莫榮新協同亭子圩楊圩團紳計擒首匪馬超羣馮修德等十名照字右營凌福邦在定羅都陽一帶搜獲著匪章元志李卜功等五名并陣割匪首章元飛首級一顆通共查獲各處著名首要悍匪五十四名云 上林縣匪目李十三最爲著要前羅城失陷時該匪率黨焚掠最酷嗣由官橋敗逃潛匿三防近因回至賓州道經上林途爲兵練擒獲匪目楊文貴亦在邊江界內搜拿均經李大令訊錄口供電稟撫憲云 以上羅城

賀縣土客各匪羣踞輔門圩勾連開建之匪整旗起事經楊大令偵知當派何哨弁統帶兵勇赴圩剿捕該匪二百餘人持槍出圩拒敵官軍奮擊傷匪多名并生擒梁平亨等六匪匪黨敗逃經兵勇追剿復將悍匪余亞金擊斃近仍分路追擊不稍鬆懈云 以上平樂

東省二月招撫之匪既降復叛勾結鬱林匪首蔡成記竄入興業占踞深塘鬱林州知州唐刺史督同王幫帶會率中前左三哨進剿匪徒登山拒敵官軍分兩路攻擊自巳至酉血戰竟日始將匪衆擊退陣斃悍匪無算生擒邱三羅十四兩

名並奪獲槍械箱物布疋起回被擄民人李徽琪李紹明兩名是日乘勝跟追三十里直至廣東勝屋地方始行收隊是役營勇受傷者十二名旋又會同銘字軍搜剿貓頭天堂等山竊獲梁大陳十二兩名又高大令親率兵練搜獲匪目羅大一名又王幫帶於石鼓嶺拿獲黨大夫及劉十八之女均交北流縣訊辦 陸川縣劉大令探知匪首蔡成記糾黨潛匿弔絲營地方即親率緝捕副營哨隊及兵團往剿蔡匪率黨拒敵接仗竟日傷匪無算立時陣斃匪首蔡成記匪目雷本勝等餘匪死拒不退直至四更大雨如注匪衆趁雨逃遁緝捕副營勇丁跟追并飭親兵營帶李哨弁由葵山包抄沿途追截均有斬獲 以上兩報

蒙古 政府因蒙古一帶警報時聞非得忠勇知兵大員分派勁旅駐紮不足以資鎮懾現已會商練兵處電調楊玉書軍門統統所帶六營移駐蒙古各要隘實力防守

日俄戰事紀要

中立彙誌

中國 上海拘留各俄艦現因日俄和議已成署江督周玉帥即電令江海關道袁觀察准其開駛回國所有起存軍火一律發還 外務部行文各省聲明從九月十九日起所有從前頒行嚴守中立條款一律撤銷 日軍前在法庫門所拘股大令鴻壽囚禁奉天已久近經趙將軍外務部屢與日本力爭日軍司令官始於日皇天長節之日將股大令釋回並將所有被押之人一律釋放

各國 英國帆船安梯屋在庫頁海股爲日人所獲又美船拔洛科他及森梯紐爾兩艘先後在庫頁島北面及津輕海

反抗和約

軍事

峽等處同爲日本拘捕又德輪卡魯古駛經對馬島東水道日本海軍因其有違禁例將其捕獲又瑞威輪船安夫拉因亦因違禁在西水道爲日軍捕獲 膠州拘禁各俄艦德國海軍省因日俄議和無庸再守中立已命德員一律解放 日俄議和消息傳至日本日民以約中各款所索不能如願大起反對特開國民大會議廢和約當道前往彈壓日民愈形憤激一時聚集數萬人立將國民新聞社拆毀並毀內務大臣官舍警兵與亂互有死傷嗣經政府辯明此次議和之不得已及內務大臣警親總監之引責辭職民氣始稍平靜

各國軍事紀要

韓國 韓國郵政電報歸日人管理後其全國軍務亦經日本男爵哈塞格華改良所擬之款韓皇近已決定照辦一世界各國全國軍隊所用之費不過國家歲入四分之一惟韓國用至三分之一韓國財政既困而軍費所需又多故應辦事務因此不舉無怪國內多亂韓政府不惜鉅款以養此種軍隊一旦有事又萬不足以禦外侮以有限之金養無用之士爲韓國計甚爲非策此次改良目的係圖長久治安欲圖長久治安必先裁減兵額擬全國祇留步隊八大隊分紮八省餘悉裁汰以節糜費二所有砲隊馬隊工程隊各軍均不必有惟爲將來計須造就各門士官人才擬組織馬砲工程各一中隊以資練習三保護皇宮之近衛兵應留兩大隊此項近衛隊之士官及兵士須擇其身體強壯熟諳軍事者四承平之際不必有輜重隊惟船隻馬匹平日宜預備完全一旦有事可於徵集軍隊時組織成之五凡老弱無能之士官及兵士概行革換另外補充六現在所有軍事參議部及軍事教育總監部一概裁撤

俄國 俄國革命黨人以自由主義傾覆政府爲目的共計二十一派各處均有布置以通聲氣其名稱如下一俄國社會民主工匠黨二社會革命黨三波蘭社會黨四猶太人工匠聯合黨五里哇尼亞及波蘭社會民主黨六波蘭平民社

會黨七里哇尼亞社會民主黨八里哇尼亞社會民主工匠聯合黨九里哇尼亞社會民主聯合黨十芬蘭工匠黨十一地方社會聯合黨十二地方革命聯合黨十三西俄國家社會革命聯合黨十四阿爾米尼亞社會民主工匠黨十五白黨大革命黨十六自由聯合俄國憲政黨十七波蘭國民同盟十八芬蘭活動委員會執行部即時十九阿爾米尼亞革命聯合黨二十高喀索 土爾斯高喀索 土爾斯喀斯密安 克利米亞聯合革命黨二十一回回教徒大同盟以上各黨自本年正月俄政府虐殺工黨騷亂以來頗為人民信仰故入該黨者愈多而陸海軍人之入該黨者亦頗不少俄國前次叛亂之海軍水兵一百三十名業已帶至黎巴聽審俄帝已降旨革去黑海艦隊海軍提督四員

土耳其 阿美尼亞人數名前因謀弑土皇未成今已被捕

荷蘭 荷屬西利勃斯島印度土人作亂荷官派軍往剿旋於巴租登岸土人抵抗甚力卒不能敵棄尸二百五十六具而逸荷軍死三人傷二十六人嗣於南罷尼地方復行攻擊土會多人一律投降首領賴變向北而遁

德國 德屬非洲東部土人肇亂德政府特調水兵一百五十名攜帶機械砲往剿并調駐泊中國海面之巡洋艦兩艘助之旋在克坡地方彼此激戰亂黨千餘均被德兵擊敗越河而遁 又德屬南非洲西境和屯脫特之亂德遣大將軍脫路薩往征土會維特布耳現被免脫惟於開特邁秀甫地方將其左右捕獲其餘護送土會之兵均被戮殺屠戮殆盡奪獲輜重軍火無算惟德兵雖獲勝仗死傷亦頗不少

希臘 居留島亂民與英俄兩國之兵在干地亞及烈梯模地方相戰英俄之兵稍受損害

阿根廷 南美洲阿根廷總統近被無君黨謀刺幸未及禍

軍
事



四百六

十二月

商 務 印 書 館 出 版
格 致 類 教 科 書

化學新教科書

洋裝一元二角
定價洋一元二角

近世化學進步新發明之實事公理甚多故中學教科大改舊時之面目雖同一材料而說明之方法
配置之次序迥異則全部科學頓改舊觀此猶近日歷史與舊日綱鑑之塗徑殊別無所異也此書為
日本吉田氏原著以普通教科包涵新理而序述清晰使人易解記載精確不稍含混蓋作者曾在歐
洲觀察其教科程度及工業之盛況歸著此書誘掖後進使與新學之進步相隨俾不至後於時勢本
館延請中日通人譯述此書參校數次費時年餘再由杜亞泉先生彙集而成其間詞句名目折衷舊
譯參以新義明晰精當非率爾操觚之比今精印出版庶於我國科學界中得効填流之助乎

中 學 用 學

植 物 學

中國地處溫帶海岸延長山嶺橫互植物種類不可勝數若
分別科屬記錄性質以成專科則其便利於國民生活計裨益
於世界學術者當必不少且藉花草玩賞研究足以活潑
性情培養道德故不特學堂訓練生徒宜視為重要之科目
即居家執業之人藉此修養亦可得學問中之真樂此書為
日本三好氏原著體例完備圖解詳明杜君精心逐譯並參
考他書以增補之世之有志學術者展卷讀之自能增益智
慧鼓勵興趣也
洋裝一冊定價洋一元



鑛 物 學

每部三本洋價六角

鑛業與國計關係甚大鑛物一學重要固不待言即就其學科之旨趣論之登山涉水搜
羅一石一土之微細亦足令人益奮精神今者科學已傳內地學子有舍舊謀新之意與其
託業於舊下堪輿之雜費數年之力為無實之學何如研究此科大之而有益於國小之
而有利於身之一舉而兩得乎是書分總論各論二卷總論為鑛物形學鑛物質學鑛物
化學三部各論就各種鑛物一一詳其品質形性未附識別治鍊之法及地質巖石之大
略由杜亞泉先生搜輯中日各書而成搜羅宏富宜於自修並適於中學堂教科之用

商務印書館出版
格致類教科書

最新中學教科書

地質學

每部
一册

定價
一元二角

地質學所以詳地體之天演而明地面成毀之原因是書為美人賴康忒所著係該國通行善本兩譯之以備中學教科之需全書大別為三曰地質變遷曰地質結構曰地質歷史兼採精詳譯筆雅潔印刷鮮明裝訂華美全書插圖三百餘幅誠地質學中之巨著也

地文學

地文學所以明地面已然之變態其於人類關係視地質為尤切是編於海陸之推爐氣候之變更江河之剝蝕山嶺之鏤琢潮流之消長洲渚之伸漲火山之噴發物產之分佈論之尤詳全書六卷發端一卷取材豐富修辭明達不特可為學堂課本且便於自修之需書中插圖一百五十餘幅另附彩色圖十三幅精緻美麗光彩照人

全書一册
定價大洋

動物學

全書
一册

定價
八角

動物學之於工業農業漁業森林業醫術衛生等事至大吾國於以上諸業均無進步殆由於研究動物學者之少也近人知之漸有習者本館特延名手譯訂是編以應學界之需全書按動物之分類列為八章條理清晰便於講授精審詳備理明詞達而於動物進化之理尤三致意附圖二百幅鑲刻鮮明得未曾有卷末附有中西合璧名目表尤便檢閱

外交

論日俄議和後之中國外交 錄乙巳十月初八日時報

中國之外交。向爲受動者。而非主動者。本報論之夙矣。自日俄開戰後。中國宣告中立。儉安者年餘。日俄兩國之決死奮心。歐美列強之布置運動。吾國均若熟視無覩。一不爲之研究。預備。及和議告成。東三省問題。莽然而起。而日俄兩國補牢之策。善後之方。又無不視中國。爲樞紐。而列強之沈幾觀變者。亦乘此機會。蹶然並興。故此數月中。交涉之繁。較之數月以前。逾越數倍。此其勢所必至。昔日早已知之。特悠悠者不察耳。外交之趨勢。旣已如此。旣往不咎。此後之事。全賴主持外交者。因應咸宜。尙可補救萬一。不知樞府諸公。其果胸有成竹。否耶。竊謂欲求目下因應之方。當先明晰列強外交之策。中國今日所處之地位。實足使全世界外交之策。視之爲轉移。當日俄未議和以前。終局之勝負未決也。然列強之意。已知結局。必日勝而俄負。故各就其在東方之地位。以定後此政策之最宜。而一面籌備將來之事。故自開戰迄今。一年有餘。除英入藏地外。餘皆不動聲色。蓋將有待而後發也。逮日俄議和之始。列強布置早定。復本其所執之政策。陰以操縱其間。雖以日勢之張。而和約未能滿意。

外交

一百十五

乙巳

蓋未嘗不稍受列強之阻抑。然則列強之爲此。果何意耶。蓋不外爲己之地步而已。故和議定後。列強對於中國交涉。遂以日多。今就其大者而言。法之謀廣西路礦也。英之築九廣鐵路也。德之持津鎮鐵路也。美之擴東三省商務也。皆近日所發見之事。其必非適然相遇可知。然則一年來列強所經營籌畫。皆將於此實行。我國將何以待之耶。比來英俄德法聯盟之說。紛騰於世。無論果確與否。而英日同盟。業已發表。列強軍事外交之處置。亦大有改移。揆其目的。非爲我中國而何。人方一心併力以圖我。而我乃冥然罔覺。人之勢衆。我之勢孤。人之力雄。我之力弱。人之謀深。我之謀淺。人籌之久。遠。我應之倉猝。人考之透澈。我知之模糊。其險象。詎可思議。今日之局。能藉列強牽制之勢。自爲主動。以保和平者。上也。因應有方。不致啟人效尤。遂入狡謀者。次也。若束手無策。仍前者敷衍搪塞之故智。列強將直情徑行。不復能顧其後。則下之者矣。吾不知吾國果將出於何策。竊敢就列國對於中國之政策。推測言之。以爲辦外交者之資料焉。

一 日本 中國今日最要之交涉。惟日俄而已。蓋日俄爲中國而戰。戰事既畢。孰勝孰負。皆必有與中國交涉之事。此無可逃者。今日本勝矣。和約之文。半有關於中國。最大者如東清鐵路。撤兵日期。旅大租借。皆非一時可以決定者。此猶就事實言之也。若按情勢而言。則其

聞恐有他國指揮。巧施掉圖之術。使中國與日本。互啟猜忌。日本既不得悉償所願。而中國亦無所利於其間。爲中國計。殊爲不值。夫今日中日之交涉。在東三省而已。彼既以名義歸之中國。則我惟有從速練兵。整頓內治。以期回復實權。若旅大之租借。著於約文。我已無可却之。則宜依俄約之式。再行轉租。俟約期滿後。預備收回。又撤兵之期。彼既已允減十八閱月。爲十二閱月。如能再減。則計之上也。如不能再減。我惟有與之堅約。勿食前言。至東清鐵路。若欲贖還。亦未始非計。惟其事不應聽他人之指使。且東清鐵道。本道勝銀行所經營。該行名爲華俄合開。將來贖回時。難保不再生轉讓。故今日此路贖亦可不贖。亦可我欲贖。日又允贖。則籌款可耳。無關外交。要著也。是知所陳三事。處置尙非甚難。惟恐政府未能堅持定見。以生心害政耳。

一俄 俄之交涉。則比日爲難。俄敗於日。其欲徵償於我者勢也。故當俄之屢戰屢敗。已有意窺伺蒙古。及和約開議。而恰克圖以北。已駐重兵。復力謀京張鐵路之敷設權。而要求於恰克圖至庫倫一帶之特別利益。西北之地。如伊犁。如塔爾巴哈臺。又復遣兵游弋。且藉口於匪亂。逼近邊疆。夫中國之鄰邦。交界以俄爲最長。外交以俄爲最詭。前事已矣。此後折衝之計。端賴羣賢。但傳聞 宮廷之間。與俄誼仍頗親。夫今之駐使維忒之徒也。維忒素持和

平併吞之策。謂可以賄路而得人。我國前此與俄密誼。外人頗多疑詞。比者目覩東三省之釁端。創鉅痛深。應不至再蹈前轍。惟俄人工於行術。或巧構形似以博信倚。亦未可知。然則東隅之收。俄之奢望固未有已也。且俄於東三省。仍得以兵保護鐵路。將來伸其權力。以達蒙古。固意中事。是俄不得於東北。則得於西北。必有一當而後已。我政府稍一不慎。必墮其術中。且窺近日情形。德與法頗有助俄之意。雖其事不外自利。然俄人借此。又可壯其聲援。連雞並棲。困獸猶鬪。甚可慮也。今日與俄交涉。第一當明其利害。然後可籌應付之法。其強硬不必懼。其陰柔所宜防。如界約。如礦務。皆表面之事也。如經商。如布教。皆潛植勢力之事也。吾當先圖其表面之事。然後徐及其他。此殆非有實力以盾其後不可。是在當軸之善於處置矣。

一英 英藏交涉。磋商年餘。仍無要領。觀英人堅持之狀。恐未必能就範圍。且英日同盟之約。於保全印度。不遺餘力。則爲印度屏蔽之西藏。又豈肯遽爾放手。此中英交涉之一也。其次爲鐵路問題。九廣鐵路。堅欲歸英承辦。法人又起而爭之。現聞香港政府。已籌定的款三百萬元。以供築路之用。而岑雲帥力持未許。粵漢鐵路。經張香帥借英款以贖路。遂訂借款。先儘英人。工程師用借款國人過半之約。而湘粵人士。方在力爭。杭甬鐵路。因浙人主持自

辦。又將次廢約。甯滬鐵路。又有減輕借款之議。此數者皆鐵路之交涉也。英人就軍事上計。畫頗有舍去威海衛之說。中國久欲得回該地。以備重興海軍。前者因英未允從。故遂擱置。茲者不久恐將提議矣。以上數者。或正在交涉。或事尙未來。然皆非輕率所能從事。中英近日本無芥蒂。然窺英人意。頗不以前者之遠東政策爲然。欲易慎重而爲勇進。故經營各事。有著者爭先之概。且前此英德之於中部。英法之於南方。英俄之於西域。皆頗有互相掣縛之患。頃者德已宣言揚子江流域爲英人勢力範圍。英法親交。又迴逾恆。兩粵雲南固已默認疆界。而俄人又以甘言餌英。謂亞洲地方甚大。足容兩國回旋。其於藏事。大約亦無異說。然則今日英之於我。正縱轡乘風之日。其外交之優勝。當無待言。而自中國觀之。則交涉之繁難。必百倍於往昔。斯又當軸所爲之盱食而不遑者也。

一美 美自麥荊來後。由孟祿主義。一變而爲帝國主義。其對於遠東也。一面厚集軍備。一面擴張商場。魯司華爾又日詔其民。謂太平洋之霸權。應歸合衆國掌握。勉以拓殖威力爲務。故中國之事。美之向寂然冷然者。今亦插足其間。且常爲先登之幟。前者以開通東三省商業爲俄所阻。乃魯司華爾堅忍不懈。乘日俄之欲罷戰身自出。爲調人而乘機冀償所願。日人以勸和之誼。蓋已默許之矣。而美人方擬練五十萬之常備兵。增五萬噸之戰艦。而關

北美之奧林比亞爲軍港。其志向果何在乎。故後起之雄而與英俄德法日並驅中國者。必此十三州之衆也。今者雖未有何交涉條件。然華工禁約一事。實爲吾人生命財產所關。我全國上下同心抵制。而彼初未爲之稍動。頃者魯司華爾方謂我之不用美貨。決不足以挾制。其輕視我爲何如者。乃風傳改約之事。我政府初未嘗向彼提議。夫以我政府尙且如此。獨何怪夫美人。然則所謂外交者。必他人有事要求。我從而應之。否則默不一動耶。亦太可怪也已。

一法 法德與中國之交涉。可謂鳴鉦建鼓。爲天下先矣。以是與中國感情亦殊薄。法之太交涉。自甲申越南之失。以迄丙申之租廣州灣。其間權力擴張。亦已不尠。蓋自與德意志干涉暹羅。藉以示德於中國。而要求之事。乃疊起矣。然其勢力圍於一隅。且其根據越南。軍備尙薄弱。自日勝俄後。深懼日人攻擊其地。故汲汲增植其勢力。一欲由廣州灣。以暨瓊雷。一欲由越南。以控廣西雲南。前者已要求駐兵龍州。設民政廳於雲南矣。又謀建廣州灣達廣州鐵道矣。頃又要求中法合辦廣西全省路礦。謠言風聽。日必多端。法其果有是歟。以意測之。法既與英親南方。可無顧慮。則乘此機會。出其全力。爲得寸進尺之謀。亦意中事耳。至於內地之事。則有謀攬內河航路權者。謀投資本以辦礦者。謀以國力干涉教會學堂者。莫非

其政策所見端。所恨中國既未能先事預防。又未能力圖抵制。政府毫無宗旨。無從辨別。遂幾聽客所爲。又安怪人之要挾我乎。

一德。德於中國。其根據似足與英日抗。英之香港南都而商力兵力。增進之速。則又勝之。新造之邦。誠不可與爭鋒。然發軔之初。則在還遼一役耳。茲者聞又有運動中國。處置東三省之事。恐前此政策不免復見於今。夫德乘日俄相爭。汲汲在山東。樹其威權。其成效業已大著。頃若又示德於我。則中國之地。有幾山東可以報酬。比者津鎮鐵路之約。方在固爭。若其事得成。則南北之血脈。尙未能十分聯貫。否則縱橫馳驟。燕吳不足當其一映也。德近頗與俄親。雖屬舊交。然其事似宜注意。蓋俄有席捲蒙古。以逼燕都之意。而德之地位。亦恰足以制燕。兵法攻心。不無可慮。一俄已足以制我死命。又況增以一德。倘俄德相提攜。則燕都逼於釜底矣。竊願當軸者。謹其消息。勿受甘言。一舉一動。皆宜詳慎。至津鎮路約。則必以廢去爲止。庶先阻其南下之勢。中日之交涉。亦由中日自定之。勿藉寇兵。以剗心腹。則失著猶不至太甚矣。

以上六國。舉其關涉重要者而言。蓋中國之運命。幾操於六國之手。而今日之交涉。又爲六國向背之機。興廢存亡。間不容髮。不得不鄭重詳晰言之也。近來百廢更新。似乎皆有進步。

外來

一百二十一

乙巳

惟外交政策與其方法。尙茫昧如故。因循如故。機關既不整理。條教亦少更張。而外交之人。才尤形缺乏。如此而欲爭勝於繁會之衝。自存於競爭之際。亦安可得。此則涉筆冥想。輒覺倥偬者也。數月來所辦交涉。惟粵漢鐵路事。差強人意。京張鐵路事。亦差強人意。其他則無可言。吾嘗細測之。知當軸諸公。於一事之來。未嘗不定一宗旨。而從無能達此宗旨之辦法。此非特才力有以限之。亦其辦事之方向多謬誤。故牽連相引。而不能改也。觀本報前者論內政外交失敗之原因。可以明其故矣。

論我國與日俄兩國之交涉 錄乙巳十月十五日時報

日俄和議既終。日本特派小村壽太郎爲專使。提議滿洲事宜。俄使亦議改恰克圖條約。要求四事。蓋日俄之役。兩戰國皆蒙不貲之損失。俄不能取償於日日。亦不能責償於俄也。於是急起直追。皆求償於居間之中立國。

日本戰勝之國也。燿俄人東來之艦隊。屢戰屢捷。大蹶俄師。俄人一敗塗地。俯首受成。日挾戰勝之威。宜若無求不得。然卒忍氣吞聲。盡失戰勝者之權利。而訂此屈辱條約。何哉。日雖屢勝。挫俄人東出之勢力。然未足制俄人之死命也。且日俄一役。實爲黃白人種之戰爭。白人動於同種之感情。側目而視。俄師一蹶。而黃禍之聲。已囂然於歐人之口。日本新造之國。

氣。懾。中。餒。威。第。復。以。兔。起。鶻。落。之。勢。揮。其。雄。敏。之。外。交。手。腕。和。議。甫。開。日。本。遂。知。難。而。退。至。使。舉。國。譁。駭。引。為。彌。天。之。恥。辱。拍。司。謀。夫。之。條。約。俄。人。固。不。啻。反。敗。為。勝。矣。然。日。人。挾。十。年。之。積。忿。為。孤。注。之。一。擲。累。歲。苦。戰。甯。肯。垂。囊。而。歸。哉。日。人。之。意。以。為。我。所。爭。者。東。方。之。權。利。耳。俄。人。雖。敗。國。力。尙。強。與。其。賁。賠。償。於。尙。強。之。俄。人。曷。若。取。權。利。於。積。弱。之。中。國。且。日。俄。之。戰。起。於。滿。洲。撤。兵。之。問。題。滿。洲。撤。兵。固。中。國。之。事。也。我。既。代。中。國。任。其。戰。爭。中。國。自。當。酬。我。以。相。當。之。權。利。藉。仗。義。為。口。實。挾。戰。勝。之。餘。威。以。要。積。弱。之。中。國。亦。復。何。求。不。得。向。雖。失。之。於。俄。今。可。取。償。於。中。此。日。人。議。和。之。頃。計。已。先。定。者。也。小。村。之。來。固。將。求。所。大。欲。以。償。前。辱。之。責。以。自。解。於。國。人。司。馬。昭。之。心。路。人。皆。知。此。又。我。國。人。所。共。見。而。不。能。少。諱。者。也。且。夫。事。變。之。來。也。固。非。一。朝。突。起。倉。卒。而。迫。吾。前。也。其。事。之。見。端。肇。於。數。年。或。數。十。年。之。先。蜿。蜒。起。伏。而。後。形。成。事。變。外。交。之。能。者。高。瞻。遠。矚。先。事。代。謀。方。其。肇。端。之。初。即。為。曲。備。周。防。以。待。事。機。之。至。必。待。事。迫。眉。睫。始。倉。黃。強。起。而。應。之。雖。竭。力。抗。爭。而。補。救。亦。寡。日。俄。之。觀。我。滿。洲。久。矣。甲。午。而。後。我。政。府。誤。於。親。俄。主。義。引。虎。自。衛。任。俄。人。之。踞。奪。滿。洲。而。付。之。不。觀。不。聞。此。著。一。誤。大。錯。已。成。日。人。與。俄。勢。不。並。立。且。憤。且。妬。警。我。防。俄。彼。其。時。日。人。尙。出。於。忠。告。非。必。果。有。野。心。也。乃。勸。我。拒。俄。而。我。不。能。從。聳。我。戰。俄。而。我。不。敢。動。日。人。乃。亟。自。為。計。而。我。尙。安。坐。

外一覽

一百二十三

乙巳

無。勸。聽。日。人。之。越。俎。代。庖。是。再。誤。也。事。機。屢。誤。即。使。能。於。日。俄。方。戰。之。時。亟。籌。滿。洲。善。後。之。計。固。已。未。必。果。能。得。當。乃。尙。袖。手。安。待。日。作。還。地。之。夢。想。夫。旅。順。陷。落。以。來。彼。國。人。士。日。謀。處。分。滿。洲。之。策。明。日。張。膽。昌。言。而。曾。不。少。諱。其。視。滿。洲。直。不。啻。囊。中。之。物。矣。乃。我。坐。待。日。使。之。來。始。謀。應。付。之。策。肉。入。虎。口。而。思。奪。之。安。見。其。能。挽。回。於。萬。一。也。雖。然。往。事。已。矣。乃。者。日。使。既。來。吾。豈。更。能。坐。任。其。求。索。且。彼。既。與。我。爲。名。義。之。交。涉。吾。當。預。籌。補。救。之。良。謀。補。救。奈。何。日。人。前。有。不。利。土。地。之。宣。言。今。復。與。我。開。正。式。之。談。判。日。人。之。政。策。固。一。陽。還。陰。取。之。政。策。也。彼。之。奪。我。滿。洲。也。固。將。棄。名。而。取。實。我。之。對。彼。抗。爭。也。必。當。後。名。而。先。實。夫。日。人。糜。億。兆。之。金。錢。擲。千。萬。之。生。命。將。以。求。此。實。權。甯。肯。奉。以。還。我。且。外。交。之。術。固。有。避。重。就。輕。以。退。爲。進。者。矣。彼。之。提。議。者。不。一。事。彼。之。要。求。者。不。一。端。我。擇。其。利。益。之。較。輕。損。害。之。較。小。者。亟。允。數。端。以。餌。之。然。後。注。集。全。力。抵。死。抗。拒。以。力。爭。重。大。之。主。權。日。俄。和。議。威。第。固。循。用。此。術。以。訂。優。勝。之。條。約。矣。俄。人。一。蹶。不。振。幾。如。城。下。之。盟。猶。能。以。靈。敏。之。外。交。力。保。權。利。豈。我。中。立。之。國。反。不。能。之。外。交。之。道。機。詐。百。出。運。用。之。妙。存。乎。一。心。此。則。視。當。局。之。相。機。應。變。而。非。局。外。者。所。能。橫。參。末。議。者。也。

俄。人。之。覷。我。滿。洲。也。十。數。年。於。茲。矣。藉。還。遼。之。德。而。租。我。旅。順。大。連。乘。庚。子。之。亂。而。踞。我。滿。

洲全部置戍設官。視爲已有。汲汲經營。不遺餘力。不及十年。遂舉萬里之膏腴。悉置之勢力範圍之下。屯十數萬之重兵。築數千里之鐵路。俄人之心。自以爲金城千里。子孫萬世不拔之基也。然而一戰。敗績日人。盡拔其數十年深植之勢力。摧陷而廓清之。俄人南下之勢。爲之一挫。然斯拉夫民族。堅悍之性質。固非一挫而遂沮者也。彼奉遺傳之祖訓。以侵略爲惟一之國是。在歐既扼於英。折而求出於亞。今滿洲之路。又爲日人所斷絕矣。東不得逞。又欲肆其西封。無端而議改恰克圖舊約。無端而以四事要求。夫彼所要求者。曰重劃地界也。讓與路礦專權也。許其置兵屯戍也。允其商隊通行也。昔崇厚以非才奉使。受俄人之給。不崇朝而割數千里之地。以與俄人。復爲劃界之請。固將藉此以肆其攘奪。然吾西北邊界。久已曖昧模糊。與其隱爲他人所侵。攘積久愈。不可究詰。孰與及今釐正。猶得劃疆爲守。以爲自固。吾固之謀。故苟妙選諳熟邊界之人。審慎從事。則劃界固非必不可行之事。若夫專於路權。置兵屯守。商隊通行。則固曩者俄人侵略滿洲之政策也。一用之滿洲。而滿洲已矣。今又師其故技。求再用之蒙古。是直以蒙古爲第二之滿洲也。俄人以十餘年經營之力。一旦盡爲日人所奪。不亟取之於我。又將何所取償。然吾向者墮俄術中。隱忍將就以徇俄人之請。遂釀成十年來險亂之交涉。而東三省卒非我有。今俄人復以此術進矣。我不嚴詞拒

外交

一百二十五

乙巳

絕。峻。却。其。請。是。不。特。蒙。古。全。部。將。爲。哥。薩。克。兵。牧。馬。之。場。也。極。東。大。陸。久。爲。列。強。競。爭。之。劇。場。日。言。平。權。日。言。均。勢。一。人。染。指。萬。手。交。攪。故。日。縣。琉。球。而。安。南。緬。甸。朝。鮮。相。繼。淪。逝。德。據。膠。州。而。旅。順。大。連。威。海。廣。州。灣。相。繼。租。借。英。窺。西。藏。而。俄。師。至。俄。入。滿。洲。而。日。釁。開。前。事。不。忘。後。事。之。師。俄。人。之。要。求。苟。遂。吾。恐。列。強。之。競。爭。而。來。者。我。政。府。無。以。徧。鑿。其。欲。也。夫。俄。人。突。然。爲。此。無。理。之。要。求。吾。不。患。無。詞。以。拒。其。請。俄。人。新。敗。之。後。內。亂。方。熾。亦。未。必。遽。以。向。者。要。踞。滿。洲。之。舉。動。爲。強。硬。之。要。求。然。俄。人。之。外。交。行。以。強。橫。之。手。段。而。又。濟。以。和。柔。之。政。策。者。也。彼。方。爲。無。理。之。強。求。苟。能。嚴。拒。而。堅。持。之。彼。知。計。不。得。行。則。不。憚。斂。手。退。讓。而。別。爲。他。種。之。運。動。利。啗。計。誘。易。一。途。以。申。前。請。人。進。彼。退。人。退。彼。進。堅。忍。不。舍。積。數。年。乃。至。數。十。年。必。求。達。其。目。的。滿。洲。之。已。事。亦。既。大。畧。可。覩。矣。今。我。即。能。堅。却。其。請。然。苟。非。亟。圖。振。興。以。善。其。後。吾。恐。俄。人。不。能。豪。奪。者。將。爲。巧。取。不。及。五。稔。靈。鷲。之。旗。將。仍。飛。揚。於。蒙。古。也。吾。不。慮。諸。公。受。俄。人。之。脅。吾。深。慮。他。日。受。俄。人。之。給。也。

嗚呼。日。人。之。要。求。將。以。償。失。之。於。俄。者。也。俄。人。之。要。求。則。又。以。償。失。之。於。日。者。也。日。失。則。取。償。於。我。俄。失。又。取。償。於。我。我。國。雖。大。權。地。有。幾。而。能。爲。他。國。償。無。窮。之。損。失。哉。雖。然。物。必。先。腐。也。而。後。蟲。生。之。我。不。自。有。其。土。地。而。後。人。乃。觀。吾。土。地。我。不。自。有。其。利。權。而。後。人。乃。侵。吾。

利。權。我。既。自。放。棄。之。矣。則。無。主。之。物。人。人。皆。得。而。取。攜。甯。必。尙。待。吾。之。允。諾。吾。不。及。今。修。廢。起。墜。修。明。內。政。將。一。日。俄。去。一。日。俄。來。吾。方。爭。之。於。紙。舌。之。間。而。人。已。置。之。囊。囊。之。內。矣。一。摘。使。瓜。好。再。摘。使。瓜。稀。三。摘。猶。自。可。四。摘。抱。蔓。歸。滿。洲。之。事。一。摘。再。摘。矣。誦。黃。臺。種。瓜。之。辭。我。政。府。其。勿。三。摘。四。摘。也。

英日續訂盟約大綱

此約宗旨乃在保全東亞與印度之和平並保持中國之自主及領土完全與夫開放門戶之政策以期保護各國在中國之權利又須保持英日兩國在東亞與印度之土地並保全在該處彼此特別之利益 第一款 兩國政府無論何時如遇有損權利之事必須將其實事彼此相告以便會同設法以保持之 第二款 無論何處無論一國或數國忽出而行政攻擊與侵占之舉以致立約之一國出而開戰以保其土地以及利權者則他立約之國須立即出而助其聯盟之國一同經營戰事並訂立和約 第三款 日本在韓得有最大政治軍政財政之權英國明認日本可任便設法保護韓國但所用之法不得與一律同享商務利益之本旨有所違背 第四款 日本明認英國在英國之印度邊界可任便設法保護印度屬土 第五款 兩國允認如有立約之一國未與立約之國商議不得與他國

外交

一百二十七

乙巳

另立約款以損大綱所載之目的 第六款 日俄如有戰事英國應允嚴守中立設又有一國出而攻擊則英國允助日本 第七款 若需以軍力幫助則其章程若何由彼此兩國之海陸軍官員商議彼此兩國官員又須常相商議 第八款 此約施行日期以十年爲限但在一年以前互相關照即可告止

中外交涉彙誌

各國 上海洋涇浜章程凡租界內中國衙署均劃歸華官自主與工部局無涉近虹口捕房忽派印捕看守會審公廳經江海關道袁觀察援例力爭各領事謂公廨道契存在英署故工部局有權管轄袁觀察因飭會審委員查明廨地畝分及註冊號數照請英領事將該道契查出送道批給以免轉轄而各領事仍未應允且易印捕爲西捕照舊看守領事領事又復照會聲明改派綠由謂係領事公會所議定予該捕以特權在會審署巡查發落等事及發落後釋放人犯情形倘有不合之處該捕可報知原會審西官并應於每七日將所查情形稟報領事公會一次等語後該員關司馬以事關重大復稟請袁觀察照會領事竭力爭辦略謂中國雖無治理外人之權而自治之權固爲各國所公認會審係中國衙門應由華官自主至謂有領事到廨會審即應歸領事公會節制則捕房辦理華案西牢收押華人亦均應歸華官節制倘不將捕撤回公廨亦將派差前往各捕房及西牢日夜梭巡以相抵制云

中英 印度人四大開門司前在山東肥城縣槍斃船夥沈合成一案經該縣王大令實瑜申解人證案件至烟臺由東海關道何觀察會同駐烟英領事審訊嗣因犯供狡展未能定實特派翻譯陳君賢勝委員陳君敬堯帶同人證赴滬交英按察司復訊惟該犯終無確供英官且以該犯爲無罪擬即釋放事爲何觀察所聞乃電請江海關道延致律師據理

力爭務使水落石出以重人命

中俄 中俄兩國昔於雍正五年間即西歷一千七百二十七年訂定恰克圖條約計約文爲十一條內含通商傳教處置罪犯各事而最重要者實爲定界一事故此約亦可專稱界約中所定之界東自額爾古納河起西至河濱達巴哈止袤延三千餘里分屬東三省及蒙古車臣汗土謝圖汗三音諾顏三部以迄唐努烏梁海包括中國北境之大半俄人今擬改訂已開談判其所要求者四事一舊約所載兩國境界宜派委員重定二喀爾喀蘇古額及布爾古特間之交界地於俄國所屬之要地內請中國許其駐紮兵隊三請中國允認俄國於蒙古各部部落有布設鐵路採掘礦產之權四俄之通商地內請中國承認俄國得編制商隊以資保護

中德 中政府要求德國撤退山東高密縣境及膠州駐兵一事茲聞已由東撫楊道帥與德國駐膠州總督議定條約三款如下一高密之德兵於簽約後六箇月膠州之德兵於西歷一千九百零六年一月即光緒三十一年十二月均開往青島即以華兵任各該地守備之責二高密之德國兵舍由中國購回作爲中德語學校三所撤之兵應調回本國中義 直督袁慰帥因駐津義領事辦理各事頗不滿意如強令居住義界華人盡行遷徙及相庇義商在不通商口岸設立飯館經華官力阻始允飭該商回津仍欲令華官償其搬運什物之費又有某義人因犯案判定監禁四十五日尙未滿期忽欲強行釋放等事雖經華官力爭遂案了結而該領事剛復自用實屬有礙邦交故已咨請外務部照會駐華義使將其撤換

中美 上海淞滬鐵路火車坐位不分中西故洋兵滋鬧之事時有所聞前復且公學教員李君登輝等由滬搭二等車赴滬突有美兵數十人續登見有華人驅令出車李君等即操英語與之理論美兵竟用武力將李等手杖折斷強驅下車後經李君請美領事署陳明並指認最爲恃蠻之兵係美國兌爾滅魚雷艇之惠爾生請究美領事允爲知照兵官查辦李君等復電達江督請外務部照會美使約束並定洋兵登岸乘車章程以安地方而重路政 數月前有美兵艦二艘行經安徽東流縣之賽角地方停泊後該艦提督等即乘小艇往對岸望江縣之四號鄉登陸打獵艦長某放槍誤傷鄉婦程馮氏頭部三處及聞聲往視而鄉民已聚集甚多後艦長雖允代爲醫治而所派軍醫並未將額下槍子取出即

外交

一百二十九

乙巳

欲告去鄉民情急幸苦留致觸美兵之怒又放銃彈復傷該氏之夫弟程輔弼及其親申曹金狗兩人即各回船開輪赴省該提督以槍枝被扣函請洋務局懲治鄉民復派員進謁院撫請為查辦嗣經洋務局委李令振遠會同望江縣勘待實情遂將受傷三人及槍枝一并帶省由洋務局馮觀察至美艦與該提督交涉該提督允即函託同仁醫院理醫士小心醫治並允優予郵款函請駐滬美總領事轉交該艦統帶官照數送給然後始將槍枝送還取具收條辦結了事

各國交涉彙誌

日韓 日俄條約關於韓國者甚多故日政府特派伊藤侯為赴韓專使其隨員為樞密院書記官長都築馨六陸軍少將村田惇侍從武官陸軍少將井上良智帝室制度調查局秘書古谷久綱貴族院議員男爵高崎安彥赤十字社醫員小山善等此外又有池田警部高島築山等數人其使韓期約在一月云

英法 英外部大臣藍斯唐侯爵近致函德京謂英政府現雖未與法國訂約聯盟然一旦德人肇衅致起德法兵端則我英廷決計幫助法人以維公道云

德荷 荷蘭祖德黨會員幾瓦斯男爵已被派為駐柏林之荷蘭使臣

塞土 土耳其近與塞爾維亞國因邊界事齟齬塞國已下哀的美敦書要索土耳其須撤退官權向之賠禮並議賠款否則必將報復云按塞國原為土耳其屬國西歷一千八百二十九年始離土耳其而自立有居民二百萬名倘遇戰事可調集兵士三十三萬一千名云

法委 法國近與委內瑞拉國交誼甚淡委總統客斯脫魯因法人不照合同辦事故將法人之電綫封閉法國參贊脫納甚欲商議此事惟客斯脫魯總統意甚倨傲

商務印書館出版
格致類教科書

廣東新會伍允光編

物理學教科書

中華學師範學堂用

伍昭展先生為侯官嚴又陵先生入室弟子留學英國格林尼次海軍學校既畢業復入英倫大學校研究專門物理有年歸國之後疊任北洋水師學堂教習南洋公學提調商部上海高等實業學堂教務長

熱學	一冊	七角	氣學	現印
力學	一冊	一元	水學	現印
磁學	一冊	四角	聲學	現印
靜電學	一冊	六角	光學	現印
動電學	現印			

賞慨中國國力之絀由於物理學之不明因殫竭兩年心力著為是書以惠後學其材料之富理法之新就目前論之實可謂登峰造極每種均插印精圖自數十幅至一二百幅不等誠不愧理科之大著作也

商 務 印 書 館 出 版
格 致 類 教 科 書

最 新 中 學 生 理 學 教 科 書

洋 裝 布 面 每 冊 售 價 大 洋 一 元

奏定中學堂章程第四年課程均
有生理學一門本館
究得美國
史氏爾新
著原本淺
顯易明切
於實用條
目清晰圖
畫精良特
備名詞手
為漢文詞
達理舉難
初學者讀
之亦能了
解無遺全
書二百七
十餘頁共
附圖八十
五幅內着
色三幅
尤為精妙

最 新 中 學 物 理 學 教 科 書

英儒巴克爾謂進化之
功藝學居十之九而政
教之力不與旨哉是言
今欲開吾國民智非人
人稱通格致之理斷無
實益是書為美國最新
教科之本本館特聘專
研格致之謝洪寶先生
譯為漢文理明辭達得
未曾有全書共五百餘
葉為圖四百八十有八
誠格致書中之大觀也

洋 裝 布 面 每 部 一
冊 售 價 大 洋 二 元

初 等 物 理

每 冊 大 洋 二 角
是書為高等小學堂
初等師範學校及講
習科之教科書又中
學師範學校之程度
稍低者亦適用之共
分八編一力學二液
質學三氣質學四聲
學五熱學六光學七
磁學八電學提綱挈
領一覽瞭然最便初
學至於各種實驗悉
取其有意趣而易試
者更佐以精圖百餘
幅尤為明顯

學 教 科 書

教育

論停科舉後宜專辦小學 錄乙巳九月初三日時報

向者興學之士。固莫不仰屋而嗟曰。無經費。無經費。今科舉廢矣。向者挾其經費。以與學堂爲敵者。今且折而盡入於學堂。一入之間。而向者日覺其不足。今乃反覺其有餘。美國大富豪有言曰。無財而生財。固難。有財而用財。亦難。此誠今日教育界一大問題矣。

曷言乎挾其經費。以與學堂爲敵也。以言乎官職。則有禮部總裁。主考。學政。房官。教官。諸名號。以言乎功令。則有會試。鄉試。科試。歲試。諸大典。廉俸也。報銷也。幕友之束脩。吏役之侵蝕。不可謂不鉅也。外若學有田。廩有糧。推而至於覆試之酒席。中秋之月餅。尤其小焉者也。是爲經費一大宗。

美哉吾國養士之法乎。各行省各府州縣。類皆有所謂書院。書院之中。有田產。有房產。有膏火。有獎賞。諸生寢饋於其中。山長養老於其中。董事寄生於其中。不可謂不腴矣。不幸而有改學堂之說。然而改者爲少數。不改者爲中數。似改而實非改者爲大多數。今者明詔煌煌。正此輩一網打盡之日也。是又爲經費一大宗。

吾國風俗。類多與他國相反。即以試驗言之。他國學生之試驗也。須出試驗費若干。吾國學生之試驗也。則反給以試驗費若干。如賓興費是也。今者吾國既仿行西制。大興學校。則爲學生者亦止有納試驗費之義務。而必無受試驗費之權利。且爲董事者有納此費於學堂之義務。而更無與諸生分肥此費之權利。此亦一定之公理也。是又爲經費一大宗。

斯時也。吾知熱心興學之士。必攘臂而起曰。吾耗吾財。犧牲吾時間。勞憊吾精神體膚。以從事於學堂者有年矣。而日日疾首蹙額而長太息者。鮮不曰無經費。今何幸有此公款。以償吾昔日之苦。而今而後。就箇人言。可以輕吾負擔。就法人言。可以保其始終。是豈區區者而不余界乎。吾不可以不爭。

於是失職之寒士。又怒目而爭曰。書院也。賓興也。皆吾輩藉以供父母妻子養生送死之具者也。科歲鄉會試者。吾輩之科歲鄉會試。非他人之所得而聞也。而今而後。以此費立學堂。則吾輩爲國文修身教習。以此費供遊學。則吾輩爲速成師範。否者即以此費供吾輩之津貼。或亦庶乎其可也。吾亦不可以不爭。

更有所謂當世教育家。皆欣欣然有喜色而相謀也。其稍稍涉躐理化者。則曰吾輩當以此款立一理化學堂。今朝廷方振興實業。今日各種學問。固莫要於理化。其稍稍涉躐政法

者。則曰吾輩當以此款立一政法學堂。今朝廷方考求立憲。今日各種學問。固莫要於政法。是二者固皆持之有故。言之成理矣。然舍此而外。文學家議開哲學堂。醫學家議開醫學堂。農學家議開農學堂。觀其手舞足蹈。高談驚座。皆未嘗不持之有故。言之成理也。則又何說。

故今日者。既如投骨於地。又如築室道旁。其處置之法。誠有不可不講者。講處置之法。當先分經費爲二類。一曰官費。一曰公費。官費者由中央政府或地方政府所撥出。如鄉會試費是也。公費者即地方存積之費。向由本地紳士經管。而不受政府之干涉。如書院經費。賓興費是也。此二者其性質大異。蓋凡事經官則專制。經紳則共和。然惟其專制也。故用之也易。惟其共和也。故用之也難。故以官費而津貼學堂。人不過問也。以公費而津貼游學。人亦不過問也。公費則不然。津貼甲學堂。則乙學堂攻擊者有之。丙學堂援例者有之。津貼甲學生。則乙學生攻擊者有之。丙學生援例者有之。此其大異者一也。且也官費雖有侵蝕。然監守者究不能把持於其間。故從未聞學政出差。而學院之經費。一旦無所出者。公費則不然。書院賓興諸費。大抵爲地方紳士中強有力者之利藪。故向之索箇人之膏火。箇人之賓興費。非不慨然相與也。若向之索全數。舉母財子財而盡納之於學堂。則必出其死力以相抗。或

聚八九兒童。開一蒙學以爲抵制之策。或招二三親故。派之出洋學速成之學。以爲搪塞之計。總之必使其費不出於囊中而後快。此其大異者又一也。此亦講求處置之法者所不可不知也。

然則處置公費之法將奈何。處置官費之法將奈何。曰吾以爲今日興學。猶無他學之可言也。亦曰專辦小學而已。小學不能獨辦也。必有師範以濟之。師範必有所取法也。尤賴出洋以濟之。而一言以蔽之。亦仍曰專辦小學而已。惟其專辦小學而地方上各種雜色團體無所施其爭競。惟其專辦小學而地方上各種利己學派無所用其窺伺。惟其專辦小學而爲學堂總辦者不必糜鉅費。養外國教師以教極粗淺之文字。惟其專辦小學而爲候補人員者不得借此費學速成。政法或朝夕出洋考察以加極新式之虛銜。惟其專辦小學可以不必養二三十老大無成走碼頭之未來中國之主人翁。以爲風潮之資料。惟其專辦小學可以不必廣設人員如督辦總辦會辦總教副總教提調監院監起居委員收支委員等種種名目以崇朝廷之體制。故吾敢斷言曰專辦小學而他學姑不論。

難者曰子亦太輕視今日之學子矣。今之學子豈盡皆蒙學生之資格乎。應之曰吾有一言。諸君勿怒。今日所謂文明人。所謂名士。所謂高材生。或編書籍。或作教員。或任主筆。一言以

蔽之。即今日之鳳毛麟角。以所謂新學新學鳴於當世者。果皆有中學學生之程度乎。吾恐其高談有餘。而叩以極卑近之普通中等教育。而能一一對答如流。不致赧顏相面者。十人之中。未必有一二也。即有之。亦不過曰。有中學生之資格而已。然已爲今日鳳毛麟角中之鳳毛麟角。而是人者亦已睥睨一世。幾幾乎以中國之大而不能容此巨物矣。由是而推而至於諸君之所謂半開通。由是而推而至於諸君之所謂野蠻人。其程度更當何若。由是而推而至於未成年之蒙童。由是而推而至於所謂文明人所謂半開通所謂野蠻人所教授之蒙童。其程度更當何若。嗚呼。言盡於此。蔑以加矣。吾言至此。吾亦爲之赧然。

故今日中國而言開學堂。有問吾以大學堂可開乎。則答曰姑少安無躁。有問吾以高等學堂可開乎。則答曰亦可少安無躁。然則中學堂可開乎。曰是可開。小學堂可開乎。曰是宜急開。聞者不以爲然。而有所論難。則又答之曰。諸君若不能少安無躁。固不妨從便。然吾謂雖曰大學。雖曰高等。其教西文也。仍自愛皮西地始。其教算學也。仍自加減乘除始。其教一切科學。皆自破題兒第一頁始。世固有以每月六百元聘日本理學士。而教筆算數學程度之算學者矣。更有以每月八百金聘德國法學博士。而教亞培崔台之字母者矣。大學其名而小學其實。則雖大聲疾呼。正其名曰大學。曰高等。吾必仍謂之小學。

且。豈。特。仍。謂。之。小。學。而。已。以。小。學。之。目。的。辦。小。學。則。有。小。學。之。效。以。大。學。之。目。的。辦。小。學。則。并。小。學。之。效。而。無。之。蓋。由。前。之。說。所。謂。刻。鵠。而。類。鷲。由。後。之。說。所。謂。畫。虎。而。類。犬。也。蓋。吾。國。人。辦。學。堂。有。特。別。性。質。焉。京。師。之。翰。林。院。也。國。子。監。也。各。省。府。州。縣。之。書。院。也。其。名。雖。殊。其。爲。學。堂。則。一。也。今。則。惡。其。名。矣。而。另。立。學。堂。之。新。名。詞。然。名。詞。立。矣。而。由。吾。國。人。辦。之。往。往。帶。有。翰。林。院。國。子。監。書。院。之。性。質。蓋。學。生。之。老。大。如。故。自。由。惡。法。律。如。故。一。物。不。知。而。自。命。不。凡。又。如。故。故。其。名。雖。曰。學。生。而。其。爲。翰。林。院。之。編。修。國。子。監。之。監。生。與。各。書。院。之。高。材。生。猶。如。故。此。豈。盡。辦。學。堂。者。之。過。哉。雖。以。天。下。第。一。教。育。家。處。此。亦。不。過。掩。耳。而。走。莫。可。如。何。也。此。無。他。善。教。育。者。止。能。不。收。老。大。腐。敗。之。學。生。而。要。無。術。使。老。大。腐。敗。之。學。生。一。變。而。爲。童。蒙。也。不。見。各。省。之。高。等。學。堂。乎。有。日。宿。齋。中。作。書。院。之。課。卷。者。有。教。習。命。算。學。題。持。至。齋。中。日。夕。研。究。至。七。八。日。十。餘。日。而。繳。卷。者。有。終。年。不。上。課。堂。終。日。詩。酒。清。狂。恃。老。學。生。之。資。格。而。學。堂。無。可。如。何。者。使。早。抱。定。專。辦。小。學。之。宗。旨。亦。安。有。若。斯。之。腐。敗。者。乎。故。吾。謂。專。辦。小。學。極。其。弊。至。昔。日。之。義。塾。爲。止。然。猶。得。多。識。數。字。以。爲。處。世。之。用。也。若。如。所。謂。高。等。則。直。爲。聾。瞽。廢。疾。之。製。造。場。通。逃。藪。卽。論。其。至。良。之。結。果。亦。仍。不。外。羊。質。虎。皮。之。小。學。堂。試。問。辦。學。堂。者。將。何。去。何。從。

難者又曰。小學爲今日之急務。固也。然其效緩。彼倡言各種專門者。亦烏得而非之。且既曰。中學可開矣。而又言專辦小學何也。曰。吾非欲舉小學以外之學堂。而盡廢之也。特以廢科舉。後所得之經費。當盡以之辦小學耳。專門豈不甚善。然無論今日專門學堂之必不能完備也。卽能完備如歐美。然無普通學者。仍不能入也。且無論有普通學者之難。其人也。卽有人焉。具有入專門之資格。然亦不過一部分之學者。竊謂其所費者奢。而所及者之已狹也。今姑以政法學堂言之。彼豈不曰。國家將立憲法。政法爲造成公民之第一要事乎。然造成公民者。而僅僅爲政法學堂之學生。則其一部分可以爲議員參政事矣。而此外之蠢愚如故也。則何如廣設小學。而多造公民之爲愈也。故專門之繁多。今有所不暇顧也。寒士之號。嗚。今有所不暇顧也。無他。求普及故也。

且也以鄉會歲科書院賓興諸費。而辦小學。其本義固應爾也。各國各種學堂。固不必盡隸於一部。法律學堂則隸於司法部。農工商各種實業專門學堂。則隸於農工商部。其他學堂。則隸於文部。今吾國鄉會歲科之制。其名曰貢生。曰舉人。曰進士。夫曰貢曰舉曰進。其初本爲從下級學堂。升入高級學堂之意。此固尋常普通教育之制。而隸於文部者也。然則欲開法律學堂。則今日刑部固議開設矣。欲開實業學堂。則今日商部固已開設矣。茲欲議擴充。

固當由刑部商部等或各省督撫特別籌款。安得移普通教育之費以爲剜肉醫創之計。故此費不能用以開專門學堂。此又一說也。

難者又曰。吾以爲子必有崇論高議。爲今日教育界別開生面。而今乃僅曰小學。無乃卑之無甚高論乎。應之曰。子甯謂吾言太高。則或亦近之。蓋如他人言。則今日之學子。固可權宜使之入大學入高等學堂矣。如吾言。則今日之學子。鮮有此資格。必另造一種完全無缺之人才。使之循序而進。是彼爲苟且我爲求備。彼求速成我求深造。彼由枝葉著想。我由根本著想。彼爲一時計。我爲未來之中國計。是孰高孰卑。固不待知者而知之矣。且子以小學爲卑。豈以小學爲易爲乎。且豈以今日之小學爲完全無缺之小學乎。且豈以今日小學之教員。爲完全無缺之教員乎。且豈以日本卒業歸來之速成師範生。爲中國惟一之教育家乎。天下事言之甚易。爲之甚難。人人所視爲難者。其事未必盡難。人人所視爲易者。其事未必盡易。區區小學。亦豈今日失職之舉。貢生監所可肆口而談者。

由是而官費公費處置之法。可得而言乎。曰。官費當以之辦師範學堂及師範游學公費。當以之廣設小學。改良私塾。持此目的。行之則其效似緩而實速。其謀似近而實遠。而且爭端可以弭。覬覦可以絕。由是行之不數年。而中學高等大學以次遞興。乃爲有本否則。日日言

速成。日日言救急。又奚益之有。

若夫已成之學堂。而籌津貼之法。則當視其學堂之經費何如。與所辦之學堂何如。使學堂之經費而猶可支持也。則不論其所辦學堂之良否。不津貼可也。使所辦之學堂而無所取也。則不論其經費之缺乏與全無。不津貼可也。若經費有岌岌不可終日之勢。而其教育之美備。又爲人人所共認。則固無不津貼之理。是在當事者酌度情勢以善處之。固未可執一而論也。

論設學部辦法 錄乙巳九月初四日南方報

我國之有學堂垂十年。迄今無成效可觀。其原因雖多。而學制無統一之機關。亦其一也。自癸卯年始設學務大臣。於是漸有統一之基。甲辰年始頒學堂章程。於是漸有統一之法。然學務大臣之權。不能行之於各省。而各省學章之糅雜也如故。管理之敷衍也如故。或暴徒之攻擊。或官紳之阻撓。學務大臣得而詰問之。查詢之。而初未聞有懲責之舉。強迫之法。是學務大臣不能舉其職也。朝野上下。因以窺測。朝廷意旨。謂實不欲興學。近者民智漸開。公立私立之學堂愈衆。而朝廷適特下明詔。廢科舉。其重視學堂之意。溢於言表。論者謂上下之情漸通。教育之途漸一。其於前事。可稍稍雪矣。而又有設文部之議。夫文部之設。

誠不可緩。然茲事體大殊未易言。使其設而當耶。則成效日彰。中國之前途固將惟此是賴。使設而不當。則運命所係。夫復奚言。然則關係深愈。不能不慎之於始。天下事有起於秒忽。無足經心。及流弊昭然。累時拔之而不能去。衆人救之而不能正者。況教育之細微曲折。無不始簡而終鉅者哉。是則立官之初。固不容不再三審慎。況今日情勢如治屋。然非集工師治棟樑。宗桷即可以經營也。必先求良材。又必先求治此材者之良工。立法縱善。尙恐難得其人。況定制之未盡合耶。故本館之對於此事。不免喜懼交并。誠以文部設後。不能有所興革。則設此何爲。有所興革。而不能得宜。則流弊極烈。所望乎設文部者。爲其能收統一之效也。使其統一矣。而舉措失當。則始之一時一地。受盲動之害者。今將徧天下。受其害。豈若始之獨一時一地者。反可望他地他時。有以補救乎。教育之效。深入人心。轉移風氣。斯所望也。設問所爲不當。其關係若何。且中國於組織官制。核定職守。向不講求。故舊設之官。半應釐定。即新設如外務部。商部等。亦多可議。今設文部。其不致蹈彼覆轍否耶。記者不敏。竊認擬學部應行之法。若干條。分官制。學章。經費三者言之。以備採擇。或者不龜之藥。效等千金。而蠶測管窺。猶賢於已耳。

其一爲定官制。甲學部之官制。學部應設尙書一人。侍郎二人。不拘滿漢。不設管部。其

下應立專門、普通、實業、審訂、游學、會計、六司。與奏定學務綱要相同。以丞參相當官領之。承
 尙書侍郎之命。分筦六司之事。其下各置寮屬若干人。與部屬司員等。又承司長之命。分理
 各務。此外應設參議。四員六員不等。專備堂官顧問。其職應與各部丞參同。而隸於堂官。視
 學官二十餘人。每一行省各派一人。仍以六人或四人留京辦事。亦直隸於堂官。此外考校
 衛生官一人或二人。考查工程官。四人或六人。職與部屬司員同。總隸六司之下。如此則頭
 緒較清。事權較一。情懷較通。內部情形。已可無阻隔廢弛之患矣。乙學堂之職員。學堂
 人員。應作為職官。已見奏定章程。惟迄今仍未實行。現既設學部。應一律飭令照辦。今擬將
 學堂職員。分為數等。最高者為大學堂監督。其職應與丞參同。其餘以次遞減。至與訓導相
 同為止。其升降黜陟。應視其學堂之是否直隸文部。或隸於地方官。如直隸學部者。統歸學
 部。如隸地方官者。凡有黜陟。五品以上。應由學部議准。六品以下。由地方官專斷之。而仍應
 與各省之視學官及學務委員協議。得其贊同。方可施行。此地方官指知府以上。而不可其目
 有黜陟學務人員之權也。其組織之法。則一堂中。以監督為最高。教務長庶務長等次之。教員監學。又次
 之。會計雜務文案各官。又次之。會計等官。除屬於監督外。尙屬於教務長庶務長等。其餘不
 相統攝。至俸給之法。此時教員未備。延覓為難。且各省情形不同。只可姑從緩議。聽各省自

便。一、二年後。師範生漸多。即可實定俸額年限。其任免懲戒之法。亦宜統歸一律。丙、學部與各地方聯屬之官制。考日本文部省之制。凡州縣府町村之知事。皆受其節制。而承辦學務。今若用其法。令府廳州縣。皆直接與學部聯屬。其勢有所不能。且地方官未必盡明學務。學部亦不能事事干涉。宜每省各由部中派視學官一人。不拘本省人與否。其職權應與今之學政相等。各府廳州縣。則由視學官選派本地士紳之明於教育者。爲學務委員。凡關於學務之事。由學務委員會商地方官辦理。如地方官不能協力。可由學務委員稟之視學官。派員詳查。視學官可商之督撫。分別黜撤。而名義上。各地方官。仍分隸於學部。則各地方官。視視學官。不啻上司之與僚屬。呼應自不至不靈。而一面制定地方公立學校籌款之制。諸事由地方紳董主持。地方官亦不至挾私舞弊。其統轄之法。地方官與學務委員。同隸於視學官。視學官又隸於學部。而各省督撫。似宜均加學部尙書侍郎銜。與加兵部尙書侍郎銜。以筭軍政者一例。於是學務之事。可由各督撫徑接各地方官。於統轄稽查。更爲靈便。而立法改制。仍應由學部專任。各督撫不得有其權。亦無虞雜亂紛煩之弊。如是則職分明而責效易矣。以上三節。係指其要者而言。至臨事組織。尙應與所有各職融會貫通。然後可無遺憾。此不具論。

其二爲定學章。甲核定功課。前此所頒奏定章程。其各學堂功課。頗爲完密。惟其中有一大問題。尙待研究者。即經學課程是也。計初等高等小學堂經學。每星期。至十二句鐘。實居全星期鐘點三分之一。中學堂經學。每星期。八句鐘。實居全星期鐘點四分之一。夫經學誠爲國粹。然於應用之技能智識。無甚相關。竊謂經學之用。在養成入之道德心。則其效力與修身倫理課程無異。似宜將經書擇要編輯。作爲課本。於教修身時。卽以此切實講授。而騰出鐘點。另授他科。一則免諸生視經書爲無用。二則免諸生誦讀之勞。三則免虛糜日力。四則免另覓修身課本。有此四善。何憚不爲。此經學鐘點之宜改定者也。教育以蒙養爲首基。故幼稚園及女學。所關尤重。定章謂目下不能驟興女學。應以育嬰堂之乳媪。及敬節堂之嫠婦。令教幼兒。此事之不可行。無待贅論。今欲廣興蒙學。必宜先開女學。應廢去此條。另詳定女學及幼稚園之規則。此蒙學之宜改定者也。乙審訂圖書。今日既立學部。自以定畫一之教科書爲第一義。惟教科書多未完備。官編之本。又未盡合宜。祇可採用民間編譯之本。其間糅雜淺陋。訛誤偏頗。一有未瑩。流毒靡盡。審訂之際。自不容不詳加抉擇。惟充斯任者。於各種科學。未必瞭如。能加雌黃。而別黑白。且以書賈趨利之故。請託營謀。在所難免。是宜一面獎勵著書之人。一面嚴定懲戒之令。而別設編書局。若干處。將中小學校應用

書籍速行編輯完備頒行各省一律遵用自後有擅用未經學部審訂之書者查出嚴罰庶學風不至歧異流弊可以漸除矣。丙學校分布。學校以中小蒙養爲最要自高等小學以下外國名之爲強迫教育無人不應就學有八歲以上而不就學者罰其父母今縱未能辦到應約計地方大小定爲每若干方里應有蒙學初等小學各若干自某時起限令至某時一律開設由學務委員一面勸導地方官一面籌辦其內地荒遠之區或限時稍久或限數稍少以次再行推廣其建築管理教授等並由學務委員隨時考查如不合法卽應勒令改正次則中學堂應定爲每府一所而高等學堂則不拘地方擇繁盛之區酌量開設如京津魯豫湘鄂蘇皖贛浙閩廣等處皆爲應設高等學堂之地其餘逐漸再辦亦尙未遲師範爲今日教育之命脈學堂愈多愈妙惟今日從速興辦尙恐不敷應用宜頒行嚴令各省城及大都會皆應設優級師範學堂各府皆應設尋常師範學堂每處至少一所其餘講習所等從宜開設其學額應預計幾年卒業之後屆時所須教員幾何爲定如預計屆時須教員百人則學額至少應定爲百二十名此在視學官臨時斟酌行之如地方僻遠民風固陋不易開學或先選其俊秀之士就學別府或留學他省均無不可惟應由地方官擔任學費學成之後歸本籍盡其義務。丁職員任免。今日管理教授各員因學堂尙少不能盡用學

堂出身人員。然亦宜慎擇其人。並定一任免之法。如監督、監學、齋務、長、庶務、長等。各省有以官任之者。有以紳任之者。或倉猝而離堂。或盤踞而不去。其間易一人。即易一辦法。諸生幾無所適從。至教員亦然。其來也。不必確有長於某科之據。其去也。不必適滿卒業之期。有敷衍累年而不能驟去者矣。有勉就旬月而忽然遠離者矣。夫一堂之中。不外管理、教授二者。其不整無法。若此。誤事何可勝言。今宜將各學堂職員。定為至少兩學期一任。其數月半者則以半舉其授事之始。宜擇人地相宜。熱心任事者付之。如其不然。不必勉強。此兩學期之內。如有差失。可由地方官及視學官等辭退。本人則非有大故。不得輒辭。至兩學期滿後。應再聯續兩學期。辦法如前。不願連續者聽。惟師範生之例。如此。庶條理漸覺清晰。責任亦有攸歸矣。此條定學務綱要已數年之後。學堂辦法漸歸畫一。應嚴定職員授任之法。非由學校出身得有文憑者不能濫入。

其三為經費。甲分別名目。今日官立學堂。幾無不糜費鉅萬者。究其費之所由出。則莫不出於雜捐。其實此項雜捐。皆外國所謂附加稅。正地方所取。以為公立學校經費者。是名為官立實公立也。公立之費。輕而易舉。故列國高等小學以下。幾無不為公立者。至高等小學以上。如專門實業各學校。則出自官立者多。今宜將現有學堂。孰為官立。孰為公立。私立。

教育

劃分界限。以便上下有所依據。乙預爲統計。列國文部。無不有統計之法。將通國全年所用學費若干。預爲算出。其不足者補助之。今中國學校用款。勢如亂絲。非切實考查。不能得其實際。宜先命各學堂自行呈報。雖非實際。大致當可不差。然後由視學官學務委員會同地方官。隨時驗其用款。諦當與否。每年杪。由視學官學務委員會同地方官。詳議擴充改良各項。預計第二年入款數用與否。如不敷用。或設法籌措。或請求官款補助。由各省學官申報學部。學部又總匯而統計之。則通國之學費瞭然。得以預爲消息矣。丙詳定辦法。

中國前此辦理學堂。因風氣未開。格外優待學生。故從無收取學費膳宿費試驗費書籍儀器費之事。故用度極繁。今宜劃定辦法。無論官立公立學堂。一律收取學費。包雜項以補用度之不足。如此。則前此開兩學堂之經費。今則至少可開三學堂。然高等小學以下。則應不取學費。即取學費。每人每月至多亦不得過某數。蓋普及教育之義。應爾也。至所稱爲官學堂者。其費應純從地方正款提用。其用地方雜捐辦理者。應改稱爲公立學堂。凡公立學堂。除學費常年經費外。如有不足。應由國家酌量補助。要以能扶助公衆。推廣教育爲主。至私立之學堂。其經費應由箇人擔任。有時亦可由國家補助。以上所言補助之制。皆應明定條例。以如何爲合格。丁預籌的款。學部設後。除直隸學部諸學堂經費仍舊外。內則應籌

各職官之俸給。外則應籌各學堂之補助。其數亦必不貲。今日國庫奇窮。恐無餘力及此。然此問題亦易解決。蓋直轄各學堂。暫時可不增添。其各學堂之補助費。可咨行各省。以省出之費。所部教育費也充用。高等小學以下之普及教育。則可全責之地方官及學務委員。計地方雜稅。當可敷用。學部所須。不過各職官之俸給耳。朝廷誠重視學務。應不靳區區之數。以振新猷。惟學部設後。一切規模。皆將大加式廓。非籌有的款。則掣肘拘足。舉動必不能自如。此在當事者自有以處耳。以上三綱。不過就事實上言之。於精神上初無影響也。茲更就各端共同之原則。而表明其下手之方法如下。

一曰定宗旨。教育不可無宗旨。教育之理一。而宗旨萬殊。惟有宗旨。斯成教育。故英吉利教育之宗旨。不必同於法蘭西。而其收效則一。中國興學數十年。而迄無少效者。正由不知定宗旨耳。今當設部之始。若再遊移恍惚。則方針一誤。愈走愈歧。其弊更不可收拾。今敢為當軸正告曰。今日之教育。當為中國之教育。而非他人之教育。當教育以成國民。而非教育以成官吏。蓋一國之政教習慣。範圍社會者。輒數千年。其中相引彌深。必有特殊。而不可解者。人心團結之力。亦即藉此。而存固無論其為利為弊也。設救其弊。則當蕩滌其瑕穢。而搜取其精華。別以利用之物。補之使之融和。一氣然後能表其特色。而不致轉喪其真。否則隨

波。逐。流。飾。觀。炫。衆。而。已。舊。既。不。存。新。將。焉。附。中。國。開。化。最。早。其。聲。名。文。物。炫。耀。環。球。今。雖。已。衰。歇。矣。然。擷。其。精。英。初。未。嘗。枵。然。而。無。有。論。教。育。者。正。宜。會。通。今。古。合。諸。社。會。之。情。勢。以。定。其。趨。然。後。施。之。社。會。不。致。有。格。格。不。入。之。虞。語。夫。學。規。不。致。有。俛。俛。何。之。之。患。方。可。以。企。成。功。而。期。實。效。也。又。中。國。數。千。年。之。教。育。大。半。在。養。成。官。吏。爲。國。家。任。使。羣。言。山。積。所。爭。辯。者。皆。不。出。此。範。圍。不。知。教。育。之。用。在。使。人。人。有。普。通。之。知。識。技。能。以。高。尙。其。人。格。而。充。國。家。之。實。力。非。必。望。人。人。登。仕。版。也。故。高。等。小。學。以。下。稱。之。爲。強。迫。教。育。視。之。重。於。高。等。學。堂。今。日。官。吏。誠。乏。材。然。養。之。者。當。有。特。別。之。機。關。與。普。及。之。教。育。並。行。不。悖。不。可。竟。以。此。爲。教。育。宗。旨。中。國。民。智。蒙。昧。而。人。數。衆。多。今。日。要。著。在。使。四。萬。萬。人。一。人。有。一。人。之。用。譬。之。百。骸。舒。適。其。人。自。屬。健。全。若。教。育。宗。旨。注。於。一。偏。微。特。少。數。之。官。吏。未。必。盡。成。人。才。藉。曰。能。之。天。下。大。事。由。少。數。官。吏。張。空。穹。當。之。而。人。民。毫。不。能。助。以。今。日。民。族。主。義。充。溢。之。世。界。中。國。能。有。幸。乎。各。省。之。設。學。堂。紛。紛。以。畢。業。獎。勵。爲。言。竟。以。此。爲。誘。導。學。生。之。具。是。使。學。生。永。無。自。立。之。性。且。與。教。育。原。理。大。相。反。背。也。今。學。部。既。立。宜。一。意。以。國。民。教。育。爲。主。凡。所。施。設。必。本。於。茲。則。表。立。景。從。矣。

一、曰多調查。今日中國學務。幾於人自爲政。家自爲教矣。欲立統一之規模。必先有統一

之辦法。然立制之始。欲求網羅一切。詳悉無遺。必不可得。且天下事。圖始最難。苟有踉蹌。輒生阻力。故鄙意。建部伊始。不可不行調查之法。一爲內部調查。將中國歷來教育宗旨。方法及目下所有各學堂。教授管理。建築經費等。詳加考察。列之於書。以爲參考。推斷之用。俟學部成立。諸事即可實行。二爲外部調查。博考列國教育之原。教授管理之法。設官籌款之道。得其良法美意。所在復詳稽其設施之次序。以備擇善而從。宜不避重複。不憚煩瑣。二者行而諸事可有把握矣。

學務大臣奏議覆出使法國大臣孫寶琦奏請勸勵紳商廣設小學堂摺

本年三月二十日軍機處抄交出使大臣孫寶琦奏請勸勵紳商廣設小學堂一摺。奉 硃批學務大臣議奏。欽此。原奏內稱。自強根本。舍大興教育。更無他策。小學所以教通國之民。實爲根本之圖。應請 明諭各督撫。學政切實督飭地方官。勸諭紳士。廣設小學堂。裁節官中不急之費。捐募紳富有力之家。通力合作。同時並舉。普通教育。尤以普通課本爲最要。應請 飭下學務處。延聘通儒編輯小學中學課本。各等語。察核原奏。多洞見本源。攷求有得之言。與奏定小學堂章程及編書局現在辦法。大都相合。查籌辦小學堂。經臣等行文各省。飭屬遵照奏定章程。切實倡導。並將興學宗旨。明白宣示。每半年將學堂所辦事務。教科課

程教員名數學生人數及出入費用擇其要略照章彙報僅准直隸總督咨送全省學堂清冊此外各省迄未咨覆近奉 明諭停止科舉責成各省督撫嚴飭府廳州縣於城鄉各處備設蒙小學堂各省遵 旨辦理尙可實力推廣仍由臣等咨行各省嚴定州縣功過其玩視尤甚及有名無實者分別情節輕重隨時撤參所有各府廳州縣已辦各學堂由本省學務處隨時派員周歷各學細考其教授方法科學等級教員程度管理事宜仍查照定章每半年由督撫彙咨學務大臣一次以憑察核編書局纂輯中小學課本自監督黃紹箕接辦後重訂章程派員分纂所有各種課本初稿漸具加以刪定當可次第成書其編輯大旨在視學堂之程度爲課本之淺深以學堂之年限分課本之繁簡一再研求務適於用各省呈送編譯教科書亦經訂有審定專章酌量采用除將該大臣所陳辦法知照該局參酌外臣等仍與黃紹箕隨時晤商期臻妥速又據稱必入高等小學方可授以四子書必入中學方可授以五經周禮孝經尤爲切用惟今日學生應知應學者日虞不足應如何歸於簡要之處請 飭下學務大臣揀派通儒折衷至善伏候 欽定頒行各等語查奏定章程在初等小學則誦習孝經四書禮記在高等小學則誦習詩書儀禮在中學則誦習春秋左傳周禮皆算定字數自初入學日讀四十字起至入中學日讀二百字止師生兩不爲勞而十經皆

可畢業此係普通讀經之法中學以下必先講讀各經係爲培養根柢起見無可疑議易書詩春秋左傳四書孝經分年誦習皆讀全文儀禮自唐臣韓愈卽苦其難讀惟喪服經傳小記一篇乃周公作經子夏作傳在儀禮中關係實用最大故必先讀此一篇周禮擬讀黃叔琳周禮節訓本禮記擬讀江永禮記約編江永黃叔琳皆國朝名儒其節本久已風行海內定爲讀本與該大臣所謂歸於簡要者用意正同應請均照定章辦理毋庸另議謹奏
奉 旨依議欽此

練兵處兵部會奏試辦貴胄學堂擬訂章程摺

上年十二月間出使大臣梁誠片奏請選王公子弟入陸軍學堂肄習當經臣等議覆以現在更新軍制講求肄習允宜始自貴近擬請設立貴胄學堂一所專爲王公大臣子弟肄武之區其開辦章程俟擬定再行具奏等因奏蒙 俞允在案臣等謹悉心擬訂約分六大綱曰總則曰職掌曰規條曰課程曰考試曰經費各依門類繫以子目附列課程表作爲試辦章程暫擬就神機營舊署改建講堂學舍俾得尅期舉辦並懇 恩賞宏敞官所以爲逐漸擴充之地現擬各條內如有應行變通修改之處開辦後察看情形隨時酌核具奏抑臣等更有請者講求兵學乃圖強本務四方親聽視貴族之趨嚮爲轉移溯維 開國之初底定

教 育

三 百 二 十 二

十 二 月

寰宇總征討領禁衛者皆諸王貝勒及勳戚大臣偉烈豐功昭史冊現在 朝廷振興武備特設貴胄學堂此次籌議舉行必須名實相符方足以收明效該王公大臣等近撫時艱遠懷先績亟應各遣子弟投考入學勿懷觀望並宜父詔兄勉使其刻勵奮發以紹礪山帶河之勳而備折衝禦侮之資擬請 特降明諭宣示俾知勸勵且令天下咸知勳華貴胄尚皆身入學堂親習士伍則風聲所播薄海景從振尙武之精神儲干城之材俊胥在是矣謹將所擬章程繕單呈 覽恭候 欽定奉 旨後卽由臣等咨行宗人府神機營及各部院衙門一體遵照謹 奏

謹將擬訂陸軍貴胄學堂試辦章程敬繕清單恭呈 御覽 學堂總則 一陸軍貴胄學堂設於京師隸於練兵處專考收王公世爵暨四品以上宗室現任二品以上京外滿漢文武大員之聰穎子弟教以普通學術及陸軍初級軍事學並入軍隊觀覽學習統計學期以五年爲畢業 二王公世爵等各將子弟於奉 諭旨三箇月期限內王公世爵用漢文現任滿員用旗文漢員用咨並開具簡明履歷送呈練兵處註冊聽候訂期遴選 三王公世爵等呈送子弟如逾三箇月期限或延至開學以後者概不錄取 四遴選學生以體質強健文理通順並無暗疾嗜好年歲在十八歲以上二十五歲以下者爲合格其王公世爵子

弟中間有文理不能及格而體質尙與軍人格式相符可酌量從寬錄取令其補習漢文一年然後隨班肄業如資質過鈍與全無補習漢文之望者臨時別退 五學堂額數遴選時權取一百六十名俟入學三箇月後嚴行甄別一次酌留一百二十名爲定額 六權取之一百六十名學生須遵照練兵處臨時頒訂之入學章程同時會齊入學不得參差到堂致與教法有礙 七定額學生分爲三班每班四十名各設講堂一律講授功課如名數不及定額或須逾額溢收均俟臨時酌量再行覈議 八學生在堂內無論何項官職均須恪遵學堂隨時奏定堂規禮節如有違背堂規及乖錯禮節等情當按所犯重輕照章覈辦 九年長不合定格與充當差使之王公世爵雖礙難入堂受學而情殷尙武志切從戎者自應俟開學後體察情形隨時另訂專章奏請入堂聽講以示優遇之意 十學生入堂後應用筆墨紙張課本軍衣飲食等項經費均由學堂一體支發 十一學生五年畢業大考考列優上中三等者應分別發往新軍學習初級軍官職務四箇月期滿後由所隸新軍統將出具切實考語送交練兵處考驗分別等次發給執照並由練兵處開單奏請帶領引 見原有世爵官階者聽候 簡用無官階者分別優予出身以示鼓勵其有考列下等者應選擇尙堪造就之員酌留再習一年餘均退學酌留再習者如來歲復考下等亦卽退學 十二

在學堂肄業已及二年暨屢考優等並大考畢業各學生如有願赴外洋學習陸軍與入陸軍別項專門學堂研究高等學問者應由練兵處分別考驗遴選合格奏明咨送 十三學堂開辦五年期滿後如確辦有成效凡在事出力人員應由練兵處擇尤請獎 十四此項試辦章程係按照現在情形變通酌訂俟將來各等陸軍學堂一律開設完備後應由練兵處隨時修改增訂奏明辦理 官員職掌 一此堂關係綦重在事各員必須熟諳學務明悉時事忠誠練達者方可派充堂內應設總辦一員監督一員提調一員普通學正副教員共六員兵學教員二員等三學期內臨時聘請正醫官一員副醫官二員教員兼繙譯三員漢文正副教員各二員齋長六員學生一百二十名文案一員收支委員一員支應司事二員司書兼刷印五名醫兵四名號兵二名差弁三名門丁夫役約四十名如考收學生不及一百二十名則教員以下人等均須酌減 二全堂事宜均歸練兵處王大臣督理設總辦一員專司其事凡經理學務獎勵學生管轄在堂人員皆其責任俟現擬章程奉 旨後即由練兵處開列素諳武學大員銜名奏請 簡派以昭鄭重仍由練兵處王大臣隨時考覈其章程內遇有應行變通之處並督同總辦等議奏明辦理 三監督由資深學粹確有閱歷之陸軍學生中選派專司核定功課考查學生及掛號請假等事並教授功課以補教員

之不足 四提調由通曉兵學教育人員內選派經理全堂庶務及約束夫役修造購辦等事凡用款較多者須估價開單稟請總辦核奪辦理 五教員專司教授功課考查學生普通學教員由優等師範學堂畢業生或有專門學業人員乃選派兵學教員暫時聘用外國品端學粹之員正副醫官由北洋軍醫學堂精通中西醫學人員中選派教員兼繙譯由出洋畢業生中選派 六齋長擇宗室及旗漢人員老成練達明白教育派充每員管學生二十名除講堂操場外凡學生在自習室齋舍及疾病事故並請假出門皆由該員監察隨時呈報監督如遇緊要事件稟承監督辦理 七文案專司往來文牘及會議時記錄等事 八收支委員專管出入帳目及堂內人員薪公餉項一切帳目均須按月按年呈堂考覈不准有借支拖欠等事 九支應司專管購買物件備辦火食並收發器具及操衣靴帽等件 十司書歸文案管轄專司鈔錄等事印刷歸監督管轄掌膳寫印刷之事 學堂條規

一學生到堂後應歸堂內各員管轄在講堂操場聽教員教授在自習室齋舍聽齋長監察在飯廳隨同食各員出入 二學生均應住堂每遇星期准其回府回宅一日此外不得率行請假惟兼有差使者臨時察看情形酌量辦理 三堂內各生均宜以正大恂謹互相勉勵如有聽信異說邪僻乖張有違禮法聖教者立予退學 四堂內辦事各員及中外教

員皆應遵守總辦命令如有違背章程或學不勝任者隨時撤退 五總辦命令凡關於功課者交監督辦理凡涉於雜項者交提調辦理均由文案書於堂諭簿內傳知該管等員蓋章籤押遵即辦理儻有貽誤即惟該管是問 六凡堂內員生均著軍服其便服等項一概不准攜用 七入堂出操俱依號令屆時各生攜帶應用之書籍課本器械等件依限前往不得有逾定刻 八學生除星期例假外不得無故請假如有必須請假事故稟呈總辦臨時查照定例變通辦理 九各員生不得在堂內飲酒燕會並不得私相饋遺 十堂內設講堂兩所專備教授功課操場一所專備教授操法自習室兩所專備溫習功課齋舍數所備各生住宿總辦辦公房一所各員辦公房各一所醫室一所養病室一所 十一堂內設會議廳一所每屆星期六日各員遵照臨時酌定時刻到廳會議堂內應辦各事如有臨時會議應由總辦核定隨時傳集 十二堂內設值日廳一所自提調以下除司事司書外各員均須輪流值日管理堂內一切事宜當值者以二十四點鐘爲定限 十三堂內設會客廳三所總辦以下員生凡值辦公授課時均不得會見賓客如賓客有欲入堂觀覽者勿論中外何項人等均須於前一日知會值日員以便從優接待凡臨時申請者概不准行 十四堂內設飯廳一所總辦以下各員生除因操或因公外出不計外餘均同到飯廳共餐

膳食 十五早午晚三餐俱有定時各員生除因操或因公外出不計外餘均按時赴餐不得擅逾晷刻 十六堂內設行禮廳一所每屆元旦開學放學 皇太后萬壽 皇上萬壽孔子誕日由總辦帶領各員生詣廳行禮以明尊君尊師之義 十七堂內齋室依次編號每齋門首釘木牌一方載明本齋諸生姓名 十八堂內各屋所用器具按數編號登記冊內每屋貼單註明器具數目每月由提調督同收支委員查驗一次 十九堂內夫役按地派定各執其事發給號衣以憑識別每星期六日由提調派弁點驗一次以免紊亂 二十辦事各員在堂祇准帶跟丁一名各發腰牌一面以便查考儻有過犯即照堂內夫役懲辦學生備有齋夫伺候周到不得自帶跟僕入堂 二十一每年各季學生起居飲食等項由學堂隨時酌訂時刻飭令在堂各生一律遵守 二十二堂門啟閉宜有定時查齋之後大門上鎖鑰匙交值日員收管非因事不得啟門 二十三管理員均宜隨時隨處飭令夫役掃除房屋院宇以避疫癘 二十四每逢星期日及端午中秋冬至各節 皇太后萬壽 皇上萬壽孔子誕日各放假一日年假約二十一日以內暑假約二十一日以內 二十五學生有病應由學堂所設醫官診驗分別留堂療治如時久不能應課應操者酌送回府回宅以資調養 二十六藏書樓軍械庫馬廐等項開辦之初暫不建設嗣後察酌情形次

第創舉惟教育人員應用參考中西圖書典籍與授課相關之器械品物擇要購備 二十七學生記功條目略舉如左 一恪守堂規始終如一者記大功 二服從命令誠實不欺者記大功 三學業優異品行端正者記大功 四見理真確不惑異說者記大功 五束身自好屏絕浮囂者記大功 六勤善規過協和同學者記大功 七勤謹向學精進不已者記功 八緘默寡言實心任事者記功 九趨向正大不偏不倚者記功 十顧惜身名率履謹飭者記功 如有與以上各條相反者應酌量分別記過其屢記大過與記過多次而學業無精進之望者立即退學 二十八其餘管理細目應照學務處奏定學堂章程內管理通則變通辦理 功課程限 一本堂功課程限總計五年彙分四期習普通學三年為第一期入軍隊歷練專科兩箇月為第二期習軍事學一年半為第三期入軍隊歷練各科軍官職責為第四期第一第三兩期功課程限分別列表臚記概要按期授課以培其體第二第四兩期入隊歷練所有功課程限臨時另訂專章頒給施行以致其用 二每年自開學後至暑假前為前期自暑假後至年假前為後期每七日為一星期按課目之緩急訂授受之先後普通學第一年每日平均授課五鐘點第二年每日平均授課六點鐘第三年每日平均授課七點鐘是雖逐年遞加亦可隨時酌改以臻美備 三第一第三兩期功課

表內所訂鐘次均指在講堂暨操場而言其餘均在自習室服習在講堂所授功課自習鐘次隨時釐定頒示遵行 四各項功課每學期所授次數及每期所習次數原可彼此增減前後挪移惟至畢業時須符所限程度爲准 考試規則 一考試共分四等一曰月考二曰期考三曰年終考四曰畢業考每月由各教員自行考試所授功課爲月考每屆暑假前由監督歷試所學功課爲期考每年假前由總辦歷試所學功課爲年終考每屆畢業由總辦稟請練兵處奏明派員考試爲畢業考 二考法分爲三種一問答二筆述並作文三操作問答評其口才筆述評其試卷操作評其演習 三評定功課按北宋國學積分法每題以二十分爲度匯其總分數取平均分數以定等第 四分數共分三種一功課分數二技術分數三品格分數功課及技術分數爲承考各員歷次所定品格分數爲監督督同各教員齋長平日所定每屆期考年終考畢業考必合臨場及平日各項分數一併核算以定高下惟平日分數不得多於臨場分數以酌度適宜爲要 五各項分數平均計算每課目得十七至二十分爲優等十三至十六分爲上等九至十二分爲中等五至八分爲下等一至四分爲不及等 六月考覈定分數後須將本月內品格分數一同加入爲總分數由各教員呈送監督訂定等第榜示 七每屆期考考核定分數後須將前屆期考分數或年終考分

數及本期內若干次月考分數各取十分之一並本月品格分數一同加入爲總分數彙呈總辦訂定等第榜示 八每屆年終考核定分數後將前次期考分數及本期各月考分數各取十分之一並本月品格分數一同加入爲年終考總分數訂定等第凡列優上中等者酌給獎稿 九每屆畢業考先期牌示停課十五日溫習舊課及考竣覈定分數後須將前次期考分數本期各月考分數各取十分之一並本月品格分數一同加入爲畢業考總分數並由總辦督同堂內有關教育之員公同會議各生品學才識志趣及平日功過列爲詳表與總分數參酌定等第由練兵處奏明照章辦理 十每屆考期如實因疾病及重要事故不能與試者准於半月內補考 經費約計 一經費分額支活支兩項薪公餉項火食雜費等項爲額支修造房屋購辦器皿增加薪水置備圖書儀器製辦操衣靴帽儲備藥品等項爲活支均由練兵處商同戶部籌定的數 二額支活支各項開學後估定歲用大數由練兵處奏咨立案由總辦按季支領遇閏照加 三額支活支各項每屆年終由總辦督同提調收支各員造具清冊呈請練兵處奏咨覈銷 四堂內各員支領薪水以每月二十日爲定期由收支委員照數分送 五茲將開辦額支活支三宗經費約估未估各項開單如左 開辦經費項下 建造堂舍經費 購置木器一應傢具經費 購備應用書籍

圖畫及一切學用品經費 購辦學生軍衣靴帽經費 購備體操場全份器具經費 以上均須隨時另行按款估核 常年額支項下 總辦一員 每月薪公銀四百兩 監督一員 每月薪公銀三百兩 提調一員 每月薪公銀一百五十兩 普通學正教員三員 每月每員薪水銀一百五十兩 普通學副教員三員 每月每員薪水銀一百兩 正警官一員 每月薪水銀一百兩 副警官二員 每月每員薪水銀六十兩 漢文正教員二員 每月每員薪水銀一百二十兩 漢文副教員二員 每月每員薪水銀八十兩 齋長六員 每月每員薪水銀二十兩 文案一員 每月薪水銀三十兩 收支委員一員 每月薪水銀三十兩 支應司事二員 每月每員薪水銀二十兩 學生一百二十名 每月每名火食茶水銀約八兩 筆墨紙張燈油銀約四兩 司書兼刷印共五名 每月每名薪水銀十二兩 差弁三名 每月每名餉銀八兩 醫兵四名 每月每名餉銀四兩五錢 號兵二名 每月每名餉銀四兩五錢 夫役四十名 每月每名餉銀三兩六錢 雜費銀 每月約一百兩 以上係第一期每年常支經費每月約用銀四千零八十七兩 每年約用銀四萬九千零四十四兩 遇閏照加 其第二三四等期所用經費應俟臨時由總辦督同堂內各員詳晰覆算呈請練兵處辦理 常年活支項下擬暫聘用

教育

三百三十一

乙巳

外國武官充兵學教員及繙譯薪水房租各經費 修理堂舍經費 添置圖書儀器形模標本經費 購用格物理化銷耗物品經費 換置操衣靴帽經費 購買外國兵學報經費 儲備藥品經費 添置器具經費 冬夏煤火涼棚經費 以上各項皆係活支無從預算應俟開學後由總辦督同提調支應委員核實估計以定常年活支概數

署兩廣總督岑奏請將廣東武備學堂改爲兩廣陸軍中學堂並附設廣東陸軍小學堂摺

竊廣東武備學堂係於光緒二十八年設立經前督臣陶模會同前撫臣德壽奏明在案其時因陸軍學堂事屬創辦階級未分所有課程均參合日本幼年士官兩種學校而定現准練兵處來咨業經 奏定陸軍學堂辦法京師行省並各駐防均設陸軍小學堂一所在直隸湖北陝西江蘇分設由第一至第四陸軍中學堂四所如各省本有中學堂仍准照舊設立並將 奏定陸軍小學堂章程先後咨送到粵自應遵照辦理期與京師各省一律以副朝廷經武培才之至意惟查廣東武備學堂現行章程既係參仿日本中央幼年學校及士官學校辦法實具有陸軍中學堂之程度夫已具有中學之程度而令學生改習小學之課程無論過其進取之機而前此之虛糜經費後此之拋棄時間誠爲可惜臣再三斟酌應

即遵照練兵處奏定各省本有中學堂仍准照舊設立一節將廣東武備學堂改為兩廣陸軍中學堂專收廣東廣西兩省暨廣東駐防各陸軍小學堂畢業生並於堂內附設廣東陸軍小學堂一所該武備學堂現時肄業各生即作為陸軍中學堂學生課程年限仍照現行辦理俟新章頒到再行查酌改訂其小學堂學生額數年齡選驗格式一切按照練兵處章程辦理俟小學畢業即升入本省中學堂此現辦之大略情形也至武備學堂原領經費現改為中學堂並附設小學堂支用不免更繁自應量准加增由臣隨時核定飭令善後局按數照撥作正報銷謹 奏奉 硃批該衙門知道欽此

江蘇學會暫定簡章

一定名 本會由本省同志組織成立定名江蘇學會

一宗旨 專事研究本省學務之得失以圖學界之進步不涉學界外事

尚武精神 各學校均宜注重體育現在北洋已行地隊兵之法南洋將次進行各府州縣之學校亦宜仿效

向來地學會 宜注重師範學務

預備地方自治 宜注重實業

戊聯合本省學界

教育

查南洋學生名籍學科並宜詳查及南洋學界期屆二每年二次春以三月秋以八月
 派人分赴江南北各府廳州縣調查學界由總會文給凡週一處飲食住履
 舟車等事由該處辦理再三該會所調查或各處自願意見及辦法於總會者為分次彙
 會員之四該會本會各處代表入外凡本省人說學於各省及外國者皆為招待之

會所 因交通之便利設總會於上海 四會期 常會 每年十一月下半月中擇定會

期前二十日登報屆期集議以便據調查員之報告期明歲之改良 臨時會一各處有關

於學務重要之事須請總會協助者一總會有關於學務重要之事須請各地方公同集議

者總會得開臨時會於定期半月前登報 五會員 發起人及各府廳州縣公舉赴會之

代表人 代表人由各府廳州縣公舉之數不得少於所轄州縣與自理之數如各府廳州縣不能自舉

或贊成本會宗旨願入本會合於下開入會之資格者均得為會員既入會後均有選舉職

員及被選舉權 代表人之資格 甲學務董事 乙各地方學會會長 丙地方總董

丁聲望素為眾所推服者 入會資格 甲紳士於學務有關係者 乙紳士實能擔任推

廣扶助學務者 丙興辦工商實業者有成效者 以上均須年二十五歲以上者 六職

員 會長一人副會長二人評議員以各府各直隸州所轄廳州縣多寡之數為差不拘何

廳州縣之人 江甯府七人蘇州府九人松江府八人常州府八人太倉州五人海門廳一人共七十一

人 會董每廳州縣各一人幹事員全會共二十人 門部二人庶務部六人內分書記二人

二 以上職員均二年一舉連被舉者可以連任如對於本會不能盡相當之義務或有損
 本會之名譽者一經同會會員指證確實可以辭退然仍須會員多數之公決 七職員之
 權限 會長有總理全會事務之權有提議會中應辦事務以憑公決并執行公議可決各
 事之權 若經會員多數開大會議決者 有以事由招集職員開職員會并決行開臨時會之
 權有定閉會期之權 副會長有協助會長理事之權會長不能主持會務之時 或因病或
 有事或因特別 有代行會長完全之權 二人內自推 評議員有提議 凡為評議員者而欲以
 經評議員二人以上之贊成者 議決全會教育事務及經濟問題之權然必須全體評議
 員到會三分之二乃得決議若因推廣教育而關於擴充經費之事雖經多數評議員之議
 決仍當交由會長轉交經濟部幹事員覆議認可乃為可決 指本會全體 其有關於地方特
 別經濟之問題當由會長面商或函商於其地之會董得其認可 會董有駐本地方執行
 評議員所議決各事之權然因經濟上之困難亦得否決評議員所議決之事但否決後當
 受經濟部幹事員之覆查且經會長認可 凡會董即由各廳州縣於所公舉之代表人內
 指定經會長評議員之認可 未經認可前但為代表人 幹事員 經濟部幹事籌畫全會經
 濟主持出納大綱有覆核評議員所議決及覆查會董所否決地方經濟問題之權 調查

教育

三百二十五

乙巳

部幹事甲調查江南北府廳州縣各學校之建築及教授管理法乙關於學務之經濟均用一覽表填注丙調取各處編行之教科書以備檢查 普通部幹事編集各府廳州縣關於普通教育一切所調查及報告之事并檢查各處編行之普通教科書 專門部幹事編集各府廳州縣關於專門教育一切所調查及報告之事并檢查各處編行之專門教科書 庶務部書記員一司會內外友人往來之書札一司官場往來之文牘 庶務部會計員經收捐費公款核算出納細數隨時登記 庶務部招待員布置開會事宜接待各府廳州縣之代表人及本省人之就學於各省及外國者 以上庶務部幹事須有一二人常駐會所 八附款 此簡章暫行公決施行至第一次常會公定全章後即照全章辦理

北京豫教女學堂章程

第一章 名稱 第一條 本學堂稱曰北京豫教女學堂 第二章 位置 第二條 本學堂設在東單牌樓二條胡同 第三章 目的 第三條 本學堂以中等以上女子施普通教育及高等普通教育造就賢母良婦爲目的 第四章 教科 第四條 本學堂教科分爲尋常科及高等科 第五條 尋常科及高等科修業年限各定爲四年 第六條 學生入尋常科第一年班者其年歲最小須滿六歲高等科第一年班者最小須滿

十歲 第七條 尋常科之教授科目一修身二國語三算術四歷史五地理六圖畫七聲歌八裁縫及手藝九游藝及體操 第八條 高等科之教授科目一修身二國文三算術四歷史五地理六格致七家事八圖畫九聲歌十裁縫及手藝十一體操及游藝願習外國文者另自爲班 第九條 尋常高等兩科之教授科目均因奏定章程所定教授要義酌量而變通之尤以適用於女子爲要 第十條 尋常各科目程度及每星期教授時刻表如左

學科	第一學年		第二學年		第三學年		第四學年	
	每星期 鐘點	內容	每星期 鐘點	內容	每星期 鐘點	內容	每星期 鐘點	內容
修身	二	道德要旨	二	道德要旨	二	道德要旨	二	道德要旨
國語	二	日常須知之文字 近易普通之文	二	日常須知之文字 近易普通之文	五	日常須知之文字 近易普通之文	五	日常須知之文字 近易普通之文
算術	六	加減乘除 用二十以下之數	六	加減乘除 用一百以下之數	五	加減乘除 小數	五	加減乘除 小數分數諸等數
歷史				中國史	一	中國史	一	中國史
地理				中國地理	一	中國地理	一	中國地理
圖畫				單形	一	簡易形體	一	簡易形體
聲歌		單音聲歌		單音聲歌		單音聲歌		單音聲歌
游藝及體操	六	游藝	六	普通體操	六	普通體操	六	普通體操

教育

三百三十七

乙巳

第十一條 高等科各科目程度及每星期教授時刻表如左

學科	第一學年	第二學年	第三學年	第四學年
修身	二 道德要旨	二 道德要旨	二 道德要旨	二 道德要旨
國文	一 讀文習字 作文默寫	一 讀文習字 作文默寫	一 讀文習字 作文默寫	一 讀文習字 作文默寫
算術	三 加減乘除 小數諸等數	三 小數分數 比例	三 分數比例 百分算	三 比例百分算 開平開立
歷史	二 中國史	二 中國史	二 世界史	二 世界史
地理	二 中國地理 動植物 自然現象	二 中國地理 動植物 自然現象	二 世界地理 動植物 自然現象	二 世界地理地文 生理及衛生
格致	二 動植物 自然現象	一 動植物 自然現象	二 動植物 自然現象	二 生理及衛生
家事			二 衣食住	二 養老育兒 看病家政
圖畫	一 簡易形體	一 自在畫	一 自在畫	一 自在畫
聲歌	二 單音聲歌	二 單音聲歌	二 單音聲歌 二部輪歌	二 單音聲歌 二部輪歌及合歌
裁縫及手藝	三 裁縫 編物	三 裁縫 編物	三 裁縫 編物	三 裁縫 編物
體操及游藝	三 普通體操	三 普通體操	三 普通體操	三 普通體操

裁縫及手藝	二 編物
	二 編物
	二 運針法
	二 編物
	二 運針法

教育

三百三十八

十二月

外國文

發音綴字讀法譯
解會話默寫習字

發音綴字讀法譯
解會話默寫習字

讀法譯解會話
默寫作文

讀法譯解會話
默寫作文

第五章 星期及放假 第十二條 每年以正月二十日開學至小暑節散學是為第一
 學期立秋後六日開學至十二月二十日散學是為第二學期 第十三條 每月按房虛
 星昴四日為休息 第十四條 恭逢 皇太后萬壽節 皇上萬壽節 皇后千秋節
 孔子誕日 慶祝行禮後放假一日 第十五條 端午節中秋節各放假一日 第六章
 授課時刻 第十六條 春分後早八點鐘至十一點鐘晚十二點至三點分別授課秋
 分後九點至十二點晚一點至四點分別授課 第七章 考試畢業及獎勵 第十七條
 每月小考一次每學期大考一次均按學業勤學立品分別記功過其記功者分別獎勵
 第十八條 尋常科及高等科畢業時各與以畢業文憑仍按學業勤學立品分別加考
 語且與以獎勵 第十九條 前二條獎勵或給圖書文具或止用言語 第八章 請假
 退班除名 第二十條 學生因本身或親長疾病及各種不得已之事請假者必由父兄
 預先報明方可 第二十一條 學生請假在數月之外學業不能企及眾人者退班或除
 名 第二十二條 學生不遵本學堂規則學業甚劣者除名 第二十三條 學生所用
 各科課本以至文具等本堂一概不行給與須由學生自行出資代為置辦 第九章 學

費 第二十四條 學生無論貧富每月均收二元 第二十五條 本堂每日預備午飯一餐每人每月收銀三元 第二十六條 本堂先試辦尋常科俟學生到學堂後考察各學生程度高者再設高等科 第十章 總理辦事員教習 第二十七條 本堂設總理一人創設者自任之 第二十八條 本堂設辦事者四人 第二十九條 本堂聘中外教習數位分門授課 第三十條 本堂所請中外女教習現均願名譽幫助俟試辦成效後再行酌給酬金不願收酬金者爲名譽教習 第十一章 贊成員 第三十一條 本堂請中外士女有學識名望者爲贊成員凡關乎本堂之大事皆諮商之 第十二章 衛生 第三十二條 本堂聘醫師一人爲學堂醫凡學堂衛生事宜必諮商之 第三十三條 學生在講堂內外倉猝發病即由學堂醫生治之 第三十四條 學生有患傳染病者傳入學病愈再行聽講學生家中有患傳染病者亦同 第三十五條 學生有在學堂內發傳染病者則一定期間放棄學以免傳染於他人 第三十六條 學生無論年歲大小均不許吸煙 第十三章 講堂 第三十七條 學生在講堂除應用書籍文具等外不得攜帶他物 第三十八條 講堂坐位均預爲編定學生依次列坐不得任意挪移 第三十九條 每點鐘課業之始終各學生起立對於教習作禮 第四十條 每點鐘上堂

下堂均以鳴鐘爲號 第四十一條 每點鐘休息十五分由教習引率衆生在講堂外游散 第四十二條 講堂上學生遇教習詢問知者舉右手教習指其一人即起立答之 第四十三條 講堂上學生如有疑問必舉右手俟教習問之方起立致問 第四十四條 學生在堂內概不許攜跟隨之人其應照料之事概由學堂役婢行之 第四十五條 本堂於飯廳預備茶水不許學生自攜飲食亦不許在講堂內喝茶 第四十六條 凡講堂內外宜潔淨無論何人不許涕唾於地 第四十七條 講堂內圖籍概不得污損牆壁椅案不得塗抹 第四十八條 每天功課完後由教習指揮衆生整理講堂然後由本堂派役婢灑掃 第四十九條 裝服 第五十條 學生裝服宜樸實不宜華侈雖富家大族既到學堂亦必去奢崇儉 第五十一條 學生相交尤宜誠信謙讓不得挾富貴而輕侮他人 第五十二條 參觀 第五十三條 凡欲至本堂觀覽者必經總理允許方可進內 第五十四條 父兄會 第五十五條 每學期數次由本堂請各學生父母兄弟來堂由總理教習說明本堂教育宗旨方法及學生進步情形父母兄弟有關乎本堂教育意見之處儘可說明彼此考究以期與家庭聯絡一氣有益於教育之進步漸臻完全 第五十六條 通知簿 第五十七條 本堂以通知簿一本交各學生凡遇事須

通知於家庭者則記註之學生每天回家之後請由父兄查看簽字 附則 第五十四條

本堂開辦伊初暫收六歲以上十二歲以下之女子三十人 第五十五條 本堂擬附設幼稚園及保姆練習處其開辦之期另定之 本學堂擬先延請英文法文東文女教習及漢文普通女教習數位均通中國語言文字 本學堂每月初一十五兩天設學術實驗演說會 本學堂一自開學之日起每至一月考試一次總經理教習監場每次考試時由總理教請贊成員及大名譽大老監場並可隨意抽考面試一二生教習仍均在座 本學堂係屬初立所擬各項章程恐有未妥之處求四方熱心君子苟有卓見可以裨益本學堂者如蒙名媛淑女及京外女學堂學生親臨考察並一函示遵即改易由本校女經理接待領教一切務期盡美盡善本學堂所有開辦一切經費先由總經理人沈鈞之母王氏認助銀二千兩以作租賃房屋置備校具書簿器具等件并改修門窗修理房屋之用擬試辦半年之後倘力有未逮或欲擴充再與諸名譽贊成員互相討論續辦以垂久遠 本堂現無在外募捐等事如有樂善之君子隨意資助堂內應用圖籍文具課本等件必當登報鳴謝 本堂每月經費統共需用若干均須按月開明清單登諸各報 前擬二十四五條之內或因家計不及於脩金火食費者抑一時囊乏未便實有真心向學者恐因資費不足至使

阻志中止未免有向隅之歎殊爲憾事現有本學堂總經理人沈鈞之母年已七十有二自願將家計累年積蓄傾囊資助有志向學而力不足之女學生或全數代付或代付幾成均可樂從以成其美然須於報名時聲說明白面爲訂定 創修本堂各項章程幫助經理人 大學堂總教習服部宇之吉 女幫經理本堂一切事務服部繁子 女經理人沈貞淑 總經理人沈鈞字綬青 計延請女教習 服部繁子 佐伯園子 加美田操子 林氏 二女士 李淑貞 中外贊成員 刑部侍郎胡燏芬 內閣學士吳郁生 候補副都統 治格 掌京畿道監察御史汪鳳池 翰林院編修汪鳳梁 戶部郎中卽補道薩蔭圖 江蘇候補道楊書雯 分省補用道唐家貞 候選同知吳熙賢 直隸候補知縣侯奎 候選知縣汪立元 江西通判彭詒孫 揀發廣西委用知縣周岸登 中書科中書杭慎 修 候選知縣陸俊良 揀選舉人曾學仁 府經歷韓景珍 華德學堂經理李海晏 譯書局員王徵 國子監典簿銜廩貢生朱淇 廩膳生李詢 同知銜楊紹渥 文生文 貞 文生恩福 大學堂總教習服部宇之吉 八旗高等學堂教習佐伯信太郎 順天 時報館總辦上野巖太郎 比國府繙譯官林阿德 華德學堂總教習里布克 日本醫 員川田德治郎 經理人 總經理人沈鈞襄助學堂一切事務 經理人服部宇之吉

教育

三百四十四

十二月

勤助學堂一切事務 女經理服部繁子 女經理沈貞淑

各省教育彙誌

直隸 直督袁慰帥以泰西各國惟法國普免小學生徒學費其餘各國多令學生自出少數之資納於學校其不足者乃由國家補助吾華人數甲於全球若及歲兒童皆資官費公家安有此力普及何自實行特議凡紳民歲入在制錢三百千以上者歲抽其百分之十或五以爲公立小學之費有不遵者除命盜重案外所有本戶財產之訟立案不行奏請著爲新例所有學生學費應酌定數目概歸自費其實在貧苦無業者方准照西國貧民學校辦法豁免學費已札飭學務處妥議具覆矣 河南府近設一廣育學會附屬於中學堂以推廣合郡教育勸導改良私塾爲宗旨並於會中設研究所使城鄉官私中小各學得以聯絡一氣務期以羣策羣力達其目的 望都俗尚務農耕田鑿井靡備者亦所不廢近以墨守成法農務未興近經該縣籌款設一農業學堂以圖農督而興實業 天津縣唐大令以治獄莫大於人命定獄莫重於抵償而研鞠提要之機則自相驗始近來整飭廉政提倡學校政法吏治各有學堂而作一編尙在觀如似非所以慎重人命特詳請直督於省城法政學堂內附設作學堂分飭順直各州縣選派一二人送堂肄習相驗屍傷蒸檢之法並准其子弟進學堂肄業一體出仕與齊民伍以除從前惡習業經袁慰帥批准開辦 天津廣仁善堂創始於光緒初年原設有養工盡力田等所自庚子亂後諸務停廢茲經袁慰帥札飭運司津道爲總董就原有房屋重行修葺並將各項進款逐細清釐以作設立女學之用 保安州收近仿半日學堂之法設立教育算學館於每日午後四點鐘演說國民教育五鐘至六鐘教授算學無論士農工商皆可報名就學一概不收學費以期推廣教育云 奉天 振武學生陳嘉樂之母近在省垣大東關倡辦淑慎女學堂額設四十名所訂章程亦極完備已稟明學務處立

案按年由學務處撥給津貼銀二百五十兩

山東 濟南張君心銘近集同志倡辦一競存學會刊發公啟招致各塾師入會整中課程按學生之程度分爲三級選定課本按級授課每月會課一次列優等者以各種書籍爲獎品並贈各塾師以名譽牌預算常年經費需二百餘金暫由名譽員捐集徐國擴充 蕪縣丁氏向會捐有京錢四萬餘串存莊生息爲歲科兩試新生學院備學規畫之用今因科舉已停爰將此款設一中學堂即以教官爲監督

江蘇 滬上伶人潘萬勝夏鳴皋等聞山東堂邑丐者武訓苦志經營克立三校自願伶雖賤役亦國民之分子何遽讓一丐者專美於前因引合同輩就上海城內伶業公所附設初等小學以救貧民子弟所需經費均由渠等自行籌措又擬於小學內附設今樂改良會延請通才參合外國美術擇其有關社會者從新扮演使舊日子弟不復以俚劇敗俗已具稟江海關道轉詳江督暨學務處立案 吳淞羅店鎮董事潘太史鴻鼎設立小學堂一所即就本鎮學海書院修理作爲校所 武陽商會董事郭次濟吳幼如趙澄卿諸君公議提會中餘款辦一半日學堂課程暫設修身習字國文算術諸科 鹽城士紳近於本縣文廟內開設自治學社推陳君玉樹爲社長星期演說餘日肄習國文歷史與地算學測繪東文體操諸科已稟請地方官立案保護 通州張君叔儼近於唐開河東設一豫教生徒學校專收紗油麪商等廠暨染織考工所生徒並執工子弟入學肄習國文算術測繪口語工藝體操六科不取修金

安徽 皖省大吏近遵練兵處奏定章程設立陸軍小學堂已相定省城外五里廟西北地方鳩工開築 懷慶縣於鳳閣明府近與該邑士紳商提實與公車各費設一小學堂即就書院改建開辦

江西 贛省農工商礦局近於試驗場內設一實業學堂業已開辦 德化徐君廷蘭近集同志設立女學一所學科分

教育

修身國文歷史地理算學美術體操七門聘本邑蔡本張女士爲教習學者頗衆

浙江 浙省鹽商領袖沈君協軒集衆議定於鹽引項下按票提款每歲約五千金就浙皖公所內設一學堂學科一切均仿胡氏捐建安定學堂章程辦理 嘉善孫君鳳仙等近捐款設一學堂名曰善羣已開辦 湖州歸安縣屬之練溪鎮風繁盛向有施濟書院久未開者又有義塾二所統計孩童不滿十名殊屬有名無實近經該處士紳程君增等聯名稟請學務處將是款開辦學堂舉熱心教育之蔡君綠農爲堂長當蒙批准開辦 甯波月湖書院久已頽廢而歲入經費六百千總近經部紳張君美翰等稟呈甯府存案改爲學堂業經批准再由滬匯項下撥洋五千元俾爲開辦經費

湖北 鄂督張香帥以各省營勇大都目不識丁今各省普設軍小學堂鄉村推魯之子皆得入學受教而在營兵勇反無開啓文明之望殊非所以重武備奮精神因飭令兩湖各營一律添設附營學堂所有兵丁皆令識字講習營規軍例戰策地圖各要事其教習暫以營哨書記等充當之 江漢關道繼觀察札飭漢陽府將中學後堂改爲道師範學堂汪太守當即遵辦 夏口廳近奉上台札飭開辦初等小學堂八所以天都巷法印巷廣濟堂十方庵觀音堂后樓宮殿家巷黎明宮等處酌量修改 保康縣僻處山谷文獻闕如茲經該縣朱大令就原有之東山書院基址以改爲之并羅收捐款約獲二萬餘金稟明各憲大興土木一俟工竣即行開學 黃梅縣永慶寺住持法明捐助該縣小學堂經費千金經縣主稟奉省憲賞給匾額一方以示獎勵

湖南 湖南自第一女學堂停辦後雖有二三志士力謀恢復終以頑固黨側目未果近經師範附屬小學堂校長向君及師範學堂教務長廖君力排百難盡出新資獨立一女學於城南公舉向君任監督其夫人任監校規條課目均稱完善入學者絡繹不絕向君等方以校舍狹小爲憂有周君家純慨然將己宅改充校舍并合籌經費添設女子師範科來

學者更盛向周諸君近又謀之俞胡二君擬設法合力擴充云

四川 成都某君以省垣丁租小販不識字者過多特集同志於青龍巷藥王廟設一啟悟夜課館學科分修身國文珠算心算物理地理六門

廣東 南海某庶常近與某孝廉合辦一師範學堂以爲小學之預備擬即借西湖書院爲校所 番禺陶君敦勉招集同志設一番禹公學議提捕屬及四司冊金入息禺山租息及酌提明倫堂清流沙田租爲常年經費其開辦費則於番禺捕屬冊金局經營歷年積存項下提出萬金以作是用又有謝君國華等亦於河南海地方設一南武兩等小學堂 南屬神安司巡檢于君式格近提屬內大通優秀水局十餘堂歲入餘款每年共計千金開辦一小學堂 番禺古壩鄉韓姓素殷富生齒亦繁近聞該姓同族公議設一女學堂一切經費概由祖管撥出聘謝清華女士爲校長 香山志士多人近合辦一女學堂額設五十名聘黃九菊女士爲總教員沈權一女士爲分教員 澄海學界中人以科舉已廢學堂急宜開辦特就學務公所旁舍設一師範傳習所延請教員講習師範以爲普及學堂之預備 嘉應劉巽昭女士自幼嫻習文學常發願爲女流放一線光明近經其舅黃鈞選觀察發議試辦女學一所即以女士爲教習 興甯羅浮可地方距城百餘里殷富甚多而習學者絕少茲經巫君汝梅倡辦學堂一所以隔覺愚民云

廣西 桂省開辦警察頗著成效惟警兵均係未受教育之徒猶未盡善近經臬司王鐵珊廉訪創辦警察學堂即附屬警察總局分爲永久速成兩科 平樂一府距省最近而風氣未開學堂尙未開辦近來通省郡治除柳慶思三屬殘破太甚民不聊生尙無暇顧及學務外其餘潯梧鬱色太平等府均已次第興學惟平樂一府尙在闕如故桂撫李仲帥特飭高等學堂監督沈道贊清前赴平樂府城督率府縣開辦中小學堂所有平樂管轄之永安恭城富川昭平賀縣修仁

教育

三百四十七

乙巳

浙浦等州縣一律察酌起送興學以廣教育而啟文明

各省遊學彙誌

京師 練兵處考取各省各署咨送學生及格者一百零八名赴東學習陸軍計學務處一名陸光熙兵部三名葉傑雷
振備李祖讓京旗練兵大臣咨送德山等十六名盛京將軍咨送陳家樂等三名直隸咨送李兆翰等二十九名熱河都
統咨送容實一名山東巡撫咨送潘守楨一名山西巡撫咨送王炳濤等四名綏遠城將軍咨送關鵬秀一名兩江總督
咨送周應時等三名江甯將軍咨送松興一名江蘇巡撫咨送俞浩然等三名安徽巡撫咨送孫象震等四名江西巡撫
咨送余維謙等四名浙江巡撫咨送吳思豫等三名杭州將軍咨送文旗一名貴州巡撫咨送周輔儒等二名閩浙總督
咨送王深等五名福州將軍咨送文潤一名四川總督咨送鄧朝華等三名成都將軍咨送文鍾一名湖南巡撫咨送彭
廷儀等三名湖廣總督咨送李向榮等五名荊州將軍咨送德榜圖等二名陝甘總督咨送包述佐等名數未詳陝西巡
撫咨送塔模等五名其他如學務處咨送高振霄等若干名均不及格未便咨送出洋云

奉天 遼陽州西南大道灣居住張振剛乳名挖子吳家台居住李鳳瀟乳名長太年均十四歲同就學於張宗堡曹某
處二人天質穎敏頗知向學忽於六月十七日請假赴街市買筆墨各於其家有交之舖商借四圓託言爲其學房購柴
之用傍晚未返其師疑之遣人至其家並街市尋覓渺無蹤影因詢其同學平日有何舉動云前數日伊二人曾密書
二函不令人看不知何事師命搜其行李書籍果得二函其略云二人同赴日本游學出於自己志向與師無涉並言其
父母年尚壯其祖父母有其父母侍奉俟十年後學成還鄉再盡孝道等語之二生者可謂有志之士而乃竟出之於未
及歲之童豈不聞道之難足見我國人心學界大有發達氣象矣

江西 南豐湯君某自備資斧赴東講學已由該地方官出具文牒詳送學務處轉詳給咨東渡

浙江 浙省保送官紳赴日肄習政法速成科限於定額向隅者多茲聞王參軍錫祉沙少尹周王茂才爾崑等相繼投稟學務處請咨往日本留學作為自費生業已准如所請

湖北 鄂中自張香帥提倡教育以來留學東瀛之官費生較他省為多辦習實業各有專門所派高等商業及印刷音樂等件均為中國現世最急最要之業近聞各科畢業者已有十二人聯翩返鄂茲將各生姓名臚列於左 高等商業畢業生權君量王君環芳張君鴻藻印刷畢業生權君國瑞劉君文度鄧君裕澄易君奉坤姚君繼汪君揚善音樂畢業生權君國垣黃君子繩蘇君鍾正 牙醫局總辦賈子年觀察遺其弟印寶字者自費赴日本學習陸軍已咨請學務處發給咨文矣

廣東 學務處詳奉大吏准飭各屬派紳赴東講學茲聞平縣選定舉人張鼎勳高要縣選定廩生范晉謨均無嗜好已稟請學務處准其出洋游學矣 順德李君昂新年已八十有二向學之志至老弗衰尙欲前赴東瀛考求工業稟由學務處批准嘉獎謂其慕術公懿時之德有伏波據鞍之概求之環球實難其選已詳請督署發給咨文領資東行矣 潮陽風氣漸開出洋遊學者頗不乏人近聞林紳厚卿之子作新已偕蕭君鍾秀蕭君永名蕭君世廷等同往日本留學 貴州 黔風省氣大開講學者頗不乏人近由黔撫林中丞派生四十餘人遊學日本

各省報界彙誌

京師 北京創辦閱報社以西城爲最先東南城繼之惟北城除日新閱報社外尙屬寥寥茲有某君聯合同志議設一東北城進化閱報社於東直門內北新橋北大街路西其一切規模均仿照各處辦理又稟子卷亦新設一講報處關係玉器商程君殿元獨力捐創云

直隸 天津商務總會王君賢賓等近集同志創設天津報館暫以天津爲總匯將來推設以北京上海漢口香港廣州等處爲分枝在津者即名爲天津報立至某處即以某處地名爲名以收回我國言論之權爲宗旨業經稟准直督咨請

教育

三百四十九

乙巳

商部立案矣 保陽高等農業學堂同人近組織一北直農務報共分二十二門一社說二肥料三蠶學四土壤五森林六畜產七作物八農藝化學九農產製造十氣象十一園藝十二植物病理十三病蟲十四格致十五博物十六算學十七選錄十八談叢十九小說二十紀事二十一調查二十二來稿均以白話演說俾閱者易曉 東鹿縣令近商諸紳董在本城設立研究時政館凡於一切報紙有關學務農務商務軍務及工藝種植等事者購置多種並將 聖諭直解北洋官報國民必讀時事探新等類擇其淺顯易明者一律存放館中無論紳商士庶均准隨時到館閱看其有鄉民文字欠通者並令紳董輪班講解必使領會而後已又每日宜講 聖諭一二則以期啟發人心云

河南 衛輝府風氣銅蔽民智未開近有某君招集同志設一益智閱報社購備各種報紙書籍任人觀覽不取分文 江蘇 常州新羣書社前曾有閱報公會之設茲聞某君等以常郡地廣人稠祇設一閱報處尙難遍及故又議定借圖書館中再添設閱報社一處以惠士林而開風氣云

廣東 外國新聞報紙之外 有各項畫報所以開發民智助益教育意至善也中國近今報界已逐漸開通而畫報尙在闕如粵東某君因招股創辦時事畫報以餉幼稚園及婦女界之留心時務者

僑商游學

西貢一埠法人設立學堂多所專教土人而華商十餘萬人無一公立之學堂近爲前駐法孫星使所聞特派員至該埠查察情形倡捐銀一千元責成商董李君佑宗籌款開設學堂近聞李君之子名琮者已自備資斧前往巴黎游學堤岸富商張泰之子家榮亦自費往日本游學

韓語設堂

前駐韓會星使以中韓兩國交涉日繁將來界務商務等事必多討論非有專嫻該國語言之才不足以資應用特奏請在該國使署附設韓語學堂已由學務處議覆奏准

版 出 館 印 務 商
書 科 教 室 學 範 師

初 等 小 學

師 範 教 科 書

欽奉 明詔停止科
舉廣設蒙學現在各
省紛紛設立師範學
堂及速成師範傳習
所誠爲當務之急本
館特聘日本有名教
員及本國熱心教育
諸人組織速成師範
講習所隨時編譯各
種教科書先經實驗
再三翻訂以期適用
陸續出版以應急需
茲將書名開列於下

- | | | |
|-------|----|--------|
| 教育學 | 一册 | 價洋二角 |
| 教育史 | 一册 | 價洋二角五分 |
| 教授法原理 | 一册 | 價洋二角 |
| 學校管理法 | 一册 | 價洋二角 |
| 論理學 | 現印 | |
| 物理學 | 現印 | |
| 中國文典 | 現印 | |
| 理科教授法 | 現印 | |
| 各科教授法 | 現印 | |

商 務 印 書 館 印 行

商務印書館出版
國文類教科書

文學初階

初等小學用

卷一卷二卷三卷四每册一角
卷五卷六每册一角五分

紹興杜亞泉著○書分六卷自淺入深循循善誘始以一二字相聯綴導其先路繼以三四字成詞句後其進步依次遞進如升階梯篇中詞句淺近意取明晰務期童蒙易悟附屬數百幅凡飛潛動靜隨處應用等類靡不惟妙惟肖首卷並列教授諸法尤便講解學生約半年讀一册足敷三年教課之用

馬氏文通

洋裝每部二册
價洋一元五角

丹徒馬建忠著○馬君叔觀察精通拉丁法蘭西文字曾惠教文集紀其在法國學校卒業考試情形可為我國言西學者之先進矣是書專論中國文法統解詳明開數千年未宣之秘觀察自序謂積十餘年之勤求探討方成此編可想見其下筆不苟今承書主以是書歸本館專印專售

漢文教授法

每部二册
價洋六角

傳慶主人譯編○作文之學中國向少法程初學恆以為苦是書採古大家名文辨別體裁區分門類由句法而段法而章法逐一講明條理清晰教授之法此為捷訣

伊索寓言

每部一册
價洋三角

國縣林紓侯官嚴培南嚴璩合譯○伊索自希臘距今二千五百餘年是書藉草木鳥獸寓言之言極寫人情世態使人知所勸懲泰西各國學堂無不譯成本國文字用為課本並書英文大譯出譯者足稱原書聲價林君並逐譯附原案詳明是書深詞熟語數十長卷一册誠少壯子弟之良伴也

宗教

論法國限制教會學堂事因及宗教過去未來之狀況 錄乙巳十月初五日南洋日日官報

西歷一千九百四年。法國政府。頒行禁閉教會學堂新例六條。略謂曾經奉准專事設學之教會。限十年期內。一律禁閉。自此例頒行之日始。即應遣散會友。不准再收新徒。惟貧病幼童。不能入官學者。不在此例。又預備分遣別國及屬地之徒友。仍准在法教養。以足敷遣用爲度。但不得收二十一歲以內之人。又限一月內。各教會造具在會人數清冊。呈送該管地方官。僞造及抗不造報者科罪。其財產則政府派一專員。點驗注冊。代爲經理。非經該員允准。教會不得私自轉租出售。其捐贈該會。專爲設學之財產。勒令撥歸會中別用。否則一併變賣。撥充地方學費。此例可謂嚴切矣。奪其教育之事。限其徒友之數。復檢束其財產之權。而其主眼。則在禁收二十一歲以內之人。蓋不欲以宗門迷信。陷溺有用之青年。迨至弱冠。皆受過國家之教育。心志已定。託業已成。復願束身而執教役者。鮮矣。此釜底抽薪之策也。夫法蘭西者。舊教信仰最篤之國也。乃近年以來。頻謀削放教會教育之權。其徒屢與政府相衝突。而卒毅然不顧。務達其目的而後已。此何故邪。宗教其有衰者機邪。

記者曰。此時勢爲之也。蓋宗教盛衰之氣。運與人智開發之程度。世界進化之階級。互相爲因。互相爲果。而不可以人力爭者也。彼法人與教會。皆被推排於時勢之中。而一則不得不進。一則不得不退耳。請徵之過去之歷史。研究其進於現在之情狀。而因以推測夫宗教未來之前途。

自第五世紀至十五世紀。一千年間。爲宗教持世之時。各國戴教皇爲共主。兼君師而一之。故一切政教之權。皆在僧徒掌握之內。其時學堂教科。雖分拉丁文。論理學。修詞學。算術。幾何。天文。音樂。七科。而拉丁文。則爲研求聖經之用。修詞學。則爲攻辯異教之用。算術。幾何。則爲經典中有度量。殿堂之用。音樂。則爲禮拜之用。凡諸學科。一以理會經典爲目的。至於社會實在之知識技能。如地理。史志。物理。博物。諸科。均無之。其有討論哲學。文學者。至目爲異端。務束其思想於淺褊。陋之中。使舉世陷於茫昧。無知之域。直謂除宗教界外。萬物皆無真理。故史家稱之曰黑暗時代。誠哉其黑暗也。

夫教育之腐敗如是。即教會之腐敗日趨極端。教皇既恃其勢力。驕奢淫佚。教友亦放蕩貪鄙。無所不爲。人民之蔑視日深。信仰即日淺。於是反動力生。而有宗教改革之事。泊十六世紀下半年。新教大行。漸脫倚賴僧侶之結習。而教育界上。遂發一綫之曙光。大倡普通小學。

之制。務使學者之身。不爲嚴酷監督所拘囚。其心不爲狹隘教規所窒塞。而以學堂爲怡樂之地。雖其弊偏於徒讀古書。仍不能求應用之知識。然而自由探討之精神。實基於是時。未幾無數大思想家。接踵而出。哥白尼。研求天文學。始發明日月地球之關係。卡利列。創造千里鏡。始發明木星有月。及太陽之繞本軸自轉。奈端。始發明吸力之公理。達利。惹利。精造風雨針。克利克。作空氣噴筒。其時東通印度。西通美洲。新智識之隨地理而來者。日有所激刺。令人悟古學不足信。宗教不足服。羣知研求日用資生之學。問於是。打破千數百年腐敗之宗門。而種出十九世紀文明之結果。

然而當是時也。每一新理出。一新法興。教會必怒目切齒。以爲非聖誣天。視若仇敵。或拉燒其書。或虐殺其人。務摧抑之使不得行。而其勢卒不敵。蓋人民之智識與教育之改良。日有進步。新機已動。不可遏止。譬猶處閨室而觀天光。且窺見外界樓臺花木之奇麗。衣冠士女之豐昌。怦怦然神爲之往。而猶欲鎖繫之於斗室之中。不令出游。且告以外界之皆非真相。夫誰得而信之。又誰得而從之。

自是以來。自由之主義發達。遂因宗教之改革。日促政界之改革。各國皆從民意而定立憲法。彼教皇雖欲仍用其愚弄專制君主之威力。以壓制其人民。不可得矣。迨乎法蘭西奪教

皇之封地。意大利占羅馬之都城。教勢益掃地以盡。即教士之在各國者。政府皆削斂其優異之權。一切平等。其所委於教會者。僅宗教之教育。若夫學校。則國家自主之。一切專門學。皆脫宗教之羈絆。而國家爲之保護。其自由浸淫。訖於近世文明進化。面目一新。遂一變而爲科學持世之世界。

然則此千餘年間。宗教盛衰之氣運。與人智開發之程度。世界進化之階級。非互相爲因。互相爲果者乎。要而論之。可分爲三大時期。自第五世紀至十五世紀。爲迷信神權之時期。十六世紀至十八世紀。爲理想推測之時期。十九世紀。爲科學實驗之時期。

蓋中古之民愚而無知。動輒畏怖。聞宗教家神奇異之說。以爲實有其事迹。而敬重之。信服之。使野蠻之人心。皆歸束於此點。故第一期。爲宗教全盛之時。及人智漸開。由迷信而疑惑。由疑惑而討論。遂不安於思想界之奴性。自欲求天地人物之理。任意推測。而不問其實之証如何。故第二期。爲宗教始衰之時。至於由理想而知實驗。則吐棄一切空虛之說。專用歸納法。依據事實。以求真理。其說始較先二時期爲堅確有用。而物質之文明。遂從此日新不已。故第三期。爲宗教全衰之時。

此三大時期者。皆於無形之中。推排前進。而不可以人力挽回者也。已至理想之世。則不能

再。還。於。神。權。之。世。已。至。實。驗。之。世。則。不。能。再。還。於。理。想。之。世。使。耶。穌。之。十。二。使。徒。今。日。再。生。而。欲。以。千。年。前。神。權。之。說。教。誘。人。民。而。與。今。日。發。明。之。實。理。相。背。而。馳。可。斷。斷。必。其。無。濟。也。是。故。處。今。之。時。勢。而。宗。教。家。欲。永。存。其。教。難。矣。

雖然。猶。有。說。前。所。謂。三。大。時。期。者。不。徒。依。古。今。之。時。世。以。立。言。即。同。一。時。世。之。民。亦。常。有。此。三。種。之。知。識。有。上。等。知。識。者。信。實。驗。有。中。等。知。識。者。信。理。想。有。下。等。知。識。者。信。神。權。大。抵。一。國。之。人。上。等。知。識。居。少。數。而。中。下。等。居。多。數。故。宗。教。之。說。猶。得。綿。綿。延。延。不。絕。於。今。日。文。明。之。世。者。賴。有。若。等。之。信。仰。而。已。惟。逆。揣。二。十。世。紀。之。世。界。地。球。萬。國。學。校。大。興。教。化。發。育。之。功。必。能。使。下。等。知。識。者。升。為。中。等。中。等。知。識。者。升。為。上。等。既。有。中。等。之。知。識。則。不。復。信。神。權。既。有。上。等。之。知。識。則。不。復。信。理。想。其。時。咸。以。科。學。為。身。心。性。命。之。事。試。問。彼。虛。誕。之。宗。教。將。於。何。處。容。喙。何。處。置。足。邪。自。然。淘。汰。之。勢。所。不。可。避。也。

日本西村氏之言曰。自今以後。欲宗教之永存於世。非應時世之變遷不可。欲應時世之變遷。非變化其教不可。欲應時世之變遷。變化其教以適於實理之世。非為哲學實理之形不可。又曰。凡諸宗教。其中皆含有精妙之理。而奇怪虛誕者。亦正不少。及人智益開。知其奇怪虛誕而厭之。併厭及宗教之全體。至置其精妙之理於不顧而概棄之。故宗教家宜及今除

去其奇怪虛誕。以存立純粹精妙之理。此非有防害於宗教。方欲爲宗教祝千秋萬歲焉。嗚呼。此彌縫遷就之說也。彌縫之術。斷難圓滿。遷就之計。極費調停。以之支柱一時。則可。而欲爲之祝千秋焉。誕矣。然則宗教之前途。誠危矣哉。誠危矣哉。

奉天教案新約

調辦教案花翎二品銜記名山東特用道彭 奉天全省天主教主教蘇 總辦奉天全省教案花翎叅領崇 爲訂議約章事原懷德縣屬大青山地方於光緒三十年九月初間天主教堂法國司鐸顧天性被鬪匪七名槍傷殞命並將教民劉文明槍傷甚重等情一案經天主教堂主教蘇知會盛京將軍府尹兩憲查辛丑年定章嗣後如遇民教相仇毀及教堂傷及外國司鐸之案地方文武官吏奏叅革職等因本應按例辦理無如奉天當茲不靖之時又係鬪匪作亂實與民教相仇之案不同文地方官既無兵權宜從輕議其駐紮該處之武官既不能先事預防又不能即時捕滅既蒙軍尹兩憲允將該營哨二官叅革以爲保護不力者戒辦理尙屬妥善自應一律了結所有議定約章六條開列於後 一除正賊二名業已由榮令拿獲正法外其逸賊五名限三箇月飭榮令回任嚴緝三箇月不能全緝亦宜拿獲二三名再限三箇月務獲究辦如終不能緝獲以俟榮令一年撤任後後任仍宜嚴緝

如尙不能緝獲仍應撤任以警怠玩 一該縣文地方官榮令善雖從輕議免其革職而尙有餘賊五名未經拿獲又有顧天性碑亭墳牆等事尙未興修專靠事外之官恐未必極力認真辦理擬將榮令善仍回懷德署任予限一年將碑亭墳牆經理修齊逸賊五名如數緝獲修碑亭事不准攤派百姓分文並不准與教會中爲難由今年四月起至明年四月止以俟辦齊後榮令善仍宜撤任出省不准在奉以爲保護不力者戒 一查辛丑年各國大約章外國司鐸被害宜立昭雪碑亭今既定議興建碑亭興工時軍尹兩憲仍令榮令善回任興修碑亭照省堂前修碑亭樣式並於顧司鐸墳外築磚圍牆高六尺寬一尺二寸統共方圓一畝地之方墳正面牆留一門門框用石框門塚用石墳塚上圓下方高一丈顧司鐸墳照舊不動以爲勸善者勉 一教堂受傷人劉文明一名軍尹兩憲擬賞撫卹錢五百元仰見愛民如子之仁 一蘇主教意欲立約籤押後共繕約章五分外務部一分軍憲署一分尹憲署一分法國公使一分省教堂一分並請軍尹兩憲咨外務部照會法國公使存案備查 一蘇主教意欲立此約後請軍尹兩憲將此約章刷印通飭各州縣立案曉諭通知並將此全約刻在碑正面以垂永久卽不另用碑文

大法國一千九百零五年三月二十一日 大清國光緒三十一年二月十六日

各省教務彙誌

山西 絳州某鄉民與教民因田產事涉鄰地方官袒教抑民將某鄉民嚴刑下獄該處民人大動公憤羣起與教民爲難經省憲委員查辦亦有壓抑平民之意該委員遂爲鄉民所斃州牧懼罪立即稟撫懇請土民勾引會匪聚衆爲亂等情當發續備軍前往剿辦行至中途釋放將此案情節詳細指陳始電止剿辦之兵另派委員秉公辦理

江蘇 清江耶穌堂長老會時往海州一帶傳教惟無教堂近來會中特在海州購地一方由教士米德安前往興建以資宣道

江西 新昌梁浦會匪煽惑鄉民鬧教一案其要犯久未弋獲現由許委員寶蓮及正任楊大令國璋並舒少尹會同署任在大令塔協力拿獲爲首之費紳詳稟省憲請示速辦云

浙江 安吉縣教案現已議結共立約五條一撥兵三百輪流保護聖事陸續撤回二共賠房屋並內物件銀洋等洋銀一千五百元三查明犯事首人送辦即於三五日內到案四出示曉諭各處保護民教相安五饒餘紳董互相保護

福建 海澄縣轄沿海一帶忽起江湖會煽民仇教勢頗猖獗近經修教士稟請英領事照會汀漳龍道札飭該縣詳查解散切實保護

湖北 黃陂縣天主耶穌兩教民因爭塘水構訟一案久懸未結近由鄂督札飭江漢關道委派夏口廳馮司馬會審公所吳大令會同兩主教磋商和平了結

湖南 沅江縣向無天主教堂近有教士賀鴻賓到該縣傳教先賃民居嗣由方某將白玉巷公產擅賣改造教堂續紳德尼致地方羣起公憤將巷村之一炬教士財地兩失向地方官索賠由縣令與衆紳商定撥借積穀款項購買對姓房

屋賠償教士始克寢寧

廣東 粵省前有日僧函致粵督請設教堂近由岑雲帥將日僧來函照會日本領事略謂查日僧來粵傳習佛教一事前接貴領事官照會當查此事先准外務部電開日約並無傳教專條礙難照准迭經照復貴領事官查照在案現在該僧不候核准竟在省城東門直街開設教堂實屬違約除將劉有慶強佔王祖那舖房一案飭縣從嚴懲究外相應照請貴領事官查照即飭該日僧無得違約傳教並將所設東門直街教堂即行撤銷以維睦誼云云 普甯縣令具稟省憲以天主教教士樊懋超干預訟事請照會法國領事官轉致主教將該教士撤退免滋釁端等情省憲閱稟後以教士傳教祇係勸人為善不得干涉地方詞訟載在約章樊教士任性妄為實出情理之外已照會廣州口法領事轉致梅主教立將教士樊懋超即行撤退驅逐出境不准再在廣東各地方傳教以免滋事云云 連州城西對河菜園壩地方有醫院兩所附近山巔名河村背有洋樓一所河村背西北之鵝公塘有教堂一所皆美國教會於十餘年前所設也十月初一日為醫院附近村民建醮之期聚飲者約數百人美教士麻義士不許其放礮竟將小礮三尊取去因之激動衆怒聞聲而聚者二千餘人初僅擲石滋鬧後更闖入醫院尋獲研究醫學之孩屍二具懷疑該教會有謀害人命等事衆情益形憤激遂將醫院及洋樓焚燒并欲得洋人而甘心麻義士等男女七人見已肇禍即逃往距城八里之龍潭寺洞中藏匿鄉民追至即搜獲不教士夫婦及麻義士之一妻一女並女醫車司納等五人當即將其斫傷並褫其衣投入潭中而斃麻義士及女僕帕德孫以該州官聞警馳至竭力保護幸得不死遂為連陽營王守備援救至省送交美領事衙門收納

第
七



七

十二
月

商務印書館新編
算學類教科書

洋裝
共兩冊

中學用
代數

每部定價
一圓四角

代數一術為格致底理中學要科舊有譯本非缺而不全即繁而寡要且閱時已久其法未免陳舊本館特請山陰謝君洪寶取美國最新中學教科之本纂譯是書綜其專長凡有三事簡要不煩完備無缺一也起手法引人人入勝二也設題新穎習之多趣三也刷印鮮明洋裝精緻猶其餘事各處學堂及有志獨修者試取用之

高等學
堂用
微積學

微分積分術為算學上乘吾國習算之士久已講肄嘗苦書籍之寡不足以資研究美國績學士潘慎文先生前著八線備旨代形合參二書久受學界歡迎今復纂譯此編付本館印行以備高等學堂教科之用其書價值無待贅述卷首論微積學源流可補疇人傳之遺未卷以微積推科學要題為最新最捷之法各學堂及自修之士均當奉為寶笈也精印西裝布面金標全部一冊定價一圓六角

商 務 印 書 館 出 版
格 致 類 教 科 書

學務大臣審定 格致教科書

洋裝一册
價洋五角

本館編譯○格致之要世人皆知新定學制各學堂皆有此科可知其要本館特請通才編為是書首總論二物質三熱學四光學五聲學六電學七磁學八重率密率彙輯名著采擷菁華簡要不煩最便初學

學務大臣審定 化學教科書

洋裝一册
價洋一元

英國史德爾著山陰謝洪實譯○化學教科苦無善本本館特請謝君取史氏最新刊本譯成是編綜觀全書蓋有三善一獨詳功用最宜實驗二撮要發問易於記誦三證繁圖瞭兼便自修可為化學善本矣

學務大臣審定 生理學教科書

洋裝一册
價洋二角五分

本館編譯○是編以法儒包培爾原著為本旁據他書略加增損分論行動養生覺悟諸具由人及物逐事闡明次章更推及植物尤足以見生理之善變辭旨淺顯最便初學

學務大臣審定 鑛質教科書

每部一册
價洋二角

本館編譯○我國鑛產甲於全球近議開采需材尤亟本館據日本鑛學諸書輯為是編皆舉其最要及應用必需者言之共分四章圖繪詳明

學務大臣審定 鑛物學教科書

每部一册
價洋二角

本館編譯○是編與前書性質不同前書注重綱要此則條分縷析務便學者書分二編上編為鑛物通論詳於形體理化下編為鑛物分論詳於品類區別與前書有相得益彰之用

天方夜譚

墨繼城大會記

愛民繼德與愛斯瑟德襁褓時。客馬力兒瑟孟。撫愛備至。稍長。受教於賢師傅。嫻諸學。並精技擊。敦篤天性。盡友于誼。言動意識。罔不合。以東西分處。不能晤接。請於客馬力兒瑟孟。欲同室居。許之。共一宮。供帳悉從所好。復以其英武有才畧。深相信任。比年十九。客馬力兒瑟孟每出游獵。輒命共攝國政。白達力與赫泰勒非斯溺愛尤甚。然白達力之愛子。不於己出者。而於愛斯瑟德。赫泰勒非斯亦如之。其始兩后以證篤若姊妹行。故互愛其子。洎二子長。美而艷。兩后心不能無動。亦未嘗不知內亂之可恥。特禮法之嚴。卒不敵其情欲之烈。蓄念有日矣。而愛民繼德與愛斯瑟德。則以兩后相愛。爲母子間常事。不知其實有它腸焉。兩后思既切。特不敢顯言。各擬以緘密探之。值客馬力兒瑟孟獵郊外。兩后不謀而合。乘閒施其計。日午。愛民繼德歸宮。一宦者惶惶左右視。以赫泰勒非斯私函進。愛民繼德啓觀。憤怒不可遏。抽刃指宦者曰。汝之忠於乃主者。固如是乎。殺之。卽往見白達力。面鐵色。探書於懷。朗讀之。曰。此赫泰勒非斯后致兒者。白達力怒曰。赫泰勒非斯后至賢智。汝何深拂其意。而鹵莽若此。愛民繼德駭曰。母亦不知倫理耶。兒非以父故。今日必誅赫泰勒非斯。言畢。拂

衣去。

白達力夙知愛民繼德與愛斯瑟德性行相同。觀愛民繼德之拒赫泰勒非斯。猶不知鑿而欲私愛斯瑟德之心。不稍斂。次日以箋述臆。固封之。命老宮婢持往。乘閒密遞。愛斯瑟德發書。氣若山涌。立斷宮婢首。懷書往見赫泰勒非斯。正欲出示。而赫泰勒非斯叱之曰。余知汝來意。汝亦如愛民繼德之肆其挺撞耶。亟去。後勿復相見。愛斯瑟德聞言。驚且恨。倉皇出見愛民繼德。互道兩后事。以遭此不幸。相對歎。而兩后恚二子逆命。頓欲致毒。僞語宮婢等。愛民繼德與愛斯瑟德窺聞來戲。言次。掩袂泣。痛誓不止。旋毀妝垢面。共僵臥一榻。佯爲悲涕。客馬力兒瑟孟歸見狀。驚詢之。不答。泣益甚。再三詰。白達力始拭淚告曰。妾等猝受辱。幾無顏見陛下。自乘輿出獵。而王子來宮中。欲施無禮於妾等。微力拒。幾不免。此二子竟甘冒大惡。妾等實恥爲其母。恐不復能長侍陛下矣。大號咷不止。客馬力兒瑟孟大怒。趣召兩子來。當手刃。爲阿民羅斯所知。力阻之。謂客馬力兒瑟孟曰。二子有罪。當明正典刑。事涉曖昧。尙宜詳察。勿造次貽悔。乃不得已。繫二子於獄。召阿廟之回教名蓋恩脫者。夜受詔。是夕蓋恩脫入見。客馬力兒瑟孟諭之曰。二子罪無赦。亟押赴郊外戮之。褫其血衣來。違命者死。蓋恩脫受詔出。率二子去。黎日。抵叢林。蓋恩脫下騎。以客馬力兒瑟孟之命垂涕告之。

且曰。不幸迫君命。進退維谷。願勿怨臣。二子曰。君父命不可違。余等當受戮。復何怨。言畢。兄弟相持哭。久之。愛斯瑟德曰。蓋恩脫。可先殺我。免覩阿兄慘死。愛民繼德急止之曰。長者先。兄弟爭先死。蓋恩脫哀之。爲墮淚。有頃。二子曰。余兄弟幼相愛。無一日離。望共縛使密切。使同時飲刃。幸甚。蓋恩脫許諾。泣請曰。殿下有遺言否。曰。不幸遭不白。致罹死罪。然終不敢怨君父。語盡此。望轉陳。蓋恩脫唯唯。拔所佩劍出。

時蓋恩脫之乘馬傍樹立。劍瑩利。舉時光若掣電。馬驚而大嘶以逸。蓋恩脫夙寶此馬。且轡勒皆珍物。恐奔失。逐之。遺其劍。馬儵忽不可及。將及復奔。旋竄密林中。蓋恩脫至息追捕。馬馳且嘶。而林中有獅伏臥。聞聲起。瞥覩蓋恩脫。奮前欲搏噬。蓋恩脫舍馬疾遁。獅追不釋。急不得脫。乃狂呼曰。天不當怒予。天不當怒予。余無寸刃。余死矣。獅驟搏。蓋恩脫仆。自分必飽獅腹。忽覺有人當其前。獅舍已而搏。視之。則愛民繼德也。先是蓋恩脫往逐逸馬。二子就縛。渴甚。愛民繼德謂愛斯瑟德曰。林右有泉。可解縛就飲。曰。命在須臾。胡事飲。愛民繼德渴不能忍。解縛攜愛斯瑟德去。抵泉側。聞林中獅吼聲。見蓋恩脫遺劍在地。檢之曰。蓋恩脫久不出。必爲獅困。當往救。共奔入林。獅已按蓋恩脫。將大嚼。見愛民繼德仗劍至。搏之。愛民繼德按劍待。無懼容。俟其近。力刺。刃入吭者尺。獅斃。蓋恩脫伏而謝。泣請曰。殿下出臣於險。臣何

忍戕殿下以自陷不義。二子曰。救卿私情也。殺予君命也。以私廢公。烏乎可。言次。馬循途至。立而喘。蓋恩脫維之。二子引領就戮。蓋恩脫正色曰。事有經權。請無自輕不嘗之身。貽後世議。若懼臣無以復命。但解衣與臣。臣自有處置。二子不得已。從其言。蓋恩脫復出珍物。資二子裝。倉皇別去。

蓋恩脫持衣往深林。蘸以獅血。策騎歸。往復命。客馬力兒瑟孟曰。事了未。蓋恩脫以血衣呈。曰。了矣。衣可證。曰。若曹受死時。有怨言否。蓋恩脫曰。無怨言。第哀呼曰。不幸遭不白。致罹死罪。然終不敢怨君父。客馬力兒瑟孟爲之惻然。取血衣審視。見愛民繼德衣袋中有遺物。出視之。則爲赫泰勒非斯私函。中有同心結。縮髮爲之。不覺手足俱顫。又檢愛斯瑟德衣袋中。則白達力書在焉。悔恨交集。兩手自搏。暈絕於地。良久始蘇。痛不欲生。涕流被面。自呼其名。曰。客馬力兒瑟孟。汝何憤憤至此。自殺其子。復望空擊膺而哭曰。兒無辜。乃甘就戮。而不一言。是何如仁孝耶。予殺無罪兒。天地不予容。予自幼懼女禍。不欲娶。乃不能堅其志。果以是獲厲。正天所以警予也。又詈白達力及赫泰力非斯曰。毒哉二婦。狗彘不食爾肉矣。殺爾。徒汚刃。言次。命立幽之永巷中。嚴守之。

愛民繼德與愛斯瑟德別蓋恩脫後。走沙漠中。恐爲覺察。就荒僻徑以行。入夜互爲臥守。防

虎豹。若是者匝月。抵一危嶺。山石犖确。色黝黑。崖壁矗萬仞。陡直不能容趾。久之。察有小徑。細如蛇。詰屈而上。崎嶇偃仄。艱於履。復沿山覓道。稍可步者。不得。徘徊觀望。計無所出。乃奮自鼓。循徑先後登。援附藤石。愈進愈險。前者之趾。及後者頂。歷一日。尙未達巔。薄暮。愛斯瑟德履爲之裂。足痛楚不勝。泣曰。兄勉自前。余足破力竭。不復能上矣。愛民繼德慰之曰。弟勿自傷。盍少休。月上再進。至極頂亦不遠也。乃共席地坐。俄雲際月出。愛斯瑟德力漸復。遂相與達嶺首。一俯視。則足心酸澁。膽欲墜落。復息少許時。愛民繼德旋起。攜數武外。有樹聳然。時近之。乃石榴樹也。實纍纍。枝上。往引愛斯瑟德至。樹側有泉穴出。澄而淺。乃飽食榴實。就泉濯手足。臥。晨起。愛民繼德曰。予等可下嶺矣。愛斯瑟德曰。余疲甚。當憩二三日始能行。奈何。愛民繼德遂爲覓崖洞共休止。採山果爲食。語及被誣事。輒獨足流涕歎息。越三日。相攜下嶺。路乍寬。乍窄。至峭削處。尤栗栗。凡五日嶺盡。得坦途。城堞入望。愛民繼德謂愛斯瑟德曰。弟於此少待。余將潛入郭購酒食。並探爲何所。驚弦之鳥。懼懼不測。願獨往。愛斯瑟德曰。兄萬一有意外虞。弟心何安。願代兄往。弟不忍予罹不測。予豈忍陷弟耶。愛斯瑟德堅不從。不得已。聽之。據樹以俟。

愛斯瑟德行未數十武。邂逅一叟。服麗都。手杖。度爲長者。前請曰。欲之市。以何道往。叟睨笑。

曰。子殆異鄉人耶。曰。然。叟曰。適市將何求。曰。僕與兄跋涉兩月始抵此。兄德息郭外。擬爲購食於肆。幸得瞻長者。叟曰。子來甚佳。予今日饗客。治具悉備。不厭輜瀆。請須臾於敝廬。尙當以不腆之穀核奉賢昆。則子可免奔走。此間澆薄。子幸遇老夫。使執途人而問道。殆矣。僕土著。習謠俗。少頃當觀縷以聞。諒不見鄙也。愛斯瑟德聞叟言。感無地。曰。幸蒙高誼。謹從長者命。於是叟前導。數掩口胡盧。狀殊詭譎。繼見愛斯瑟德屬目。亟莊其容。抵一宅。引登廳事。庭設一巨盆。火煜然四耀。有叟四十羅拜之。愛斯瑟德大駭。知爲異端。而身入險地。不寒而慄。叟旋與諸老爲禮。大呼曰。火神教徒。誠幸事。幸事。祭物已獲。革斯朋何在。聲鏗然達戶外。突一黑人入。卽革斯朋也。見愛斯瑟德俯首立。色若喪。卽知叟呼己意。逕奔愛斯瑟德。猛擊之。踣東其臂。叟曰。可曳去。囑余女波士特里與克肥馬守之。日加以鞭撻。昕夕予乾餼半。俟往藍海朝火山。挈以供神食也。言竟。革斯朋立曳愛斯瑟德去。徑敲門。至一窟室。有石階。復曳之下。梏愛斯瑟德兩足。旋出。至兩女所。而叟已先在。叟語女曰。汝等可詣獄。以例待回教人法。撻來囚。余家素崇祀火神。非此不足明虔敬。兩女各挾一鞭欣然往。褫愛斯瑟德衣。棍痛。扶之。血肉狼籍。呼晷暈絕。兩女委乾餼瓶水於地。掉臂去。愛斯瑟德久乃漸蘇。自悼遭此無妄。死不旋踵。使愛民繼德知之。甯不迫痛。繼又竊慰。幸已獨來。尙不至同及於難也。

愛民繼德俟愛斯瑟德於郭外。日暮不來。灼甚。入夜。跡仍杳。就山麓臥。不能成寐。辨色起。入郭。往來人衣履悉與回教異。詢其地。曰。此墨繼城也。民多奉火教。火教徒稱曰墨繼。故名其城。愛民繼德思被難出奔。踰越山嶺。越四旬。卽至墨繼。不自意如是迅速。疑爲神助。行且思。已抵闌。見衢右有縫人肆。主者著回教衣。卽趨與致禮。縫人延之坐。詰何以走倉皇。以覓弟對。曰。君弟苟爲異端得。無復見期矣。并慎自防。陷阱隨處而有。余與子同教。將以彼陰謀語君。君或不致陷弟轍。愛民繼德以失愛弟。焦怛不自勝。不得已。僦居於縫人。探弟蹤跡。且以避害。足不出戶者匝月。

未幾。膽稍壯。自問不致爲墨繼人所給。一日浴歸。道少行人。遇一婦。婦見愛民繼德衣楚楚。丰采甚都。揭鬢面巾。眼波縈轉之。詢曰。君焉往。愛民繼德覩婦有殊色。情不自禁。曰。余漂零無所歸。欲趨謁。得無見拒。婦笑曰。何言之躁。君視予何等女。而遽共男子歸。余甚苦奔走。欲就君家憩。君亦見拒否。時愛民繼德自度。苟導婦往縫人家。縫人必鄙己爲儂薄子。拒不納。且己亦不得留。倘詣婦所。或邂逅異端。遭不測。又鮮相識。無託足處。不能共婦情話。益自惆悵。然戀婦心馳。騁不能已。不知所答。姑偕婦去。頃之。見一巨室。戶深鍵。寂無人。左右列修磴。琢石爲之。愛民繼德憊甚。就石少息。婦亦嬌弱不勝。隨之坐。曰。此君居耶。愛民繼德嚙嚙曰。

戶鑰付僮。適市沽酒去矣。當久待。奈何。婦怫然曰。傭乃誤事。可恨。歸來後。君若不夏楚。當爲代懲之。卽拾石挈鏢。愛民繼德大恐。又難阻止。亟曰。望稍待。小奚當至。婦曰。君狀張皇。諒此非君室也。損一鏢。失無幾。何恠爲言已。大擊鏢裂。戶遂闢。於是婦先入焉。

愛民繼德見鏢裂。大驚。恐主人至。已得罪。欲乘婦入室後遁去。又貪其娟媚。不能捨。猶豫間。而婦人以不見愛民繼德入室。復出。笑謂之曰。徘徊戶外何爲者。盍入室盡歡。愛民繼德曰。室樸陋。未治具。懼褻。僕倚門俟小奚歸也。婦曰。僮來當入室。無事久待。愛民繼德辭窮。遂偕入。中廳事。四壁皆白石。翼以廊廡。相與循登。廡之右。有精舍數楹。設甚麗。食几二。一列殺核。一鮮菓。旁有案。蠹蠹羅名酒。愛民繼德大懼。自度已墮術中。命不知在何時。恐不能與愛弟相見矣。時婦顧而大樂。笑曰。君早具。尙假辭於僮。豈別有屬念者在。雖然。予皆不問。君毋志忑也。愛民繼德於鬱伊中聞婦言。頗爲之解。曰。卿殆誤會。此僕常供耳。然心忤忤不甯。蓋以饌有主者。偶倦欲伏几。婦止之曰。君神采索然。意果何屬。浴後飲至宜。盍共酌。不得已從之。婦取玻璃盞注酒。畢飲。復斟以飲愛民繼德。時室沉沉。并僕從未之見。愛民繼德甚疑。恐復自忤。曰。倘主人終不至。予少閒得脫身出。萬幸矣。窺婦則狂吸惡嚼。脣齒哆然。并割肉趣之食。俄頃。殺酒就盡。婦頻掇果實食之。而室主人至矣。

主人貝黑德。爲墨繼王御馬監。饒於財。美居室。此其別墅。恆以宴客。是日折柬招友人飲。命奴治具。既備。奴以事闔扉去。而貝黑德度客將至。詣別墅候之。至則見鎖折。戶闢。疑有肚篋者。躡足入。忽聞語笑聲出精舍。竊視。則一美少年。與婦酌。食案狼籍。婦則貌妖冶。辭態蕩謔。知非良家。思調以爲戲。時婦敷坐。面背戶。而愛民繼德則瞥睹一偉丈夫。隱於隅。知爲主人。倉皇色變。目注貝黑德。欲有所言。貝黑德急搖手。示勿聲。招之出。愛民繼德知意。卽起離座。婦曰。將何往。曰。小遣耳。卽至。走廡下。與貝黑德相值。貝黑德恐婦屬耳目。退至外廳事。謂愛民繼德曰。汝何故毀吾門入吾室。曰。誠知開罪。雖然。使君知事端。未必余宥。乃具以告。且謂已爲王子。遭不白冤。避禍來此云。貝黑德夙以豪俠自喜。見愛民繼德位王子。容辭俊朗。知非誑已者。卽轉怒爲喜。曰。得遇王子。良幸。僕貝黑德。爲墨繼王御馬監。此別墅。爲予與友朋譚讌所。今日招友飲。辱不棄。請少留。此婦甚突兀。僕擬就君言。伴爲僮入室。覘婦舉動。君卽以僕遲歸責且扑。僕有用意。今夕請君居此。晨當遣婦去。僕必有以報君。愛民繼德復欲有言。貝黑德止之。趣使入。

亡何。所招友絡繹至。貝黑德僞託辭却之去。卽至別室易服。時愛民繼德已入座。謂婦曰。僮逗遛不返。室乏人。簡侍應。罪甚。奴歸。余必重責。婦曰。小事何介意。奴辱命。謹不容宥。且不足

以煩君。願與君但露醉爲樂。愛民繼德以貝黑德不罪且敬。喜出望外。斯時意泰然。不若前之芒刺在背。與婦飲益豪。久之。貝黑德青衣至。佯爲懼。匍匐請罪。旋起俯首待主命。愛民繼德佯怒曰。汝不事事。暮尙不歸。何往。曰。萬死。不意主早至。致遲遲復命。愛民繼德曰。爾以予藉口。狡孰甚。起取鞭。稍扶。即歸坐。婦以罰輕。不滿意。自起肆擊。貝黑德負痛。淚泫泫下。愛民繼德不忍觀。疊呼曰。止。婦怒曰。君馭下無方。致奴益縱。予爲約束。君何效婦人之仁。復痛笞不已。愛民繼德奪鞭。婦不與。良久乃釋手。猶目礫礫大罵。貝黑德拭淚侍。且爲斟酒。食竟。貝黑德洒掃潔其室。榻來奔走。婦復以惡聲加。愛民繼德心不平。然憐婦威。不敢語。比夜。貝黑德爲設臥榻。列枕衾。而已就外廂寢。

貝黑德既退。愛民繼德與婦坐語。歷一旬鐘。始解衣將寢。婦復出。聞貝黑德大鼾。觸前怒。思殺之。進謂愛民繼德曰。君愛妾。能爲我作一快心事否。曰。當盡力。婦指壁間懸劍曰。君取此劍斷奴首。愛民繼德愕然。疑婦醉。曰。彼違予命。予責之。汝復痛挾之。可已矣。彼蠢蠢者何足深責。且彼夙供役無大過。豈可執細故以殺其身。願母復及此事。婦怒曰。君與此奴無戚誼。何袒彼爲。予必得彼而甘心。君不忍。予將手刃。取劍奔外廂。愛民繼德追呼曰。奴屬予。惟予能殺。若不能越分侵吾權。若既有深恨。余爲若殺却可耳。婦即授以劍。愛民繼德執劍。願婦

曰。禁聲。偕我來。毋使覺。比至貝黑德榻前。愛民繼德舉劍力斫婦頸。頭耵然墮。貝黑德之胸。貝黑德驚起。張目四顧。見愛民繼德持劍立。一婦僵於地。無頭。榻上一首。血漉漉。大駭。急詰。愛民繼德具言之。且曰。欲救君。非殺婦不克。貝黑德感謝曰。微君。予必死於婦。再造之恩。何以報。旋顧曰。天未曙。僕將負尸出。免洩露。愛民繼德曰。予殺予埋。胡累君。貝黑德曰。君不知途徑。無從掩此尸。此事望委諸僕。倘曙後僕不還。必爲邏者獲。君可獨居此墅。再作他圖。謹以墅及一切爲贈。言已。作書爲左券。取大囊藏婦骸。負而去。

貝黑德既出門。欲投屍於海。行向海濱。不數十武。與主捕者值。主捕者素識貝黑德。知爲墨繼王御馬監。是日見其衣青衣。負巨囊而走。心疑焉。從者止貝黑德。發囊視。則赫然死婦人也。於是執貝黑德去。主捕者以其居官殺人。罪至重。黎旦。縛以白王。王大震怒。曰。貝黑德以職官擅殺民婦。橫甚。罪干纒首。貝黑德默不置辯。入於獄。日午當刑死。時其罪狀已徧布國境矣。

愛民繼德在別墅中。俟貝黑德。久不至。心搖搖不甯。聞戶外喧傳聲。聆之。則言貝黑德殺人獲譴事。大駭。扼腕曰。貝黑德無辜。何可坐抵。吾不願假禍於人。立起赴市曹。觀者方麇集。衆議騰沸。俄主捕者押貝黑德來。比至行刑所。愛民繼德奮至前。抗聲請曰。殺人者我也。貝黑

德無罪。於是以殺婦事。歷告主捕。主捕以事至重。不敢決。導見王。愛民繼德述端末。並以失弟事告。墨羅王惻然曰。得覩丰儀。幸甚。貝黑德可謂以德報德。當復其職。王子手刃惡婦。救貝黑德。復慷慨自首。豪俠不可及。可任維齊。以輔朕治。并予特別權。得於境內訪所失者。愛民繼德俯伏謝。即日視維齊事。偏召偵者。詢愛斯瑟德蹤迹。得及知耗者。賞有差。久之杳然。固不知其拘囚於窳室也。

愛斯瑟德既受執。波士特里與克肥馬日鞭撻之。比祀火神期近。舟之往藍海者。悉已具。行有日矣。曳置愛斯瑟德於箱底。上厚覆以帛。鑿微隙。令通呼吸。昇登舟。付船主比力民。而比力民已奉愛民繼德諭。將詣舟稽察。蓋愛民繼德誦知。凡歲往朝火山者。必殺一回教人。供神食。恐愛斯瑟德為所獲。擬往覓之。至則命侍者大索。竟不得。不知其在帛箱中也。殆哉。愛斯瑟德。為砧上肉矣。

舟既發。距墨羅城已遠。比力民出愛斯瑟德於箱。懼其投海。以鐵絙鎖之。行數日。忽海色昏暗。狂飈掀巨浪。挾以急雨。舟顛舞不能自主。漂若箭激。比力民恐觸礁。驚惶失措。久之。達一海口。審為瑪奇亞納女王之都。頓戰慄無人色。蓋女王崇回教。仇視火神。屏其徒不許闖入。并舟楫亦不得泊其境。而風雨勢更厲。比力民語眾曰。泊口內則舟可保。而女主夙仇火教。

往必遭戮。奈何。計維有詭爲販奴者。釋愛斯瑟德縛。衣以青衣。脫女王召。卽以遭風漂至。販奴僅餘一人。以彼尙不覺。留司會計對。女王見愛斯瑟德美丰姿。必欲得以給事。則佯爲不欲售。固強乃允。復遷延之。俟風定。卽潛解維去。君等以爲若何。僉曰。甚善。於是比力民解愛斯瑟德縛。衣以青衣。駕舟入海口。下桅焉。

瑪奇亞納女主之宮。高瞰巨海。宮之外。植卉木爲園。修廣抵海岸。是日。瑪奇亞納憑窗眺。見一舟入口泊。例召舟主詰所自來。比力民卽挈愛斯瑟德。囑勿妄言買禍。至則僞白如前言。瑪奇亞納見愛斯瑟德俊雅。好之。詢其名。愛斯瑟德蹙額曰。所詢爲昔名乎。抑爲今名。曰。若有兩名邪。曰。然。臣昔名愛斯瑟德。今則名神食。言竟。欬歎不自勝。瑪奇亞納驟不能解。疑其白奴隸苦也。不知愛斯瑟德之作廋語。謂之曰。若能司計。必能文。可書以示予。曰。恐不足塵覽耳。退數武。爲文。隱括被難事。呈瑪奇亞納覽之。愛不釋。謂比力民曰。朕欲愛斯瑟德供役左右。汝意云何。比力民曰。賴其司會計。實不忍售。萬死不敢承旨。瑪奇亞納大怒。立起攜愛斯瑟德入宮。命侍者出。諭比力民。速駛舟出境。遲且獲罪。比力民倉皇歸舟。啓旋行。時風雨未止也。

瑪奇亞納乃謙愛斯瑟德於宮。愛斯瑟德謝曰。臣奴耳。安敢越分。曰。朕憐子被困。爲出諸水。

火子若甘居奴隸。失朕意矣。盍就坐。適見子所陳。必見阨於仇者。其明言母隱。愛斯瑟德不敢拂意。就坐。具道前事。瑪奇亞納悲且恚曰。朕不仇火教徒。而彼仇我。乃慘酷至是。朕必蕩使無遺。以洩此恨。言次酒進。所以勸愛斯瑟德飲。殷甚。曰。王子罹困久矣。今日盍盡歡。終食。愛斯瑟德至愈樂。瑪奇亞納辭去。愛斯瑟德乘閒眺矚。信步入園。百卉掩映。老木參天際。雜以鳥聲。足娛耳目。一泉繞竹。水瀲灩然。就盥手。坐磐石少憩。體被酒。俄頃酣寐。而禍復作矣。比力民之失愛斯瑟德也。頗怏怏。時風雨少減。暮色蒼茫。舟子猶有在小艇中者。比力民謂之曰。余適見園中有泉流。甚清澈。若輩可往汲。牆不及肩。可踰而入。余懸舟以待。舟子如其言。至則見一男子就石臥。諦視則愛斯瑟德也。戒勿譁。取水畢。即潛負之。踰垣出。比愛斯瑟德晤。則已在小舟中。舟子遙呼曰。神食又來矣。比力民聞而大喜。亟趣登舟。狂噪殊甚。既復得愛斯瑟德。仍梏其手足。命掛帆振舵。面火山行。

瑪奇亞納歸宮。不見愛斯瑟德。詢侍者。不之知。以出遊當自返。坐待之。久不至。覓諸外不得。大索於宮中。又不得。乃秉燭自蹤迹之。見園扉啟。遂率侍者入。至泉側。得履一。識爲愛斯瑟德著者。水潑地。循溼迹達垣。疑比力民施詭計。立命嗣去舟行止。俄復命曰。薄暮已發。至海口又少泊。乃行。瑪奇亞納立傳諭海軍主者。選快艦十待命。主者飭部伍立具。翌日。瑪奇亞

納登艦。主者請旨。瑪奇亞納曰。速捕比力民之舟。獲則賞。不獲。譴無貸。主者唯唯。至三日。昧爽。始隱見舟檣。旋近。識爲比力民所駕者。艦環圍之。比力民見兵艦蜂集。知不免。遂釋愛斯瑟德格。瞋目語之曰。以汝故。致余等受困。然汝亦不得生。即投愛斯瑟德於海。時瑪奇亞納暨諸軍士皆未之見也。愛斯瑟德素習泅。即游至海濱。攀木石。登陸少憩。解衣曝石上。日烈。移時乾。乃著衣步沙石間。自歎舛午。遭厄難者屢。淚潛潛下。久之。抵一大道。荒曠無人跡。僅於道旁掇野果實充腹。凡十日。至大聚落。髣髴曾經由者。熟省。始矍然悟。非他。墨繼城也。時薄暮。恐復爲仇者得。投身叢莽中。墨繼人墓最巨。外有舍。可容數人。愛斯瑟德見一舍戶未鍵。遂入棲止。不知復入阱中矣。

瑪奇亞納之追及比力民也。命兵圍迫之。比力民下帆降。瑪奇亞納責之曰。前爲若司計者何在。爾擅入宮禁。盜彼來。罪當死。比力民伏對曰。奉命後。即掛帆去。安敢復劫。望垂察。倘以爲妄言。請索之。於是命軍士嚴搜索不得。怒欲誅比力民。比力民投地乞命。釋之。舟貨入官。給一小艇。命比力民率舟子乘之去。比力民不敢違。駕抵海濱。舍舟登陸。亦遵大道行。於愛斯瑟德抵墨繼日。亦抵墨繼。僅後數小時。而城關已閉。不得入。斐回田野間。擬寄身墓舍。即擇一稍高廣者入。即愛斯瑟德栖宿處也。

比力民入墓舍。見一男子以袖障面臥。未留意。而愛斯瑟德聞履聲驚寤。舉首詢來者。比力民警視愛斯瑟德。呼曰。嘻。汝復來此耶。余爲汝。幾不保首領。汝今歲卽得免刀俎。來歲豈能逃神食乎。卽按愛斯瑟德於地。以巾蔽其口。呼舟子急縛之。晨昇愛斯瑟德由僻道。抵老叟家。復囚愛斯瑟德於窟室。並以遇險事具語叟。叟切齒。命兩女虐愛斯瑟德加甚。愛斯瑟德懼。見波士特里握鞭至。股慄而號。哀聲楚人肝肺。波士特里爲之動。惻然不忍。愛斯瑟德搏類乞生命。涕淚縱橫。波斯特里亦爲泣下曰。予父憎君。奉回教。故命虐待君。曩昔已施無禮。自是後。予知非。予不敢復從父命。且當役於君子。以贖前愆。有侍婢奉回教。常以良言規勸。予頗容納。欲改奉之。君如不信。誓諸噉日。君氣概不凡。必非久困者。天佑善人。冥冥中使予幡然改念。以救君子。君幸。亦予幸也。愛斯瑟德聞言。心始定。且乘間以教中宗旨爲波士特里陳之。且具以生平告。波士特里正襟聆其言。復慨其遭際。愛斯瑟德旋蹙然曰。卿性仁慈。大姑來。將不余宥。奈何。波士特里曰。毋過慮。此事當爲君排解。復慰藉愛斯瑟德。良久乃去。後克肥馬每欲入窟室。波士特里設法止之。而已則時來視。與酒食。溫語。愛斯瑟德憂稍解。一日。波士特里偶倚門。聞喧嘩聲。自遠至。語不能辨。俄見人從駸駸來。卽隱身屬耳。乃搜覓愛斯瑟德者。波士特里趨窟室。笑謂愛斯瑟德曰。喜君脫厄。亟偕予來。愛斯瑟德相與潛出。

道衢路。波士特里大聲呼曰。愛斯瑟德在此。時愛民繼德已過老叟家。聞聲迴顧。愛斯瑟德即趨前相持而泣。愛民繼德以從騎授愛斯瑟德。同往謁墨羅王。王具詢涯畧。以愛斯瑟德英俊。不下其兄。即位以上卿。使勸吡國事。時波士特里以潛出愛斯瑟德。懼父責。不敢歸。旁皇於愛斯瑟德之側。王命人導往宮中。使臣善視之。又遣武士亟捕叟。治其罪。

先是愛民繼德。以失弟逼諭居民。有匿愛斯瑟德不出者。坐誅夷。至是愛斯瑟德。以疊受囚厄事。述諸愛民繼德。大憤。立請於王。毀叟居室。縛叟及其家人。比力民亦同繫焉。至。墨羅王一物。盡得實。罪當駢首。叟等哀號乞命。王曰。若曹甘爲大惡。罪不赦。既畏死。必滅火神。奉回教。或可從末減。叟等頓首出血。惟命是從。誓不背負。於是予以不死。愛民繼德。以比力民既改持回教。憫其舟貨之失。令囊苑家政。比力民感激涕零。痛悔過。以誠自効。既知二人受厄。願末。乃乘間請曰。意白里島主念殿下必禁切。擬具舟送歸國。竊不自揣。於島主前。願代布腹心。倘王意不回。變計未晚。愛民繼德然其說。往白諸王。王曰。善。朕將爲治裝。比啓行有日。愛民繼德昆弟入朝辭。忽聞偵者來報警。謂不知何國兵。已薄郊外。請籌所以守禦。墨羅王大驚。愛民繼德前曰。臣受恩未報。今鄰國師出無名。願單騎赴敵。以口舌下之。王允其請。愛民繼德出詣彼軍。其主帥亦出。則瑪奇亞納女主也。愛民繼德曰。王率軍辱臨敵國。敢請其

故曰朕爲瑪奇亞納。來修鄰好耳。甯與無名之師。第貴國有比力民者。潛劫朕從官。愛斯瑟德去。願得之。愛民繼德曰。愛斯瑟德。實爲予弟。今官於朝。敵國之君。待王久矣。乞不吝玉趾。且可與愛斯瑟德見。瑪奇亞納帥數騎。謁墨繼王。墨繼王優待之。愛斯瑟德趨與道離。瑪奇亞納悅甚。而偵者復告有敵兵自東來。勢洶洶。墨繼王愕不知所出。俄而鼓角競鳴。飛塵及陣。墨繼王駭然。謂愛民繼德曰。豈朕有失德。而鄰師數至。對曰。臣請復爲陛下解之。卽馳騎往。欲見主帥。比主者出。詢所以帥師臨境者。王曰。朕國於中華。數十年前。有客利登島王之太子客馬力兒瑟孟來。朕以白達力妻之。不數月。挈妻往覲其父。約一載歸。屆時杳不返。朕念切。不憚跋涉。歷各國蹤跡。偷以耗相示。幸甚。愛民繼德聞言。知爲其外大父開阿。卽前跪吻其手曰。臣爲愛民繼德。母后白達力所出也。臣父爲意白里島王。父母皆安好。開阿大喜。持愛民繼德問曰。汝何句留於此。則泣然以后之不德。及客馬力兒瑟孟之盛怒。欲殺對。開阿曰。汝曹不歸。是重父母之過也。予將謂若父子解閒言。可以余來告愛斯瑟德。言已。命息軍於野。時墨繼王方旁皇焦急。愛民繼德至。具道見開阿事。墨繼王聞其國富強甲天下。思敦睦鄰之誼。擬帥羣臣往迎。忽軍聲遠沸。謀以西警告。墨繼王曰。一日警報迭至。心若懸旌矣。仍命愛民繼德往。愛民繼德受命。攜愛斯瑟德去。比見彼軍。爲意白里島人。知客馬力

兇惡孟來。冒險往見。先是客馬力兒瑟孟知二子冤死。悔而涕泣。蓋恩既不忍終。乃具白王子未死。客馬力兒瑟孟益念不釋。乃以一軍自衛。躬踪迹。誓不得不歸。至是見二子。相持痛哭。繼知開阿至。乃輟涕。帥二子往見。突有軍自波斯來。部伍嚴肅。即命二子往視。至則詢主軍者。耄老不能答。有臣爲致辭曰。客里登島國主。敬問墨繼王無恙。敵國主有儲曰。客馬力兒瑟孟。私出數十載不返。今躬自蹤跡經此。君輩有知之者。見示幸甚。蓋言者爲維齊客利登也。愛民繼德等不暇答。即策馬以大父來告諸客馬力兒瑟孟。客馬力兒瑟孟喜且悲。迴念浪跡久。致重累君父。以高年勞車馬。躑足悔恨。二子婉慰之。即偕往見斯克瑟孟。俯伏請罪。斯克瑟孟見愛子喜極。不能無怨。潸然曰。兒何久滯於外。予思汝幾致傷生。今幸見汝。客馬力兒瑟孟聞言大痛。搏頰自責。深恨困情欲。疎溫清。媿悚無地。久之。縷述別後事。是日也。四王實大會於墨繼城。墨繼王宴接以禮。凡三日。復爲愛斯瑟德媒於瑪奇亞納。成伉儷。而愛民繼德以波士特里有救弟恩。亦訂白首約。旋三王率師歸國。而瑪奇亞納則偕愛斯瑟德返京都。墨繼王以愛民繼德愷明有才略。已老無嗣。久有禪位意。至是國事一決於愛民繼德。退不問政矣。愛民繼德既受禪。勸於治。力端宗教。人知反正。異醜漸熄。不數載。民悉奉回教云。

小說終

小說



本
四

十
月

雜俎

光緒三十一年八月中國事紀補遺

▲為記者知此事之原委也
▲為記者以見報之本是日也

八月二十八日。△商部請以唐紹儀會辦蘆漢鐵路。△四川巴塘兇犯正法。馬軍凱旋。△江蘇青浦紳士集議自辦馬路。二十九日。▲北京戶部銀行開市。▲政府抗議日俄和款。為撤兵期限太遠。鐵路駐兵太多故也。△嚴查江蘇糧價浮冒。△商部請以楊士琦幫辦京張鐵路。△山東濟甯州。有英日商人開設行棧。一律禁止。△收回福建樟腦局。△粵督籌辦九廣鐵路。

光緒三十一年九月中國事紀

初一日。▲駐俄使臣胡維德電奏。俄國將派大兵。往剿穆爾匪徒。恐乘間窺伺伊犁。宜飭該處將軍嚴防。▲自是日始。戶部按卯勻餉五分重制錢。▲以張慶雲為重慶鎮總兵。△商部飭查安徽廣德縣事。初二日。△商部

雜俎

奏請省紳商議自辦鐵路。陳寶琛為總辦。奉旨依議。△陳撫陳龍奏裁裁河工開缺。准之。初三日。△外務部與日使商訂。裁縮東三省撤兵日期。▲晉撫張曾敷抵津。▲招商局協和輪船失事。被難者十五人。△直督袁世凱派兵千名。保衛 頤和園。初四日。▲諭令各衙門。補送京察一等未經記名各員。△政務處奏請通飭各省。修改監獄。△翰林院奏改編檢保送知府例。△以達春為吉林將軍。初五日。▲天津偵探誤拿六人。疑為炸彈案同黨也。▲陝甘同鄉京官。會議自辦鐵路。△科布多幫辦大臣英秀。奏請整頓蒙古之布倫託海等處屯田事務。並酌改兵制。△政府電飭各督撫籌議丁捐利弊。初六日。▲江蘇學會開議於上海。▲電諭嚴拿放炸彈匪黨。初七日。△刑部奏請變通婦女贖罪章程。△駐蕪湖英領事。照會皖撫誠勳。銅官山礦約並未逾期。△政府通咨各省官員。入仕學速成科。初八日。△奉天西豐縣知縣殷鴻壽。被日軍拘入

七十五

乙巳

軍政署。用利誘訊。▲江蘇直隸山東三省京官會議請廢津鎮鐵路約。▲北洋新設探兵隊。初九日。▲太后宴各國駐使於 頤和園。翌日。復宴各駐使夫人。▲晉撫張曾效因教士教崇禮之請。奏獎西醫畢業生。▲交學務處議奏。▲法使要求政府合辦廣西路礦。尤每年遞減庚子賠款十分之三。以為報關。▲粵督岑春煊。電商政府。請行印花稅。以抵關稅捐。初十日。▲兩宮由 頤和園還宮。▲政府因鄂督張之洞借英款贖路。所訂合同有失主權。電令速還。▲諭停 高壽寔。▲特設巡警部。以徐世昌為尙書。毓朗補左侍郎。趙秉鈞署右侍郎。▲候補京堂周榮曜。為粵督岑春煊所劾。奉 旨革職。查抄家產。▲政府奏練各省駐防旗兵。▲政府奏練新疆邊軍。▲川督錫良請開萬縣為商埠。十一日。▲外務部尙書管理工巡局事務那桐。奏定京城巡警章程。並請修築外城馬路。酌收舖捐車捐。以充經費。准之。▲駐俄使臣胡維德電

請遣派專使赴第二次萬國平和會。諭令駐俄參贊陸徵祥前往。▲法使起程回國。法廷改派舊任參贊戈昌繼其任。▲奉天將軍趙爾巽。電稱日本在奉天施行軍政。有礙我國統治主權。又金州復州海城蓋平撫順等處。可照俄國租借三十年期限。轉租與日本。但財政及緊要事件。宜畫分權限。政府令直督袁世凱與之妥議辦法。▲鐵良徐世昌賞朝馬。▲以岑春煊署貴州巡撫。增韜署湖北按察使。▲以壽勳署兵部左侍郎。▲桂撫李經羲因病開缺。以前黔撫林紹年代之。▲廷寄查辦蘇杭甬鐵路合同。命浙撫孫毓汶設法收回。▲郵政歸轄於巡警部。▲以唐紹儀之參贊張蔭棠。接辦藏約。▲浙撫孫毓汶。浙藩翁曾桂。均開缺。屬員革職有差。御史姚紱密劾之。十三日。▲派袁世凱鐵良為秋操閱兵大臣。▲刑部議定私鑄銀銅元偽鈔票律。▲天津巡警官捕獲食某買某等人。訊明並非刺客之黨。▲命醇親王鐵良清查庫款。▲以張曾敷為浙江巡撫。未

到任前。以瑞興督署。張人駿為山西巡撫。鴻書署湖
南巡撫。實為浙江布政使。增韜為直隸按察使。△
國和國加高外贖。防刺客也。△商部通行各省。仿照江
皖辦稽查礦產。十四日。△接收粵漢鐵路。△京師學
務處。會議學政權限。△鄂督張之洞請行印花稅。△外
務部呈英德同盟約稿。△奏派張允官瑞豐。為戶部
銀行及造幣局總辦。十五日。△駐俄使臣胡維德奏
陳俄國改行立憲。我國兩宜仿行。請求自立之策。△羅
漢麟徐世昌那桐等。奏請降旨。嘉獎國債。贖回東清
鐵路。△慶親王不赴河間閱操。以醇親王倫貝子代往。
△巡警部設四司。仿日本警務官制辦理。△在山東
槍斃華人之印度人。判以無罪開釋。△四川富遠附近
匪夷投誠。△廷寄川督錫良等飭籌西藏事宜。△議
准設立韓語學堂。△奉天將軍趙爾巽。奏設奉天財政
總局。並定暫行試辦章程。△澳洲華人自設戒烟會。
十六日。△改訂修濟黃浦條約。歸中國自辦。△吏部擬

雜誌

擬。變通內閣衙門侍讀中書等官班次。△駐法使臣孫
寶琦。條陳立憲事。△政務處決議。奏請開海州為商埠。
△商部外務部會議。收回庫倫喀什噶爾等處煤油利
權。△直督袁世凱奏定內監與民人涉訟例。△漢口楚
報記者某因事被拘。△署粵督岑春煊。暫復廣東盜犯
就地正法之例。△直督袁世凱咨請外務部。轉商意使。
撤換駐津意國領事。十七日。△俄使電告慶親王。請
中國贖回東清鐵路。並要求改訂恰克圖條約。△東三
省日本軍隊。經日本政府決議。准於六個月內撤盡。△
政府電飭各督撫。速籌東三省開埠辦法。△政府擬贖
回東清鐵路。以無款作難。△奉天增置安廣縣。十八
日。△皖撫誠勳。奏請鹽斤加價。及辦米捐彩票等項。以
充皖省鐵路經費。△以劉銳恆為雲南臨元鎮總兵。△
通州北新倉火。△軍機大臣特訂接見官僚常期。△奧
政府照會駐奧使臣。有意聯絡華商。將派專員來華。△
直督袁世凱調兵移駐蒙古。△日俄兩國宣布和約全

七十七

乙巳

續一

文。十九日。△俄官帶同喇嘛。由京起程。前往蒙古調查礦山。並謁見達賴喇嘛。△秋操閱兵大臣鐵良袁世凱起節。赴河間。△日本滿洲駐兵。第一起撤退。△修律大臣伍廷芳沈家本奏請。申明免刑新章。△商部奏派鐵路職員。△陝紳請自辦西安漢陽鐵路。△日本派守備滿洲鐵路兵司令官。二十日。△皖撫請奏設安徽全省礦務總局。△各國派員往觀北洋秋操。△電召警察畢業生歸國。供選警部差遣。△政府令各處辦理約大臣。仍爭主國二字。二十一日。△政府因日俄和約既成。特開御前會議。△外務部電詢各省督撫。對於日俄和議之意見。△廣西奏報肅清文武各官。實費有差。△日本簡選東總督。△外務部商部。電駁新擬中德商約條款。△巡警部開辦。二十二日。△修改新律成。應類各省一律遵照。△奏呈貴州學堂章程。△諭令王公大臣。童子入學。△理藩院尙書特圖慎。丁憂開缺。以溥良兼署。△以黃忠浩為廣西右江鎮總兵。

七十八

十二月

鄭國俊為江甯鎮總兵。△以雷補同知嘉來為外務部左右參議。陳名侃汪大燮為外務部左右丞。汪大燮未到任前。以鄭嘉來暫署。鄭嘉來遺缺。以朱寶奎署理。△中立解。釋放扣留俄艦。△政府電告南北洋大臣。緝匪毋得株連。△戶部奏准李經楚留辦江甯銀行。△皖撫請設勸業司。查辦官督商辦。二十三日。△萬國公司。擬承修粵南鐵路。湘人力拒之。△美總統演說禁阻華工問題。△傳旨申承輝補授為候補。以明請停止秋操也。△巡警部奏調人員。△欽定巡警部班次在刑部之後。工部之前。並免值日。△商約大臣電覆外而兩部磋商德約情形。△外務部電詢署江甯周爾聘用洋員。詳辦海軍情形。二十四日。△再開御前會議。提議三事。一遼東半島租借事。二裁縮撤兵日期事。三東清鐵路權限事。△鄂督張之洞查覆江南參案。奉諭分別勸懲。△外務部電駁江南製造局支款請冊。△署魯撫楊士驤。赴河間閱操。△晉撫奏報南路會匪。

肅辦。二十五日。△德使屢與外務部商訂津浦條約。其在山東得設支路。外務部力拒之。△吏部奏陳部屬升途壅滯。請准司員呈請改外。許之。△政務處外務部會議。開放庫倫恰克圖伊犁等處商埠。△北洋秋操開始。△山東德兵定期撤退。△川督錫良請改巴塘爲縣治。置巴安縣。設地方官。△停辦當十大錢。△川督錫良奏辦甯遠生司境內銅礦。△署江督周馥。請開贛州銅礦。二十六日。△張人駿赴督撫任。△安慶高等學堂學生停課。與警察局衝突也。△浙江海甯州有暴潮匪警。△御史王誠義奏勸督邊防軍滋擾。交督撫查辦。△日軍裁撤奉天捐局。二十七日。△署魯撫楊士驤。擬延美人丁格。爲礦務顧問官。德人援曹州條約抗拒。二十八日。△杭州防軍剿海甯之暴潮匪黨。敗於許村。△練兵大臣饒良弼世凱親兵於河間。△徐世昌紹英。出洋考查政治。因事中止。派李盛鐸尙其事代之。△蘇撫陸元鼎被劾。交署江督周馥查辦。△德人允將膠

州灣稅關。歸還中國。惟每歲以所入二成酬之。且要求關員須用德人。△德使請用德人爲警務顧問官。外務部拒之。△英催藏約專使赴印。△旅順准設德國領事。△議准海州開埠。並獎勵航業。△法領事電請保護新昌教堂。二十九日。△中國郵政。擬與德國聯合。德人允將山東鐵路附近郵局。交與中國管理。



雁



八

十二月

叢談

海樹成島 海中有種海樹。狀如珊瑚。其色或白或黑。又有狀如仙人掌而長圓者。灰質乃無數小蟲叢生如螺蛤。久之蟲斃。殼留其上。又生新枝。生生不已。遂成一叢大之堆。為海中之淺亘。於是螺蛤之屬。依附其上。久而益高。海鳥棲止其間。遺落草木種子。而植物生焉。漸至而成島嶼。今瓊州以南。有將成未成之島。大逾數百海里。其形周圍如環。旁高而中凹。其高者已生樹木。想不久必成一大地也。澳洲海濱。亦有一淺灘。即此物所為。長逾千海里。闊約三十海里。隱在水下。深四十至六十尺。此物成島。分為三種。曰穗礁。曰圓礁。曰穗礁散碎。形不高大。常黏貼於海濱。遠近如山石之起伏零落。壘礁較大亦較高。生於海濱遠處。澳洲所有是已。圓礁突起海中。與內地不相連。屬其間高下。距水深淺不一。南洋所有是已。三者所占地段不同。絕不相混。然海底既有此種海樹。則海水之深不過十五至二十拓。此物初生。必先成一大團。久之漸削而高。

叢談

鹽沙廣漠 美國舊金山。有鹽沙一處。長一百四十英里。闊七十英里。廣漠無垠。不生草木。未經探出以前。每有人冒險而入。消息全無者。今則皆可遊歷。而從前人馬之遺尸。則猶未朽。內有一小河。色白如乳。尚有數谷。皆為鹽所凝結。晝時日光射之。不可逼視。日落之際。霞彩燦爛。變為金紅矣。此處本為近海。然鹽則並非海水。別有泉穴。取鹽者用機輪起之。與耕犁相似。每方約六尺。日可得六百墩。其地熱度甚高。在一百五十度之間。酷烈異常。為白種所不能受。而土人則逍遙自如也。

古城重闢 西歷七十九年。羅馬佛所尼胡火山爆發。其飛灰所至。頃刻之間。全將勃沛伊城人民房屋。埋入灰中。而山之又一方面。則有熱流噴出。將厚革來尼恩城。融結而成一片大石山。至今一千八百二十五年。頗有嗜奇。資本家將勃沛伊之灰取去。而古時房屋。並其室中器皿。重現於世界。乃即其地成一大博物院焉。而厚革來尼恩。沈寤石中。高七十尺。當日此城較勃沛伊更富。惟開鑿

二十七

乙巳

之費甚鉅。不敢輕於嘗試。茲聞意大利國家與各國考古會。合力往掘。所用雖多。而所得亦必大為可觀云。

古錢出見。美國有哥羅連山坑。距林肯埠約二百六十英里。山嶺險峻。樹木陰森。人跡罕到。近經礦務家尋獲煤礦多處。即在山背探試。竟掘得古錢千餘枚。俱有中國字樣。乃知此錢為中國古時通用者。莫不詫之。

巨骨誌異。美國加利方尼亞之格致會。往尼華打沙漠。尋取上古動物之遺跡。於沙內掘得海獸遺骨一具。其長二十九尺。須箱五十具。始可盡載。未覓此骨之先。已得爬蟲之類多具。均皆古時遺物。為今世所無者。格致家謂此沙漠為上古之洋海底。中多異物。擬再搜羅奇異。先將巨獸之骨。寄往加利方尼亞博物院中陳設。

摩天屋。中國滿洲有一高山。名曰摩天嶺。言其高可摩天也。今美國芝加哥城新搆一巨屋。亦名摩天。屋共二十二層。專為外人來此棲止之所。每層八十間。共一千七百六十間。費銀十六萬元。

螺形橋。美國有大江。名曰密士失必。江之上流。有名哈斯丁斯。是處河岸。一面極高。一面極低。美人欲於是處造一渡橋。因河岸太殊。頗乏良策。忽思得一法。從高處曲曲盤下。如螺形以達彼岸。於是高低路平而功始成。橋闊兩丈。長約一里。繩以堅鋼造成。平日商賈之經是橋者。日以萬計云。

吊橋分層。美國紐約城有大吊橋一。分作三層。下層最闊。離水面四十五邁當。兩旁欄杆。相去三十六邁當。分路五條。中條為人步行。旁二條為駛轆輪車之軌道。按轆輪車與火車有別。乃重車之人力車或馬車。再旁二條為駛馬車之路。中層分內二條為駛腳踏車者。其腳踏等車。必備二條者。為一往一來之用。上層最狹。為駛火車者。橋之全身。繫以四大鋼鍊。垂於兩旁。其直徑合法國四寸六分一毫。每鍊可任重二萬磅。小兒催眠機。凡作活動機件。莫如瑞士。近有人造小兒催眠機法。裝於搖椅中。凡小兒睡醒而哭。口氣激動。機絲則有唱歌。機如留聲匣。然且唱且搖。則小兒能復睡去矣。

石織功用 獨中大甯縣與秦鄂毗連地方有石織。偏山皆白色頑石。質極鬆爽。草木不生。土人以爲藥物。石在土內。性軟如泥。極似石膏。色白而亮。壁之成條。揉之成絲。入火不化。歷驗不爽。如能織成幅。縫爲衣裳。較火浣布爲尤美。聞此物山海關內外山石內亦有之。土人名曰石絨。其色潔白。如石膏。質皆直。可擘爲絨。入火不燬。取出後潔白如故。惟性極鬆脆。斷難組織。或研成粉質。製造火爐等物。必較不灰木爲勝。或化學家有法製煉。能變脆爲韌。則更美矣。

蛛絲可織 近日馬達加斯嗎。得大蜘蛛一種。絲甚堅韌。可織。此類蜘蛛甚大。不能驚人。惟其足有毒。卵如蠶。徑寸許。初生時黃色。旋成白色。俟三月之久。則出有小蜘蛛三百餘。形似針頭。又過三月則可長至二寸餘。其牠者避於幽僻之樹林。必至生化時。方有交合。常有數百叢。成羣。食料已盡之時。亦互相噬殺。一千九百年。法京博覽會。有蛛絲布一疋。長十八碼。闊十八寸。所用之絲。共長十萬

蠶 織

碼。每一絲以二十四原絲合之。共費絲二萬五千枚。乃以紡紗器至鄉間。覓蛛而織成之。其布金黃色。甚有光彩。畜牧奇料 古語相傳。人有喂馬者。因無草料。乃令馬帶綠色鏡。而飼以木花。馬以爲其草也。就而食之。卒無恙。近有人以格致之法。特造飼料。以麥藎豆。筴。番薯之皮。蘿蔔之渣。而雜木屑配之。取喂驢馬。頗致肥腩。因驢馬之嗜食草木根。與此無異也。

殺蟲毒藥 凡大城市中。其房屋之內。有一種囓人之蟻。俗稱臭蟲。身有奇臭。蔓延極易。熱帶下尤甚。美國農部近日新得一種毒藥。可以除之。此藥名輕炭淡酸。凡桃紅杏仁內皆含之。特少耳。以此藥薰屋。其蟲立死。惟亦於人有害。故用之必慎。

藉電喂雞 美國某農。蓄雞數頭。而無暇以時給食。於是藉電線連於報時鐘。至時則鐘響。電斷。穀器自然傾出。雞聞鐘鳴。則往食之。是亦二十周電氣之驗於細物者也。光學有益於種植 植物之茂盛。全恃日光。近有人用阿

二十九

由德里尼燈。其光蒼白。與日相似。以分光鏡試之。誠然。故如有植物。以此燈照之。雖永不見日光。其茂盛亦與飽受日光者同。或以紅蘿蔔數枚。一則僅置於日光中。一則并置於燈光中。而其夜得燈光者之茂盛較晝得日光者加倍。試之豆類。其兼得燈光者。已開花見笑。而僅得日光者。則尚無蒂蕾也。

鐵網衛果 國南與泉一帶。所產龍眼。為果中上品。土人於果未熟時。每用布囊包裹。蓋恐蟲入果中。生子以害果也。惟布囊雖使蟲不入。而日光反減。於果亦不利。近有人做用西法。以極細鐵絲為網。罩於果上。藉以衛果。既可使小蟲絕迹。又可使日光透射。而果得熱度。滋長倍速。結實倍大。故鄉人多有從而效法者。

變化蟲鳥 瑞士國格致家斯丹福司。研究蝴蝶翅上之花樣顏色。能設法使之變化。其法以蝶蛹置於一器。使冷熱之度各異。則成蝶後。即絕然不同。是知萬物皆以所遇天氣之寒暖而殊。由是推之。近亦道之下。其蟲鳥皆極明

黠。近寒帶則不過黑白兩種而止。此斯丹福司之所新發明者也。

蟲蟻之思想 德國某格致家研究蟻之智巧。果出於思想。抑出於遺傳。一日於某屋中。掘得蟻子甚多。時諸蟻方以穴被掘。紛亂於外。乃置蟻子於他方。中以膠紙為隔。不令奪回。及明日尋之。則蟻子俱無。而膠紙之上。黏有細沙樹葉等。以作津渡矣。然則蟻其有思想者耶。

電傳音樂 美國格希勒。新得一法。用德律風線傳音樂於數百里外。近已在美國西北方巴德蘭大賽會陳設。此種賽會即地。聞此法不關遠近。即居紐約者。亦可聽芝加哥之琴聲焉。紐約去芝加哥凡一千英里。

鐵路用電之日盛 美京新集萬國鐵路會議。及用電於鐵路。亦為擴充鐵路之用。蓋萬物之力。無大於電。惟人能為之主。而使之聽命焉。故此種大力。既儲以待人。乃為格致家所發明。而電車既至。汽車時代。即將過去。若電車時代之進步。則不知又若何耳。西國於鐵路車上。初用油

燈。旋用煤燈。最後用以電燈。近日得一新法。則以磨電機聯於車輪。車行而電即生。無須另起爐竈。若中途暫停。則別有電池接之。使不至熄。今輪船亦然。并可免火險云。

植物陷阱 植物中有天生最奇之陷阱。能捕鼠者。美國奔邦大學校之植物院。有各種食肉之植物。其一種名膽瓶草者。則能捕鼠。當花開之際。形如膽瓶。上有蓋。尋常蓋取鼠入其中。食瓶內流質則醉。旋蓋下而刺鼠之背。恆不得出。且未幾鼠之皮肉。消化而盡矣。此種食肉植物。熱帶下多有之。其小者能捕蠅蝶之類。惟養之頗費且一經移種。不如野生者之強健云。

新測霜表 西國農家。每苦寒。恆有嚴霜以壞植物之萌芽。近有人作測霜表者。即以此表能指明空汽之燥溼而預防結霜之期在何時也。用此表者。於日落時懸於門外。離地二十四寸。即知今夜之有霜與否。

造紙誌奇 古以絲帛爲書。至漢蔡倫。始以敝布魚網等造紙。後世又用楮竹麻苧等爲紙。造紙之材愈夥矣。西人

雜 考

造紙之材。與華人大同小異。惟其用則尤廣。華人祇有紙。韓紙錢紙馬紙書紙張紙宣等物。西人則用以作瓦作衣作車輪。今更有用紙作履者。最奇者。俄國有紙屋一。內分十六間。係美人所造。費八萬羅卜。瑞典某山城有紙堂一。可容一千人。至近今造紙之速。妙不可言。世界新聞報。曾電告英國春林地方某紙局曰。今日須造紙長二萬九千邁當。答曰。諾。午後二點鐘。紙已興致館中。應印報之用。及晚十鐘。閱報者皆獲閱新紙所印之報云。

擺字新法 擺鉛字之法。每日每人不過二三千而已。然嫌其太遲。不足以供用。於是有人茂根到鍊者。以數年研究。得用機器擺字之法。此機略似打字機。指按某字。則某字至。迫成一行。則鉛鑄成之。而其字復散。即就鑄面去。仍返各字之原處。且擺字亦甚速。


煤油去垢 家中應用而有益者。莫如煤油。如玻璃鏡有污穢。則以熱水滴油數點而揩之。再以麈皮或柔紙擦亮。如取其光。則以布蘸油而揩之。亦能使之極明。如白鉛之

三十一

乙巳

養 護

桶及鐵物與漆物。皆以煤油先去其垢。而後以熱水洗之。至於刀叉生銹。則少許煤油與煤灰相和而磨之。其亮如銀。凡案地板之漆者。取油以布揩之。皆極善。窗紗與門帘。亦可以少許油和入洗之。蓋煤油者。善於化積之物也。



三井洋行

總行在日本國東京

分行

本國 札幌 函館 橫濱 名古屋
 屋 大阪 神戶 門司 若松
 唐津 長崎 口之津 三池
 臺北
 清國 廣東 廈門 上海 漢口
 芝罘 天津 牛莊 大連灣
 韓國 京城 仁川
 印度 孟買
 香港
 瓜哇
 馬尼拉
 新嘉坡
 大英 倫敦
 德國 漢堡
 美國 紐約 舊金山
 新金山 西土尼

啓者本行開設上海有年歷蒙各省紳商垂顧貨真價實莫不交相稱譽現將再辦東西各國各種貨物略舉名目開列於後

軍裝 煤炭 五金 棉花 棉紗 棉布 絲
 布 火柴 人參 木料 米 雜糧 各樣機
 器 洋灰 紙煙 各種雜貨

再代辦各國有名水火保險公司事務以及東西各國有名商工公司事務發售貨目開列於後

兵船 輪船 軍火 紡織 染色 防火 濾水
 火車 製紙 印書 電氣 麵粉 皮帶 製
 造銀元銅元各種機器

各省紳商賜顧本行格外克己以廣招徠請駕臨上海四川路第十七號門牌面議可也

日本商 上海三井洋行謹啓

司各脫商標廣告



案經用人魚商標為記不論何國商人均不得仿效以偽亂真或販賣不論何種貨物及一切藥料亦不准用人魚商標或模仿本商標而稍改形式以為假冒影射之計亦所必究茲特佈告倘有人故蹈以上諸弊一經訪聞定必稟官究罰

再者司各脫乳白鱈魚肝油係創自英京並非美貨富商巨賈購貨時辨明本鱈魚肝油商標上有英字倫敦字樣自不致誤會也

啓者司各脫乳白鱈魚肝油創自英京旋即馳名各國久蒙官紳士商讚賞會照英國商律在上海總領事署註冊並按中英商約在中國海關立